

حسن ابراهيم

كويسه له

ئهو مروفتى ژمرنى رهقى

رومان

ناقى پەرتووكى: كويسەلە (ئەو مرقى ژ مرنى رهقى)

رۆمان

نقىسین: حسن ابراهيم

بەرگ و ديزاين: بلند محمد

كەقالى بەرگى: ئاواز بەروارى

ژمارا سپاردنى: (/ \ - D) ل پەرتووكخانه يا بەدرخانيان / دهۆك.

چاپ: چاپخانه يا

چاپا ئىكى:

ماقچاپى بۆ نقىسەرى پاراستيه

كويسه له

نهو مروؤقى ژمرنى رهقى

رهڤين ژ مرنې مرنه و خواستا مرنې ژيانه

ههستكرن دهسټپيكا گومانييه.

گومان دهسټپيكا پرسايه

پرس دهسټپيكا ترسييه.

ترس دهسټپيكا ژدهستدانا خوهراگرييه.

ژدهستدانا خوهراگرييه دهسټپيكا مرنويه.

مرن داوي يا ههر تشتيه.

دبت دهسټپيكا ههر تشتي بت...!

مرن چييه...؟

ژيان چييه...؟

ژيانه كا دي ههيه پشتي مرنې؟

مروڤ چهند جاران دژيت و چهند جاران دموت...؟

ئه فا ئه م ديژني ژيان، ژيانه؟

يان تني دهسټپيكه بو ژيانه كا دي...!

بو ژيان ههيه...؟

بو مرن ههيه...؟

هه كه پشتی مرنی ژیان ههبت، بو ئەم دیبژنی مرن...؟
ئەقە چ نەینییە...؟

مرن چەند یا بترسە...!

ئەز باوەرناکم پشتی مرنی ژیانە کادی ههبت.

هه كه ههبا مروّف هنده ژ مرنی نه دترسیان...!

ئەز بێ ههست بترسی دكم، لیدانین دلێ من نه دسرووشتینه.

گۆمانی ژ ههه لقی و ئاوری و بشكۆرینا فان دکتۆر و په‌رستاران دهم.

شهرهك قهشارتی دناقههرا من بێ بی دهستههلات و قی نەینییە دکتۆر ل من
قه‌دشیرن دا ده‌ستپیکریه.

سه‌رکه‌تی دقێ شه‌ری دا نین، ئاشکرایه شه‌ر بێ دژواره و دوژمن بێ هاره.

به‌رسقا پرسین من ئەو چپکین کیمیاوینه بین ل هنداڤ سه‌ری من.

ئەز بێ ل به‌ندا روودانه‌کا مه‌زن، یان روودانه‌کا مه‌ترسیدار ل پیشیا منه.

گوهورینه‌ک مه‌زن دی ژیانە من سه‌رو بن کت، دبت ئەو گوهورین ژیانە من
بداوی بینت.

دلێ من بێ وی په‌یامی دگه‌هینت، چوجارا وه‌کو فان روژان من هه‌ست بترسی
نه‌کریه.

ترس یا دبته دوو چاقین زهر و دیمه‌کی پیتی...!

ئەز ژ مرنی ناترسم. هنده‌ک تشت ژ مرنی بترستن، ژن و زارۆییین من دی ل
خه‌ریبا بیخودان مینن.

ئەف پرسین دژوار، ئیشا له‌شی من ژبیرا من دبن.

دی مرم...؟

مرن، په‌یقه‌کا بچووک، واته‌یه‌کا مه‌زن.

ترسا من نه ژ مرنییه، هه که مرم، نهو دی چ کن؟ دی چهوا ژین؟ چ دی ئیته
رییا وان...؟

گۆتین دایکا من هاتنه بیرا من.

_ کهس پشتی کهسی ژبرسا نامرت...

بنقه نه جار وه کی هه ر جار، خودی ئیکه و دهلیل هزار...

ئهف ههسته دی دلج من خوت، هه موو ئەندامین لهشی من یین دکنه ههوار.

کارهساته کا د رنده یا بریقه، تشتهک مهزن دی روو دت. نهو مروقین خه مین

گران دهه لگرن ژیی وان یی کورته.

ئهفه چهند ههیف بۆرین، دکتوران چو په یامین دلخوشکه ر نه داینه من. ههست

ب بارهک گران دکم، دیم و چاقین په رستارو دکتوران یین گه لهک نهینیان ئاشکه را

دکن.

پشتی ئەز ئینایمه ئاقاهییی ژماره دهه، ئەز گه لهک یی دترسم و ترسا من یا

دبته کابووس.

ئهف ئاقاهیییه جهی وان نه خوشایه یین ژچاره سه رییا وان بیهیقی دبن.

راسته گۆتن بو دهه کی کورت و نه جامدانا هندهک بشکینینان.

لی دل ولهشی من وهناییزن.

ئاقاهیییه کی مهزن و چهند نهوم، هه ر نهومهک هندی ته بقین ژور و بهش و جهین

تایهت یین دکتور و په رستاران..

هه ر ژوره کی دوو تهخت، بو دوو مروقین ل هیقییا مرنی، دوو گیان ل هنداف

دوو که لهخین له غه ر ل بهندا بریارا ئیزرائیلی...

بهری من بیننه فی ئاقاهی، من هیقیهک هه بوو، ژیانجی تامه کا دی هه بوو.

ژیان... په یقه کا تژی کیشه و ئازاری...

ماده م مرن ههیه، پیتقی ب چبوو ئەم هاتینه ژیانجی...؟

بهري من كه ته وي پهنجهرا مهزن يا د كه فته بهرانبهري ريبا سه ره كي .
تهو پهنجهرا روژي دهه جارن تهز خوه ژ تازارين له شي خوه ددزم و تيرا د ره قمه
بهر سينگي دا يكا خوه .

تهو پهنجهرا شه فين درهنگ ميثانين قه چاخ ل هنداف سهري من كوم دكت .
تهو پهنجهرا چند جاره كا من قياي كه له خي خوه يي بي بها ژوردا تيرا بهردمه
خواري . تهو پهنجهرا بوويه قيبلا چا فين من ...

برين مروقان يين بهرهف مرنى ديئن .
هه ر كه سي قى رى دگرت وهك سهربازين شه رين گرانن، يي كوشتيه يان
خوداني برينين رزييه ...

ريبا چون و نه فه گه ري .
بيرا من ل چيروكين ميرزا محه مدي ئينا ده ما ل سيثا زيانى دگه ريا .
_ ته فه ريبا چون و فه گه رييه ...

_ ته فه ريبا هات و باتيه ...
_ ته فا دى ريبا چون و نه فه گه رييه ...
من زى ريبا چون و نه فه گه ري گرت ...
ته فه قان مروقان خير هنده قه ستا قى رى دكن ... ؟
هه ر يين ديئن و كه س نا زقرت .

هندهك جارن من هزر دكر تهز يي مريمه و ته فه گورستانه .
تنى ل گورستانى كه س نازقرت .
ئها ل قى رى و ل قى ئافاهى زى كه س نازقرت، هه كه دا بيژته قى خه لكى
بهس قى رى بگرن، كه س خوه نيزيكى قى ئافاهى نه كن ...
كه س نه ئيت ... بره فن ... خوه فه شيرن ...

ئەقە گۆرستانە...

دەنگى وان ئاميرىن ل هنداف سەرى من ترس کره راستى، ره جفکا له شى من ئەز
ئاگادار کرم، تشتەك مەزن دى روى دت، نزا ئەف هەستە بو من ژکيفه
چىبويە؟

دەرگەھى ژورا من قە بوو، قوتانا دلخ من فشارا خوینى ل من بلند کر.
چەند جارەکی ئەف دەرگەھە دئیتە قە کرن، هەست دکم ئیزرائیل یى
د گەل کەنى و بشکورینا وان دکتور و پەرستارىن پورزەر دئیتە ژور. هەر تشتى
دقى ژورى قە بيرا من ل مرنى دئیت.

بیهنا مرنى یا ژ هەر تشتى دئیت. یا ژ وی بتلى ئاقى یى ل سەر وی میزا ل
بەر تەنشتا من دئیت. یا ژ وان گولین سۆر یین قى سپیدی پەرستارا هەقالا من
ئینای دئیت. یا ژ دیوارین ژورا من دئیت، تژی ناف وان کاغەزین لسەر میزا
هەیه، یا ژ هەناسەیا پەرستار و دکتوران بلند دبت. یا ژ بالیفکی بن سەرى من
دئیت...

مرن...

دەرگەھ قە بوو، دوو دکتور د گەل دوو پەرستاران هلدانە ژور.
دیمین وان و شیوازی هاتنا وان یا پیکه، پەيامین بیهیقبوونى رادگەهانەن.
ترسى پەنجین خوه د دلخ من دا چکلانەن.
وہک تپەکا هونەرى پیکه گۆتن.

— سپیدە باش...

من تژی دىمی خوه بشکورین کر و گۆت:

— سپیدە باش...

ئەز یى ل سەر پشتى، تژی زەندین من سەرىن سۆندین دەرمان و کیمیاوینە.

چاقین من یین زهر یین مرنی د دیم و ئاوریین وان دا ب ئاشکرای دینن، ترس ژ توخیبیین میرانییی دهرباز بوو هنداف سهری شەرڤانه کی ئیخسیر۔
 وهك كۆمبوونیین بهرپرسین وهلاته کی داگیرکی ملین خوه دانه ئیک۔ سهرین خوه کرنه دناف وان تیشک وکاغهزین د دهستین وان دا۔
 جار ل وی بتلی دهرمانی و وان ئامیرین هنداف سهری من دزقرین۔ بزمانی چاقان دئاخفتن، دیمین و ان په یامین مرنی دگه هاندن۔
 لهشی من ل هیقییا مزگینییه کا خیری هه موو بوو گوہ۔
 ئەو دکتۆرا ئەفه چەند هەیفه چاره سهرییا من دکت، خوه نیژیکی تهختی من کر و گۆت:

— ببۆره بهریژ، مه دقیت ل سهر رهوشا ساخله مییا ته دگهل ته و خیزانا ته بئاخفن و هندهك رۆنكرنان بدن۔
 بهری چەند رۆژەکا ئەف گۆتنه گۆتبوونه خودانی تهختی هه۔
 ئیکسەر بهری من که ته وی تهختی فال، چاقین من تژی ترس بوون۔
 ئەز باش دزانم دی چ بیژن۔
 لهشی من بهری وان ئەز ئاگادار کربووم۔ چاقین په رستاران هه موو تشت ئاشکرا کر بوو۔
 من گۆت:

— دکتۆر، من کهس نینه، هوون دکارن ههر تشتی هه وه بقیت بو من بیژن۔
 سهری من گران بوو، چاقین من هیشتا ل وی تهختی بیخودان بوون۔
 ئەو هیزا دلەشی من یی لاواز دا مای ئەو ژی خاف بوو۔
 ئەو په رستارا ئەفه ده مه کی دریژه خزمهتا من دکت، دهستی من گرت و کره د ناف دهستین خوه دا ئەو ژی وهك من ل هیقییا دکتۆران ما۔

چاقین دکتوران ل وان کاغز وتیشکین دناف دستین وان دا ل بریارا مرنا من
دگهریان.

بیھنا من تەنگ بوو، من گۆت:

__ ئەز باش دزانم ھەوہ دقیت چ بیژن...

دکتورا سەرین خوە ژناف کاغەزان ئینانەدەر، وەک مروّفەکی دانپیدانی بشاشیین
خوە بکت، من گۆت:

__ بیژن... ئەز ئامادەمە بو ھەر تشتی...

چاقین دکتور و پەرستاران وەک ئەکتەرین فیلمین پۆلیسی ل تشتەکی بترس
دگهریان.

مرنی دسیمایین دیمین وان دکتور و پەرستاران را خوە نیشا چاقین من ددا، من قیا
باری وان سقک بکم، من گۆت:

__ ئەز باش دزانم روژین من یین کیم دبن.

سەری خوە بلند کر، چاقین دکتور و پەرستاران ل ھنداف کەلەخی من بوونە
چاقین ئەلھویین برسی.

دەستەکی نەرم ملی من یی تنی چەرم و ھەستی مایی گرت.

__ ھیژایی من، ببۆرە یا مە پیچیبووی مە کر، ئەفە ئەرکی مەیە، لی ھندەک
تشت ژشیانین زانستی مەزنترن.

دەستەکی دی ملی من یی دی پەرخاند و گۆت.

__ داخوذا لیبۆرینی ژتە دخوازن، مە نەشیا تە رزگار بکن.

بیی شیانا من تژی دیمی من بشکۆرین بوو، نزا ژ ئە گەری بی دەستەھلاتییا من
بوو یان ژ یارییا قی ژیانا بی مانا بوو...!؟

بشکۆرینی دیمین وان ژی خەملاندن، ھزار پرس ل نک وان دورست کرن، من تنی
پرسەک ھەبوو...

— من چند دهم مایه...؟

پرسا من دیمین وان سپی کرن، کهسی ئەو ویڤه کی نه بوو خوه بکته کوژه کی من. من دهنگی خوه بلندتر کر و گوټ:

— من چند دهم مایه...؟ مافی منه ئەز بزنام...

ئەو دکتۆری هیشتا دهستی وی ب ملی منقه روونشته سەر تهختی ئەز وه ک کهله خه کی بی گیان ل سەر درپژکری و گوټ:

— هیژایی من... وه دکتۆرا ته گوټی یا دشیانین مه دا مه کر، لی....

من دهستی خوه بی راستی دانا سەر دهستی وی بی ب ملی من بی چه پیڤه و گوټ:

— ئەز پشتراستم دکتۆر یا دشیاندا هه وه یا کری... ئەز باش دزانم..

جهه بیدهنگ بوو، هه موویان دزانین ئەز بی ل هیڤییا وی گولله بی یا دکتۆر ل نیڤا دلج من ددت.

وه ک هیڤییه کی من داخواز کر و گوټ:

— من دقیت ئەز ل وهلاتی خوه بمرم، هیڤیدارم من ئەو دهم مابت.

ههروه کو وان دقیا به لا من ژخوه فه کن و کهله خی من بو وان نه بته بارگرانییه کا دی.

دکتۆرا من گوټ:

— به لی، به لی ته سی هه یف بی مایین...

به ری هه موویان که ته چاقین من، وان هزر کر ئەز دی کمه هه وار.

چاقین من بی تری ترس، دیمین وان تری پرس کرن. مه نده هوشییا من بوو

پرسه کا بترس...

— سی هه یف...؟

هزر هار بوون، كهله خى من مال ديوانا وان، مهژى بو كومه كا پيسان.
ژيى من پينجى و سى سالن من نه شيا چ بو وهلات و زارويين خواه بكم، دى د
سى هه يقاندا چ كم...

سى هه يف...؟

پشتى سى هه يقين دى ته ز دى يى مرى بم...

دكتور و په رستار ل هنداف سهرى من ل به ندا هه وار و قيويين من بوون، پرسه كا
كوژه ك مه ژيى من هيرا، من گوت:

— دكتور... ته ز دى شيم سه فه رى بكم؟

پرسا من هه موو مه ندهوش كرن، دكتور رابوو سهر پيا هه روه كو باوه رنه دكر دى

ژمن قورتال بن، به رى خواه دا دكتورى هه قالى خواه و گوت:

— ته م دشين هنده ك ده رمانين به يزكه ر بدينه ته بو وان سى هه يقان، دبت ل وه لاتي

خواه تو نارامتر بى.

وهك ديندارين هندوسى دكتور و په رستار ل دور كهله خى من زقرين هه ر ئيكي

ده ستى خواه يى راستى دانانه سهر ملي من مرو قايه تى وهك بارانين بهاران ژ

ديمين وان يين فريشته يان دبارين، خاترا داويى ژ من خواستن...

— دلى مه دگهل ته يه...

— خه مبار كرن...

— مريه مال تانا ته به يت...

— مه سيح رى يا ته روهن بكت...

ل بهر ده رگه هى ژورا من دكتورا من ل سهر ملي خواه زقرى تثرى ديى خواه

بشكورين كر و گوت:

— به ريژ نارام به، دى ب دريژى ل سهر بابته تى ناخفن...

هەموو دەرکەتن، ئەز هیلام دناف وان هزرین درپندە دا، ئەز دگەل مرنی کرمة
هەقال و گۆت:

__ ئارام بە...

بریارا مرنا من دا و گۆت.

__ ئارام بە...

دی چەوا ئارام بم؟

سی هەیف...

ئەو ئامیرین ل هنداڤ سەری من بوونە ئەژدەها، ئەو سۆندین ب بتلین سیلان و
دەرمانان قە دزەندین من را بوونە سەرین ماران.

سی هەیف یین ماین...

ئەز باش دزانم سی هەیف تیرا چ هیشیا ناکن.

سی هەیف یین ماین...

بەری چەند رۆژەکان مروڤەك ل سەر تەختی هەبوو.

گەلەك یی ئارام بوو، هەر چەندەکی هیشیین خوە بو من دقەهانندن.

هەر وەکو ئیڤاری دی زڤرتە ناف زارۆیین خوە، دگۆت:

__ من ل بەرە ترۆمیلا خوە بگوهورم...

دڤیا بیژت ئەز دی ژیم.

باوەرییه کا موکم ب ژیانێ هەبوو، دڤیا بو من دیار بکت خودان هەست وهیڤییه.

تژی دیمی خوە یی زەر بشکۆرین دکر و دگۆت:

__ هەر سال ئەز سەفەرەکی بو وەلاتەکی جودا دکم.

بەری خوە ددا پەنجەری، هەر وەکو گازندیهکی ژ سەقای دکت.

__ هاڤینا بیټ دی چمە مسری...

ی پشتراست بوو دی گههته هاقینا بیت...
_ من دوجار مسر دیتییه، لی هیشتا گهلهك جه ههژی دیتیننه.
بیدهنگییا من بهری وی دا کهلهخی من وگوت:
_ و تو...؟ تو چه ز ژ چ دکى؟
بیی هزرا خواه د پرسا وی دا بکم من گوت:
_ ژیانى... ئەز چه ز ژیانى دکم.
کهنى... کوخکى ئاوازیڭ کهنیا وی شیلاند، گوت:
_ هه ر کهس چه ز ژیانى دکت.
بهری چند روژهکان ل سهر تهختى هه مروقهك عاشقى ژیانى بوو.
مروف بوو...
هزار هیقى و ئومید هه بوون.
مروقهك خودان دهست و پى و مهژى و چاف و دهف و...
ئهى هه واررر...
دلى وی ژى وهکویى من خواه دقوتا.
بیى ههستکرنا من دهستى من کهته سهر دلى من.
دل بوو چارده سالى ل ماچکرنا ئەقینییا ئیکى.
ئها ل سهر تهختى هه.
بهری چند روژهکان مروقهكى شهر بوو ژیانى دکر.
ئها ل سهر تهختى هه.
هه ر چهندهکى زهنگا تهله فونا وی بيرا خوشتقییڭ من دئینا بيرا من.
خوشتقییڭ من یڭ ئەز بو مرنى هیلايم.
خودى دزانت کا چند کهس ل هیقىا وی چاقهري بوون.
ئها تهختى هه...

دناقبه را تهختی من و تهختی هه چهند بهۆسته کن...
ئها ئهقی تهختی.

ئهو تهختی چهند چاقین من قی دکهفن بیرا من ل مرنی دئینت.
خودی دزانت کا وی تهختی چهند که له خ بی گیان هیلاینه...؟
کا وی تهختی چهند هیقی بن ئاخ کرینه...؟
تهختی من وهک گازندهیه کی کر و گووت:

من دو جار و سی جار هندی وی که له خ بی گیان هیلاینه.
ههر کهسی سهری خوه دانا سهر بالیفکین قان تهختان، گیانی وی بی مهیه و
که له خی وی بی سار بو ئاخیه.

ههر کهسی بو میقانی مه، باجا میقانیداریبی گیانی وییه.
ههر کهسی سهرین قان سوندان دزه ندین وی چکلین، هیدی هیدی گیانی وی
دگهل هه ناسه یا وی بلند دبت، هیقیین وی بنه دوو چاقین زهر.
بهری چهند روژه کا مروقهک ل سهر تهختی هه بوو.

مروقهک خودان هیقی و ئومید بوو.

— دی ترؤمبیللا خوه گوهورم، ئیکا نویتر کرم.

هزرا سوبه و پاشه پوژی دکر.

— من دوو کچ هه نه ..

دیمی وی بی زهر تژی قیان دبوو.

— من دوو کچ هه نه... روژا... ماریا...

ل سهر تهختی هه، هیقی د راجاندن.

— هاقینا بیت دی چمه مسری...

هیشتا تژی ب قان دیوارنقه ئاوازی کوخکا وینه...

چاقین وی زەر ببوون، دیمی وی پیتی ببوو، ئاوازین دەنگی وی شیلی ببوون.
 نهو کچین وی چ دکن؟
 چهوا دژین...؟
 ئهال سهر فی تهختی مروقهك تژی ژیان بوو.
 لهز دکر دا پتر بژیت، ههست ب شهپهکی دژوار دکر، وی باش دزانی سهرکهتن
 دفی شهپی دا مهحاله.
 ئهروپی ژمه ب باوهریترن، ههتا داوی کیلیکا ژیا ناخوه هیقییان ژ دهست نادن.
 _ دی ترۆمیلا خوه گوهورم... دی سهفهره مسری کم...
 کوخکا وی هیقیین وی دخهندقاندن.
 بهری چهند روژهکان برن و نه زقپی...
 ئها وهکو من، ئەز ژ یی ل بهندا...
 نه نه، ئەز ژ وی بهیترم یان ئیسا وی ژ یا من دژوارتر بوو...؟
 سی ههیف...
 نه ئەز ترۆمیلا خوه دگوهورم و نه من سهفهره مسری ل بهره.
 تنی من هند ژی دقیت پی فه گهرم وهلاتی خوه، فه گهرم باوهشا دایکا خوه.
 تژی مهژیی من بیهنا ئاخا وهلاتی من ببت.
 مرن بلا بخیر بیت.
 سی ههیف...
 دی چ کم، چ ناکم...؟
 ئەز ژ یی مرادا دخوازم... ما من ئەو ماف مایه...؟
 ئهری... من سی ههیف یین ماین.
 بهری دکتور فی مزگینییی بگههیننه من، من هیقی ههبوون.

من دگوت دى گەلەك تىشتا كىم. دى ھىندەك پارە لىكدم و دى سە فەرا وەلاتى
خو ھە كىم. ئەز يى ڭ داىكا خو ھە رىب بوویم.

دى پتر كاركم، دى و دى و دى... .

من ڭى گەلەك (دى) ھە بوون.

ئەوى پەرستارا پۆر زەر و ھەردەم دەف بىكەنى د گوت:

— مروف ب ھىقىيان دژىت، خو ھە يھىقى نەكە... .

ھەقالىنىيا مە يا بوو ھە باو ھەرى، گەلەك جاران كىشە يىن خو ھە يىن تايبەت بو من
دگوتن.

نزا، وى ڭى دزانى رۆژىن من يىن كىم دىن؟ يان ئەركى خو ھە بىھە دىنا... .؟

ئەلمان دىژنە پەرستاران خو ھىكىن نە خو ھەشان.

براستى وەك خو ھىسكان سە ھە دەرىيى دگەل نە خو ھەشان دىن.

ئەو خزمەت و پىتە پىدانا دگەل نە خو ھەشان دىن گەلەك ڭ ئىش و ھە مىن وان سىك
دىن.

ئەو تەختى ھە بەرى چەند رۆژەكان مروفەك سە ر بوو

نەو يى ب نايلۇنەكى سىي پىچايى، خودانى وى ڭى بىكفەكى سىي پى ھاتىيە
پىچان... .

نەنە ئەفە مریيىن خو ھە بىكفنى نا پىچن.

ئەو ب جلكىن جوان لىكداى ھە ر وەكو دى كىنە زاڧا.

ھەكە مروف مرفن بىن جلك بى چ نا گوھورت. تىن بو مىشك وماران
دى بىتە كىشە.

چەند چاقىن من ب وى تەختى دكەفن ئىزرائىل ب من دكتە كەنى.

تەختى ھە... بەرى چەند رۆژەكا مروفەك ل سە ر بوو.

مروڤهك تژی هیڤی، تژی بزاف..
 نهۆ یی ب پرتهكا نایلوئی پیچایی وهك تهلهی ل هیڤییا نیچیرهكا دی.
 مروڤهكی دی... گیانهكی دی.
 دا وی ژی ب داعوورت.
 تهختهك بی وژدانه.
 تهختهك بی دله...
 دهركهه فهبوو، دیمهكی تژی هیڤی هلا ژۆر، گولهكا سوړیا ددهستهكی دا و
 تژی دهستی دی دهرمانین وهكو ژههرینه.
 ل هنداف سهری من پیلهكا بشكۆرینی بهلاف كر وگۆت:
 _ دهمی دهرمانین ههقالی منن...
 ههقالی من...!!
 ئه و ژی باش دزانت سی ههیف بین ماین دی بهلا من ژی فهبت و ئیکی دی
 ئیته سهرفی تهختی...
 ههقالی من...
 ریژگرتن بو بشكۆرینا وی و وی گولا د دهستی دا من تژی دیمی خواهه كهنی كر
 و گۆت.
 _ جوانترین و بهریزترین ههقالا من ژدل سپاسداری ته مه.
 وهك ههر جار، دهستی من گرت و گۆت:
 _ پیتقی ناکت بیژم تو یی چهوانی... ئه ز پشتراستم تو گهلهك یی باشی...
 _ ههههه... ئه ز گهلهك یی باشم...
 سی ههیف بین ماین...
 دا دیمی وی یی شرین بشكۆرینی ژدهست نهدت من گۆت:

— ھەر كەسى قى دىمى شىرىن بىنىت دى يى باش بت، سپاس ئەز گەلەك يى باشم.

وئى ژى تىرى ھىناقىن من دەرمان كرن، دەرگەھ ل من گرت و ئەز بو ھزرىن دىرندە ھىلام.

ھەموو مروف دىشتراستن و باش دزانن مرن داويا ھەموو گىياندارايە. دەستنىشانكرنا ژقانى مرنى مرنەكا دىيە، مرن رۇژانەيە. كىلىك ب كىلىك ب چاقىن خوە يىن زەر مرن رەش دىينم.

مرن يارىيا ب وان چەند رۇژىن ژ ژىيى من مايىن دكت. دگەل كەنييا فان دكتور و پەرستاران ل ھىنداڧ سەرى من سەمايى دكت. سى ھەيف...

مرن چەند دى يا خۇش بت ھەكە بى ژقان ھات، و چەند يا بترس و تالە ھەكە ژقانى وى يى ئاشكەرا بت. سى ھەيف...

جارا ئىككىيە دژىيى خوەدا ئەز ژ مرنى دترسم، چ جار من ھزرا مرنى نەدكر. ئەز دى مرم... ھەموو گىياندار دى مرن.

لى كەس نزانن كەنگى و چەوا دى مرت. تنى ئەز دزانم... سى ھەيف يىن مايىن...

ئانكو نۆت رۇژ...

دبت گەلەك مروفىن ژمن ساخلەمتر و بەيژتر ئەقرۇ بمرن...

ب رويدانىن ترۇمبىلا... شەرىن سىياسىيەتمەداران... چەقۇيەكا كۆرە...

ژههرا ماره کی... بلنډبوون و نزمبوونا فشارا خوونی...
هزار و ئیک ته گهر...

مرن بلا ههبت...

تنی نه بیژه سی ههیف یین ماین...

سی ههیف هه ی بیژدان...

سی ههیف...

مروڤ ب قیرییه کی دهست بژیانی دکن و ب بیدهنگی بار دکن.

تنی تهزی د مرنی دا دکمه ههوار...

مرن داوی ب هیژ و ههبوون و شیانان دئینت. مرن خوشیی و مالداریی و
جوانیی دکتته خهون.

تهی مرن.

دی وهره، تهز گهلهک پیتهقی ب ته مه، تو دی من ژ زولما فی ئیشا پیس رزگار
کی.

دبت تهز ئیکه م گیاندار بم داخواز و هیقییان ژ مرنی دکم...!

مرن، تو هیقییا من یا داوییی.

لهزی بکه، من هیژ و شیان نه مان. لهزی بکه من ژ فی ژانکیشی رزگار
بکه...

تهز تینا گهه م، چهوا دشیاندایه ل سه ستران په ترولی د کویراتیا دهریا و بیابانان
دا بینن، و نه شی دهرمانی کولکه کا گه نی ل سه میلک و سیهین هزارهها
که سین وهکو من بینن..

تهری تهفه بازار گانییه که ب گیانین مروڤان دئیت کرن یان شیان هندن...؟

سهری من یی د وهرمت، مهژییی من یی د فیرییت، چ نه مایه دی بته ههلم و
دکونین گوهر و دفنارا بلند بته هنداف چاقین من...

بەرى مان كەتە وان سۆندىن ۋەكو قەيدىن گرتىيىن درندە ب زەندىن من قە و وان
بتلىن دەرمانى يىن ۋەكو پۆمبىن قەدايى ل ھىنداڭ سەرى من، مرن بۇ رۆندك ژ
بىبلىكىن چاقىن من رژيا... .

من دەمى رۆندك و گازندا نىنە. دقېت ئەز لەزى بكم كەلەخى خوە بگەھىنمە
ئاخا ۋەلاتى .

بلا كرمىن ۋەلاتى من ئەو پرتىن مايىن يىن دلى من بخون. دبت بىنە گيا و
ھىندەك دەرمان ژى چىبىن... .

ھىزىن درندە مەژىيى من ھىركرن. ئەز نە ژ مرنى دترسم، ئەا تنى ئەز ژ فى
پرسى دترسم.

زەنگا تەلە فۆنى فشارا خوينى ل من بلند كر.

ناقى ھەقژىنا من ل سەر شاشا تەلە فۆنى ھزار پرس ل بەر چاقىن من رىژ كرن... .

__ ئەلۆ... تو يى چەوانى باشى... ؟

ئەو باش دزانت ئەز نەيى باشم، بەرى بەرسقى بدم گۆت:

__ ئەقە ئەز و زارۆ ھاتن، بۇ تە چ دگەل خوە بىنن؟

چ بىژم؟ چەوا بەرسقى بدم؟

دقېت ئەز مفاى ژ دەمى كىم ۋەربگرم، من دەم نىنە.

بىژمى پاسپورتا من و ھىندەك پارا دگەل خوە بىنە... ؟

نەنە... دى ترست و ترسا وى دى پلانين من تىك دت.

ئەز نەشىم خوە پتر بگرم، دقېت زوى كەلەخى خوە بگەھىنم ۋەلاتى.

__ بخىر بىن... ئەز گەلەك يى ژ ھەو ھەرىب بوويم.

من ھىند ئاگەھ ژ خوە بوو تلا خوە دانا سەر وى زەنگا ئاگاھدارىيا پەرستاران.

پەرستارەك ھاتە ژۆر و گۆت:

— فەرمۆ بەرپۆز...؟

من گۆت:

— ھەقزینا من و زارپۆیین من نھۆ دى ئىن، ھىقىدارم دکتۆران ئاگادار بکە چ

تشتا دەربارەى نەخۆشیا من بۆ وان نەبپۆزن...

من دووبارە کر و ب دیمەکی رژد گۆت:

— ئەقە نە ھىقىیە... ئەقە داخواز و مافە...

دیمى پەرستارى سپی بوو، مرن ھاتە بیری، گۆت:

— خەما نەخۆ، دى دکتۆرا ئاگادار کم بەرپۆز.

دى دکتۆرا ئاگادار کت...

کی دى دیمى من یی پیتی ئاگادار کت...؟

کی دى چاقین من یین زەر ئاگادار کت...؟

ئەقە من پەرستار و دکتۆر بۆ دەمەکی رازی کرن.

ئازارین لەشى من، رەنگى دیمى من یی پیتی، زەراتییا چاقین من، دى من

ئاشکەرا کن.

ئەى مرن، ئەز چەند پیتی بتمە...

لەزى بکە، مزگینیى بدە من، سى ھەیف گەلەکن، سى ھەیف.

ھەر رۆژەك، ھەر کىلکەك، ھەر ھەناسەیهکی دەھ جاری دمرم...

ئەقە نە دادیە ئەى میرى مرنى.

کی دى مزگینیى دتە دایکا من؟

کی دى ھەقزینا من ئاگادار کت؟

کی دى زارپۆیین من رازی کت؟

کی دى سەرخۆشیى ل خویشك و برایین من کت؟

کی دى راستی بۆ ھەقال و خۆشتقییین من بیژت...؟

ئەى ھەواررر، ئەف ژيانە چەند يا بى مانايە...؟
 دەرگەھ ڦەبوو، جارا ئىككىيە ئەز ب ڦەكرنا دەرگەھى ھندە دترسم.
 ترسى رەنگى پىستى من گەور كر.
 دكتورا من تژى ھنداڦ سەرى من بشكورين كر، گۆت:
 _ بەريز... پەرستارى گۆت دى ھەڦرنا تە ئىت...؟
 من نەھيلا چ پيشنيار و ئاموشگاريان بدت و گۆت:
 _ دكتورا ھيژا، من نەڦىت كەس چ پيزانينا ل سەر رەوشا من بزانت، ھيقييە...
 ديمى دكتورى تژى خەم بوو، گۆت:
 _ ئەو تىشتە كە ب تەڦە بى گريدايە... تو بتنى خودانى بريارىي...
 دەستى من گرت و گۆت:
 _ تنى من دڦيا ھاريكارييا تە بكم...
 ديسان من نەھيلا پتر بئاخفت و من گۆت:
 _ ھارى من بكة ھەتا بشيم سە ڦەرا وەلاتى خوە بكم، دى سپاسدار بم.
 سەرى خوە ھەژاند و گۆت:
 _ ئەز باش د خەما تە دگەھم...
 ئەو كاغەزىن ل سەر وى ميژا ل بەر تەختى من تىكڦەدان، بىي چاڦين خوە ژ وان
 كاغەزا ڦەكت گۆت:
 _ ئەم دشين وى بكن... لى دڦىت تو بزانى دى تووشى گەلەك تەنگاڦيان
 بى...
 چاڦين شين ئىخستنه چاڦين من بين زەر بووين، دەنگى خوە نرم كر دا ئەز نەترسم،
 گۆت:
 _ تو دى بو مرنى چى...؟

پشتی من پیتہ ب پہیفا مرنی نہ کری، چاقین وی زیق بوون۔ ہزر دکر دی کمہ
 ہوار و چاقین من دی زیق بن۔ وی نہ دزانی ئەقہ دەمەکی درێژہ ئەز یی مریمہ۔
 من تژی دیمی خوہ بشکورین کر و گوت:
 _ ھەکە ئەز گەھشتم وەلاتی خوہ ئەز نامرم...
 قی گوتنی دیمی وی تژی پرسیار کرن۔
 بشکورینا وی بوو کہنیہ کا شەرمین، گوت:
 _ تو نامری...!
 پتر خوہ نیژیکی من کر و گوت:
 _ چەوا...؟
 وی ہزر دکر ئەز بەحسی چارەسەرییا باشتەر دکم۔
 من دەستی وی گرت و گوت:
 _ ھەر کەسی ل وەلاتی خوہ بن ئاخ بیت، ئەو نہ یی مرییہ...
 چ نہ مابوو چاقین وی یین شین ژ سەری دەربکەفن...
 دەنگی خوہ نزم کر و گوت:
 _ سوز بت ھەموو شیانان بیخینہ کار...
 بەرەف دەرگەھی چۆ، بەری دەرکەفت ل سەر ملی خوہ زقیری، گوت:
 _ تو پشتراستی تە نہ قیت خیزانا تە چ ژ رەوشا تە بزانی...؟
 من ئیکسەر گوت:
 _ ب ہیچ رەنگەکی نابت ئەو چ تشتا بزانی... ہیچیہ۔
 ہیشتا بەری وی ل من بوو، گوت:
 _ تە کەنگی دقیت سەفەری بکی...؟
 من گوت:
 _ ھەر دەمی ھەوہ بریار دا دی شیم چەند رۆژەکا خوہ ل سەر پیا گرم...

دەرگه گرت، جاره کا دی زقری هنداف سهری من، گوت:
 _ دقیت تو لهزی بکی... باشتین دهم قان چند روژایه.
 بهری وی که ته وی بتلی دهرمانی یی ل هنداف سهری من هلاویستی، گوت:
 _ دی هندهک بهیزکه ر و فیتامینا دنه ته بو چند روژه کا دی بهیز که فی...
 پشتا خوه راست کر، ههروه کو وژدانا وی گازندهیهک ژی کر گوت:
 _ کارتیکرنا وان دی یا دهمکی بت، پاشی دی گهلهک واستییی.
 چاقین من که تنه چاقین وی یین تژی پرسیار.
 _ تنی بگههم ئاخا وهلاتی، یا دی کیشه نینه.
 ههروه کو ژ تشته کی ترسیای بیی خاترخواستن نهز هیلام و دهرکهت.
 دهنگی وی ل بهر دهرگههی تژی دلی من ترس کر...
 _ ههلو... هوین بخیر هاتن... بابی ههوه یی ل هیقییا ههوه، فهرمون...
 تژی دیمی من که یف و خوشی بو.
 _ دی وهرن گیانین بابی خوه.. هوین بخیر هاتن.
 چاقین ههقرینا من ب چاقین من که تن، په یاما بیئومیدیی دگه هاندن.
 _ تو نه قرۆ یی چهوانی...؟ یی باشی...؟
 من زارۆ دانه بهر سینگی خوه یی تژی کولک.
 _ نهز گهلهک یی باشم دلی من...
 من زانی باوهر نه کر، من گوت:
 _ دی قان روژان دهرکهقم... دی ئیمه مال.
 چاقین وی تژی گو مان بوون، گوت:
 _ وان بریار دا یان ته قیا دهرکهفی؟
 من خوه ب زارۆیان فه مژیل کر دا چاقین من نه کهفنه چاقین وی.

_ ئەز يى باشم... دكتورا من وەسا بريار يا داي .
 جەھ بېدەنگ بوو، تنى دەنگى وان ئاميرين ل ھنداڧ سەرى من نە دەھلان
 مەژيىي من ژ وي ژورا تژى مرن دوير بکەڧت .
 _ دى سەفەرى کم... ئەز يى ژ دايکا خوە خەريب بوويم .
 چاڧ زيق بوون، دەڧ بەش بوو، پيستی ديمى وي زەر بوو . دەستى خوە دانا
 سەر دلخ خوە دا نەکەڧتە بەر پيىن وي .
 _ ئانکو چى...؟
 من تليىن خوە بو پورا کچا خوە يا بچويک کرنه شه، ھەر وەکو من ئاگەھ ژ
 چاڧين وي يىن زيق و ترس و مەندەھوشيا وي نينه .
 _ ئانکو دى چەند رۆژەکا چمە وەلاتى و دى...
 نەھيلا ئەز رستەيا خوە بداوى بينم .
 _ ما ئەز زارپوکم...؟ ئانکو دى بو مرنى چى... ئەز باش دزانم .
 گريىي سەر ژ ئاخفتنا وي ستاند .
 ھەردوو زارپويان سەرين خوە ژ ناڧ سينگى من ئينانە دەر، ل دايکا خوە زڧرين .
 من گۆت:
 _ ھشيار بە... تو چ ديىژى؟ تە زارپو ترساندن، مرنا چ حالى چ؟
 من گۆت ئەز يى ژ دايکا خوە خەريب بوويم...
 ئەز باش دزانم ھەڧژينا من باوەر ژ ئەگەرين سەفەرا من نەکرن، کەنى و ياريىن
 زارپويان دھاريکار بوون ژبو پاشئىخستنا ترسا وي، ھەر زوى من بابەت گوھارت
 دا پتر گومان درووست نەبت . وان ژى دەرگەھ ل پشت خوە گرتن و ئەز بو
 ھزرين درندە ھيلام .
 وان چەند چرکەيىن ئەو ل ديوانا من مرن ژبيرا من برن .

دەمى سەرى خوە دخوار، لەز ل وان سى ھەيشان دكر، ھندەك كىليكان من ھەست
دكر ئەز يى د زقروكەكى دا و يى ل بەر ئەسمانان بلند دبم، جار ژى دكوپراتيبا
ببەرەكا ھشك دا دمامە ئاسى.

دەم دەرمانى دەردى منە، لەزى بکە، ھەيشان بکە روژ، روژان بکە دەمژمير،
دەمژميران بکە چرکە و كىليكين فى ژيبى ھەمى ئازار بەس دريژ بکە.
لەزى بکە، ب بەزە، توژى ژ وان سى ھەيشين ژ ژيبى من مابين ببە. مرنى ل
من بکە ميغان. ئەى جاميرترين ميغان. تنى تە شيان ھەنە من ژ فى
ئيشكيشيبى رزگار بكى.

سى ھەيف...

ئەفە روژەك ژ سى ھەيشا چۆ...

خوزى من پرسيارا دكتورا كريا كا ئەقرو ژ وان سى ھەيشايە؟!!

ژ ئەقرو ويثە دقيت گەلەك ئاگادارى دەمى بيم، دەم يى ژ ژيبى من دخوت.
شەف و روژان ب ھژميرم... روژ ب روژ... سات ب سات، چرکە ب چرکە،
كىليک ب كىليک...

ئەرى... دبت ژيانى تامەكا دى ھەبت.

ژ ئەقرو ويثە ھەر كىليکەكا ئەز تيدا دژيم بهايى وى بدەھان سالىن بەرى نوکەيە.
دى خوە گەھنيمە وەلاتى، دى ژفى گرتيخانا كريت دەرکەقم...

من دەمى نقتنى ل سەر فى تەختى نەمايە، دقيت ئەز باش كارى خوە بکم
ژبو مرنەكا بى ئازار.

مرنەكا بى ئازار يان مرنەكا پرى ئازار...؟

ئەز باش دزانم دەما كارتىكرنا دەرمان و قورچى نە مينت دى چ ئيتە سەرى
من...!

مرنەك د باوشا دايكا خوهدا...

ژبلى دايكا من، كەس گوھيڻ خوه بۇ قيڤرى و ھەوارين من قەناكت .

ژبلى دايكا من، كەس رۆندكان ژ بۇ ديمى من يى پيى نا بارينت.

مرنەكا بى كيشە... مرنەكا ب رەنگى خوهكوشتنى...

ئەرى، من دەم نينه، مروڤ كارين خوه دكن ژ بۇ ژيانى، ئەز كارى خوه ژ بۇ

مرنى دكم...

ھەفكيشەكا سەيرە...

ئەز چ تشتان دگەل خوه نابم، تنى ھندەك پارا ژ بۇ ژيانا سى ھەيقان.

ژيانا چ...؟ ئەز يى بەحسى ژيانى دكم.

سى ھەيف كيم رۆژەك...

خەوى و كارتىكرنا دەرمائين ئارامكەر سەر ژ بزاقا من ژ بۇ ژيانى ستاند.

من نەقيت بنقم، نقتن شيويهكى مرنپپە، مرنەكا ئارام.

لەشى من خاف بوو، چاقين من تثرى مرن بوون.

ئەز يى ل سەرى كۆلانى بەرەف مال دچم. دايكا من و خويشك و برايىن من ب

دەوات و تليلقە يين بەرەف من قە دئين.

__ مە ژنوى زاقاكر... مە ژنوى زاقا كر.

تثرى مەژيى من دەنگى دەھۆل و زرنايى بوو...

ئەقە قان خيره...؟ من دو زارۆ ھەنە ما دى ژنوى من كنه زاقا...؟

ئەرى بۇ مالباتا من بتنينه...؟

كا جيران؟ كا گوندى؟ كا ھەقال؟

ھەقژينا من بجلكىن رەش ل بەر ديوارەكى ھەردوو زارۆيىن خوه ھەمبيز كربوون، ب

چاقين تثرى رۆندك بەرى وى ل رييا من بوو.

تليلى و دەست قوتان تثرى كۆلانى بوو، چ دەواتى و زرنايىژ دديار نينن؟

نزا دەنگى دەھۆل و زرنایى ژكيشه دئیت...؟

من دەستین خوه بۆ ھەمبیزکرنا دایکا خوه قە کرن، دەنگى قە کرنا دەرگەھى ژۆرا
من ئەز ھشيارکرم.

دکتۆرا من ھاته ھنداڤ سەرى من و ئیکسەر گۆت:

— سپیدە باش بەریژ...
بەرى ئەز بەرسقا وى بدم گۆت:

— ببۆره بەریژ... شیرەتا من بۆ تە، تو سە فەرى نەكى...
زىقبوونا چاڤین من نەبوو رینگر ژ بۆ بەردەوامییا ئاخفتنا وى، گۆت:

— لى ھەكە تو یى رژد بى دى تە ئاگادار کم، پشتى بکارئینانا قى قورچا
کیمایى تو دى بۆ دەمى دەھ دوازده رۆژەکا ئییه سەرخوہ.
چاڤین خوه زىقکرن وەك ئاگادارى، گۆت:

— ھەكە تە ئنیەتا سە فەرى ھەبت دى باشتىن دەم بت...
بەرى ئەز سوپاسیا وى بکم، گۆت:

— لى دڤیت تو باش بزانی پشتى کاریگەرییا قى قورچى نە مینت، دى رەوشا
تە گەلەك خراب بت.
من گۆت:

— ما چ دەرمانین ھاریکەر نینن...؟
ئیکسەر گۆت:

— تنى ژبۆ کیمکرنا ئازاران دى ھندەك دەرمانان دنە تە، نە بۆ چارەسەرییى.
من گۆت:

— من ھندەك دەرمان دڤین خوه پى رابگرم ھەتا بمرم...
ئیکسەر گۆت:

__ داخوازا لیبۆرینی ژ ته دکم...__

من تژی دیمی خوه بشکۆرین کر و گۆت:

__ پیتھی لیبۆرینی نینه دکتۆر... ئەم هه موو روژهکی دی مرن.

دهستی خوه دانا سهر دهستی من یی سهری سۆندهیی دهرمانی تیرا، دیسا گۆت:

__ ببۆره، کهنگی ته ل بهره سه فه ری بکی؟

ههروه کو دی ژ گرتیخانهیه کا درنده رزگار بم، ئیکسه ر من گۆت:

__ ههردهمی ته سه ریڤن قان سۆندان ژ زهن دین من ئینانه ده...__

به ری وی که ته وی بتلی دهرمانی... کیماوی یی ل هنداف سه ری من.

بیی بناخت پشتا خوه دا من و ده رکه ت.

من هه ست کر ئاخفتنن من گه له ک کارتیکرن ل سهر هه ست و دیمی وی کرن.

سه ری خوه بلند کر، چاقین من یین تژی ترس ب وان چپکین ئاڤا کیماوی یین ژ

وی بتلی ل هنداف سه ری من هلاویستی درژنه هناقین من که تن، روژین ژییی

من یین دئینه هژماتن.

چپ چپ چپ...

ژیانا من بقان چپکانه یا گریڤدایه، بداوی هاتنا قان چپکین کیماوی، ژيانا من

ژی دی بداوی ئیت.

چپ چپ چپ...

نزا ئەفه چ ههسته بو من دروست دبت؟ ئەز یی ژ قان چپکین دهرمانی دترسم.

هه ر چپکه کا ژقی بتلی ل هنداف سه ری من هلاویستی دکه فت ژوردا دئیته

ناف هناقین من و دبتنه ئاگر.

هه تا کهنگی سه ریڤن قان سۆندان دی دزه ندین منرا دچکلی بن؟

هه تا کهنگی ئەف ئاگره دی له شی من سوژت؟ هه تا کهنگی چپ چپا قان

چپکین ژهه ری دی ل هنداف سه ری من بت؟

ژیان چەند یا شرینە...؟

بلا و ہزار جاری بلا...

بلا ئەف چپکە ھەتا ھەتایی وەك ئاڤا کانیا سپی بزین...

بلا ئەف سۆندە دزەندیڻ منرا وەك گورگەھی شین بین و کاتا بدن.

بلا ئەف تەختە ب پشتا منقە بیتە بەستی و ھەلان.

بلا ھەر تشتی بیت بلا بیت...

تنی چاڤین دایکا من ژ روڤدکان د زوھا بن.

ئەز دی مرم...

چپ چپ چپ...

بەری ئەف چپکە خلاس بین دڤیت ئەز خوہ ئامادە بکم، من دەم نینە.

دکتۆرا من گوت، پشتی قی قورچی دی بو دەمی چەند روژەکان ئییە سەرخوہ.

ئانکو دی شیم سەفەری کم.

ئەی ھەوار...

کەیفایا من یا ھاتی...

دی سەفەری کم.

نابیژت دی بو مرنی چم.

مرن...

مرنی دەرگەھی ژۆرا من قەکر.

__ سلاف... من گوہ لیبوو ھەقالی من دی چتە مال...

ل بەر سینگی من راوہستیا...

__ دی ژتە خەریب ب...

تژی ژۆرا من یا وەك گۆرستانی کەنی کر...

__ بېوره... هېڅيدارم ب ساخ و سلامه تي څه گهريه ناف خيزانا خوه.

من تږي ديمې خوه كهيف كر.

__ هه كه ته بڅيت ئه ز دهرناكه قم.

ديسا پيله كا دي يا كه نيبې بهردا، مرنې خوه د كون و قولاچين له شي من دا
څه شارت.

__ من دڅيت تو وه كو شيرا ژڅيرې دهر بكه قم...

دهف و چاف ئينانه هاري، ههردوو دهستان ئه و سوندين ئه څه دهمه كي دريږه
سهرين وان دزه ندين منرا و بووينه به شهك ژ گوشتي له شي من دئينانه دهر.
وه كو شيرا...

خوزي من شيبا وه كو روښيه كي گوري ژ څي دوزه څي دهر بكه قم.
شير...

__ ئوي... بېوره من تو ئيشاندي...

ئه ز ئيشاندم... يا ديږت من تو ئيشاندي...

ما مروڅين مري دئيشن...؟

قهيد و زنجيرين گرتيه كي بريندار هاتنه څه كرن. تږي هناقين من ئوكسيجين بوو،
من ههست ب نازاديبې كر، بيره وهر يين نازادبووني ژ گرتيخانه يين رڅيمې ئينانه
بيرا من.

پشتي گرتي نيزيكي مرنې دكرن، دهستين وان ژ كه لامچا نازاد دكرن و دگوتن:
__ هه رن... هوين هه ر دي زقرنه بهردهستي مه.

تشتين خوه ليكدان، ته له فونا هه قاله كي خوه كر بابته بو گوت، خاترا خوه ژ
دكتور و په رستاران خواست، بهره ف مال چو.

ئه څه ئه ز دهر كه تم، دي ژ څي ته ختي رزگار بم، ژ دهرمان و قورچا خلاس بم، دي
ژ مرنې دوير كه قم، دي دا يكا خوه هه مبيز كم.

ئەي ھەوار... ئازادى چەندا خۆشە...

لەشساخى چەندا ب بەھايە...

لەي ئەز نەييە ئازادەم... و ئەز نەييە لەشساخەم.

بلا... چەند روژين بين دى ئازاد ژيم و دى...

و دى چ...؟

ھيشتا تزي ھناقين من تا سارە، ھيشتا رەجفكا لەشى من يا دژوارە.

ئەز يى بەھسى لەشساخىيە دكم...

ئەفە ئەز گەھشتم مال، مالا مروفي ژ بەھشتى خۆشترە.

مالا پيرى خۆشترە ژ كوچكا ميرى.

ھەقالى من ل بەر دەرگەھى خاترا خوە ژمن خواست، ئەز بو مرنى ھيلام.

ژئانهک بۆ دهستیپیکا ژیکفه بوونی

ههژئینا من ده رگهه فه کر، چاقین وی زیق بوون، ل سه ر ملین خوه چه پ و راست زقری کهس نه دیت، تژی دیمی وی ترس بوو، وه ک هه واری گۆت: _ تو چه وای بتنی هاتی...؟

بشکۆرینا دیمی من یی گهور نه شیا ترسا وی فه شیرت.

_ ئەز نه بتنی هاتیمه، هه قاله کی ئەز گه هاندم...

وه ک خوه فه شارتن ژ تاوانی من گۆت:

_ ئەز یی باشم، ما تو من نابینی...؟

وی هه ست ب کاره ساتی دکر. دیمی من یی گهور و زه راتییا چاقین من هه موو تشت ئاشکه را و رويس دکرن.

خۆشی وکه یفا زارۆیان نه شیان چاقین وی ژ رۆندکان زوها بکن.

_ راستیی بیژه... ته قیا ده رکه فی یان دکتۆران ری دا ته...؟

من خوه ب هه مبیژکرنا زارۆیان فه مژویل کر دا راستیی ژ چاقین من نه زانت.

_ ما کی دشیت بی ده ستویرییا دکتۆران ژنه خۆشخانی ده رکه فت...؟

دهقی خوه نیژیکی گوهی من کر و گۆت:

_ تو یی رژدی بچییه وه لاتی؟

بکه نییه کا خاف من گۆت:

_ نه ترسه... ئەز چ ژنا ناینم...

دیمی وی بوو بۆمبه کا گرییی.

_ دی بۆ مرنی چی...؟

ره جفكا له شى من زیده بوو.

زارو ژ ناف سينگى من دهرکه تن.

— مرنا چ مالا ته...

ب هه موو شيانين خوه من ئيش و ئازار دله شى خوه دا فه تساندن، نه هيلان بسهر

بکه فن، لى ديمى من يى گهور گه له ك نهينى ئاشکه را دکر.

— هلوو پاسپورتا من و هنده ك پارا بو من بينه، دا زوى بچم و زوى بزقرم.

ئاخينه ك ژ دلئ كول دهرکه ت گوت:

— دا بچى و نه زقرى...!

من پيته ب ئاخينك و گوتنا وئ نه كر، ئەز باش دزانم هه رده مى بوو دانوستاندن

ئەز دئ كه قمه بهر سينگى راستيه كا دژوار.

دا بابه تى ژبيرا وئ بىم من گوت:

— ئەز چ تشتا دگهل خوه نابم... تنئ دئ...

نه هيللا ئەز به رده وام بم، ب ئاوازين گريى قه گوت:

— يى بو مرنئ بچت پيتقى ب چ تشتان نينه...

ئەو رى ژى ل بهر من گرت.

ئەز چ بكم...؟ چهوا خوه ژناف دهستين خوشتفويين خوه بكي مترين ئازار

دهربيخم...؟

روندكين وئ تژى سهر پاسپورتين ددهستى دا بوون، گوت:

— ها بگره... ئەم ژى دئ دگهل ته ئين.

چار پاسپورت كرنه ددهستين من دا. ئەز به رسقا پرسين وئ باش دزانم.

— ئو خواندنگه هين قان زارويان...؟

دقيا هنده ك بشكورينئ بيخته سهر ديمى خوه نه شيا.

_ خواندن بۆ چيه هه كه بابى وان چۆ .
 من خوه ئارام كر دا تۆره بوونا وى سست بكم هه تا ژناف دهستين وى دهر بكه قم .
 _ ته ئاگه ه ژ خوه هه يه ...؟ ئه فه گه له ك جار ان ته ئه ز مراندم .
 گريى سهر ژ هيزا وى ستاند، كه ته بهر ته نشتا من .
 _ هه كه تو چۆى ئه م بتنى دى ل فان خه ريبان چ كن؟
 ئه و هيز و شيانين دل هشى من دا خوه فه شار تين بوونه خوه لى و ل سهر ديمى من
 يى گهور رۆژين ژيبى من يين ماين ئاشكه را كرن .
 چه ند ئه ز سنگه كى دديوارى هيجه تان دقۆتم، ئه و دو سى چانتا پيئه دهلاويست .
 _ ئه ز دى چم، ئو...
 ئيكسه ر گۆت:
 _ ئو چ...؟
 چاڤين من يين زهر كه تنه چاڤين وى يين تثرى رۆندك .
 ئه زمانى من چ به رسف نه بوون، تنى دهستى من شيا ببه زته پاسپورتا من و
 هنده ك پارا ژناف دهستين وى يين دلهرزن بينته دهر، بله ز قه ستا دهرى كر .
 بهرى ههر تشتى من قه ستا بيرويا برينا پليتين سه فه رى كر .
 ژفانى سه فه رى بۆ فروكه خانه يا هه وليرى ئه ف شه فه بده ست من كه ت .
 پينگا فه كا دى به ره ف مرنى من هاڤيت .
 ته له فونا براى خوه كر، ژفانى گه هشتنا خوه و ره وشا ئيشا خوه بۆ گۆتن .
 براى من بى هه ست ب ئازارين من بكت، گۆت:
 _ برا، هيقى دكم ب وى ره وشى نه ئىي، داىكا ته هزار و ئيك ئيش يين لى دى
 دگه ل خوه بيه گۆرى .
 ئه و رى ژى ل من گرت . چ بكم؟ ل قيرى بمينم دى هه قژينا خوه دگه ل دو
 زارويان دگه ل خوه بنناخ كم . ل ويړى دى داىكا خوه دگه ل خوه بنناخ كم .

كەسى ئاگەھ ژ بئاخكرنا من نينه. خوه و خەمىن خوه ل كيشه بئاخ بكم؟ من
ژى دقئت لەشى خوه دوور ژ ههوه بئاخ كم.
ل وى باخچەي گەلەك جاران دگەل هەقال و هەقژينا خوه پياسە لى دكرن،
مەژيى من كەتە هزرا...

چ بكم...؟

كيشه بچم...؟

لئقه بىم و بزقرمه نه خوشخانى...؟

دەستى من كەتە سەر پاسپورت و پليتا د بەريكا من دا.

دەنگى براى من تژى مەژيى من بوو...

— هيفيدكم نهئى... دايكاتە خوه ل بەر ناگرت...

وى ئاقاهيى كەقنار يى برەخ باخچەي قە بيرا من ل شكەفت و نوسكىن چيايى
گوندى مە ئينان.

خهونا زارۆكينيى ل من نوى بوو، ژيان د شكەفت و نوسكان قە.

تژى ديمى خوه رژدى كر، دى چم... من بريار دا بچم، كەسى نه بينم،

بتنى بژيم هەتا بمرم، بلا كەس ژ بەر من بئاخ نەبت.

دى ژ مرووف و كيشه يين وان دوور كەقم. دى قان سى هەيفىا كيم روژەكى بو خوه
ژيم.

ژ پينجى و سى سالىن ژيى من، بلا تنى سى هەيفىا كيم روژەك بو من بن...

دى چمه وهلاتى...

كەسى نابىنم، بو كەسى نابمه روئدك...

ژ ئەنجامين هزر كرنه كا چر، گەهشتم وى چەندى بچم و كەسى نه بينم...

وان سى ھەيف كيم رۆژە كى ل جھە كى خوە قەشپىم كەس چ ھزرا بۆ نەكت.
خوە نيشا كەسى نەدم، دوور ژ مروّف و كيشەيىن وان...
شكەفت وناوسكىن گوندى دى باشتريىن جھ بن بۆ خوە قەشارتنى...
چ ژيانە كا بى مانايە، ژ ولات و باژيرە كى پيشكەتى و ژ بازارين وى يين تژى
مروّف، بۆ ناوسك و شكەفتين سەردەمى نياندرتالان.
مۆل و بازار د تژى مروّف بوون، مروّف يين د شەرە كى دژوار دا و يين
پيىكولى دكن بژين، ژيان يا بلەزە، خوە ل چ ژقان و سوزو پەيمانان ناگرت.
كەس نزانت ژ بۆ چ دژيت؟
كەس نزانت كەنگى دى مرت...؟
ل قى بازارى ھەموو تشت ل پيش چاقين من دجوان، من ھندەك تشت بۆ مرنى
دقيت...
ھزر دھندەك پيىتقيين تايبەت وەك لفاف و پلاستەر و كيسخەوہك و ھندەك جلكين
ئەرزان دا كر.
ھندەك پيىتقيا بۆ مرنى...
ما مرن پيىتقى ب پيىتقيا ھەيە...؟
ھەمى ئەويىن ل دؤرين من يين تشتا ژبو ژيانى دكرن...
من بۆ مرنى دقين...
ئەف كيسخەوہ دى بتە مالا من و گورى من.
دەم بى كيمە، بلەز زقريم مال، ل بەردەرى ھەقژينا من ل ھيىقيا من بوو. بەرى
ئەو بئاخفت من گوت:
_ ئەف شەقە دى چم.
دەف بەش بوو، ديم سپيتالە بوو، وەك ھەوارى دەنگى خوە بلند كر و گوت:

— وهسا زوی...؟ ما تو هزرا مه ناکی؟ ما ئەم بوۆ ته خەم نینن؟ دى من و قان زارپویان بوۆ کى هیلى...؟

بىی من ئاگهه ژخوه ههبت من گووت:

— من دەم نینه، دقیت ئەز زوی بچم.

دەستین خوه ل رانین خوه دان و گووت:

— دەمى چ...؟

من ههست ب شاشییا خوه یا کوژهك كر، ئیکسهه لیقه بووم.

— دا زوی بزقپم، من کارهك یی بوۆ خوه دیتی...؟

قیبا بکهنت، لی دلی تژی خهه هاریکار نهبوو.

— تو هزر دکى ئەز هند یا نهزانم...؟

ژ پرس و چاقین وى بین زیق رهقیم و قهستا ژور کر.

وهك سیههرا من ل پشت من بوو.

— راستیى بوۆ من بیژه، تو چ ل من قهدهشیری...؟

ئەز باش دزانم ههه دهمی وى راستی زانی ناهیلت ئەز ژبهه سینگی وى دویر کهقم.

و راستیى ژى بوۆ نهبیژم ئەو باوهه ژ چ چیرپۆکین درهه ناکت.

من خوه بلیکدانا چانتیهی قه مژویل کر، بیهنا وى تهنگ بوو.

ل بهه سینگی من راوهستیا، ملین من گرتن، ئەز کهتم بهرانبههری چاقین تژی روۆندک.

— تو راستیى بوۆ من نهبیژى ئەز دى دەستین زارپویین خوه گرم و دمهه دویف ته.

ملین من ههژاندن، گووتنا خوه وهك گهه کر و گووت:

_ ته گوھ ل من بوو....؟
 ھەموو ری ل بەر من گرتن، ئەز باش دزانم دی مالا خوہ ویران کت.
 من دەستین وی گرتن و گوټ:
 _ کا روینە دا بوټ ته راستیی بیژم.
 رەجفکا لەشی وی رەنگی دیمی وی سپی کر.
 _ تو چ ل من فەدشیری....
 گریبی سەر ژ هیژ و شیانین وی ستاند.
 _ ھەکە دی خوہ دین و ھار کی ئەز چ نابیژم.
 ئیکسەر ھاتە سەر ھشین خوہ، گوټ:
 _ نەنە... ئەز چ ناکم، تنی راستیی بیژە.
 من ھزر د رستەییەکی دا کر بتە بەنج دەمەکی دریژ بەیلتە نقستی ھەتا خەبەری
 مرنا من بگەھتە گوھین وی.
 _ دلێ من...
 لەشی وی ھەموو بوو گوھ، ھەناسەیا خوہ چک کر، گوټ:
 _ بیژە...؟!
 ترسا من بوو دو بەرانبەر. دقیت ئەز درەوہکا نیژیکی راستیی بکم دا بتە سیتە ل
 بەر پیلین دژوارین ترسا وی.
 _ ئەز بی نەخۆشم...
 ئیکسەر گوټ:
 _ ئیی...؟
 شیوی ئاوازی دەرکەتە پەیفکا (ئیی) ژ گەوروویا وی لەرزک ئیخستە لەشی من.
 _ دی خوہ ئارام کی دا بئاخقم یان من گەلەک کار بی ھە...؟
 دەستین من گرتن و گفاشتن و گوټ:

- دىٰ خوه ئارام كم، بهردهوام به.
- من ژى پيٰكول كر خوه ئارام بكم.
- من گوت، ئەز يىٰ نه خوشم.
- بهريٰ من كه ته ديٰمىٰ ويٰ يىٰ بوويه گوھهك مهزن، ئەو درهوا من بوٰ خوه ئاماده
- كرى ژبيرا من بر.
- دا چ بيژم...؟
- ئيكسه ر گوت:
- راستيىٰ بيژه.
- رهفين ژ چاقين ويٰ يىٰ تژىٰ گو مان، من خوه بئاماده كرنا چانتىٰ خوهفه مژويل
- دكر.
- دىٰ سه فهريٰ كم دا زوى بزقرم و دىٰ چاره سه ريبيا خوه دهستپيٰكم.
- پشتا خوه راست كر، بوو كومتله كىٰ كه ربىٰ.
- و ئەقا هنده هه يقه تو دكىٰ چ بوو...؟!
- من پيته ب كه رب و توړه بيا ديٰمىٰ ويٰ نه كر.
- دىٰ نشته رگه ريبه كا مهزن ئەنجام دم. دا...
- نه هيللا ئاخفتنا خوه بداوىٰ بينم.
- من گوت راستيىٰ بيژه، هه كه دىٰ چمه نه خوشخانىٰ و راستيىٰ زانم.
- ئەز نه چار بووم پشتا خوه راست بكم دا هندهك درهوين ژ رهنكىٰ راستيىٰ بيژم.
- ئەز يىٰ نه خوشم...
- سهريٰ خوه هه ژاند ، ئانكو بهردهوام به.
- ئەز پيٰتقىٰ ب نشته رگه ريبه كا گرانم.
- باوه ريبىٰ كه رب و كين سست كرن.

— دى چم دا دايكا خوه بيىنم و دبت... —

دهستى خوه بدهقى منقەنا، نههئلا ئەز رستهيا خوه بداوى بينم.

من ماچەك ل نيقا دهستى وى دا. بيئوميدى ژ ئاخقتينىن من دبارى.

— ئەقە راستييه، دى چم دا زوى بزقرم و دبت... —

خوه هاقىتە دناف سينگى من دا، سينگەك پرى كول و برين و ژان، سينگى دى تى ترس و گوومان.

قوتانا دليىن مه زيدهبوو، هيقييىن مه د شەرهكى شكهستى دابوون.

دهنگى وى ئاوازين ههوارين دايكىن شههيدان ژى بلند بوو.

— ههشششش... بهحسى مرنى نهكه.

من چاقين خوه يين تى رۆندك قەكرن، ئەو خانىيى من بو دلى خوه تى تى تى

كرى، ئەو خانىيى جوانترين هيقييىن من تىقە بجه هاتين.

نهو يى ل بهر چاقين من بوويه زيندان، لهزى دكم زوى ژى دەرکهقم وهك مروقى

درهوين و ژههر تى خوه دقهشيرم وبهرف مرنى درهقم.

ل بهر دەرگهه سەرکهكى يى مال، بو جارا دهه من سووندخوار ئەو دگهل من

نائىتە فروكه خانى.

وهك لهشكهري دچته شهريىن گران، خاترا داويى ژ ههقزين و زارويان خواست،

ئاوازين گرييى ژ دهنگى من بلند بوون.

— ئيمانەت تو و زاروؤ... —

شوفيرى تهكسيى چانتكى من و كيسخه هاقىتە د سندوقا ترومبيلى دا.

وهك دزا بلەز خوه هاقىتە د ترومبيلى دا و گوت:

— لهزى بکه دا بچن... —

مهندههوشيا من سهرنجا شوفيرى راکيشا.

— ببوره بهريز، کيقه بچن...؟ —

ئىكسەر من گۆت:

— بۇ فرۆكە خانى بەرئۆز.

ئەزىيى د رەقم ژ وى راستيا تال، ژ وان قورچ و سۆندىن زەندىن من كرىنە برىن.
ژ گرنژىنا وان دكتور و پەرستارىن وەك فرىشتەيان، ژ چاقىن برۆندكىن ھەقژىنا
خوہ.

ئەزىيى د رەقم ژ ئىشا گران و خەرىبىيا بى وژدان، يىي ژ مرنى درەقم و بەرەف
مرنى دچم.

ترۆمبىل راوہستيا، ھىشتا ئەز دناف گىلەشۆكا ھزراندا يىي ئالۆز بەرزە ببووم.
شۆفىر نەچاربوو بىژت.
— ئەم گەھشتن بەرئۆز...

ل سەر ملين خوہ زقرىم ھەرۋەكو ئەقە جارا ئىككىيە ئەز قى جھى دىنم.
چانتى خوہ يىي بچويك دگەل كىسخەوى ھاقتىنە ملين خوہ و وەك خودان دوژمىن
ھار بلەز قەستا ناف فرۆكە خانى كر.

ھىشتا دەمى فرىنا فرۆكى گەلەك يىي ماى، لى ھەدارا من چ نەمايە.
ئەقە قان مروقان ھەموويان خىرە؟ دى كىقە چن؟ ژ چ درەقن؟ بوچى ناژىن؟
بوچى تامى ژ ھەر تىشتى نابىنن؟

ھەتا مروف نەخوش نەبن بەھايى لەشساخىيى نزانن. ھەتا مروف نەكەقتە
دزىندانى دا بەھايى ئازادىيى نزانن، ھەتا مروف برسى نەبت بەھايى نانى نزانن.
گەلى مروقان، ھەرنە ناف زارۆيىن خوہ، ھەرنە نك خوشتقىيىن خوہ، خوشىيى
ژژيانى ببن، دلين كەسى نەھيلن، بژىن وەك مروف بژىن.

مرن يا لپىشيا ھەوہ، يىي ئزن و ژقان يا ل ھنداڧ سەرىن ھەوہ...
ئەف ھەمى مروقە دى كىقە چن...؟ ژ چ درەقن؟ بو ناژىن...؟

ههروهكو دى ڦى باڙيرى بهردن، دى رهڦن، دى بيڙى مرن يا بدويڦ وان ڦه.
 ئەز يى ڄهى مرنا خوه دسهرى خوهدا پلان دكم، دلئ من يى زيده خوه دقوتت،
 ههروهكو دى چمه بهر سينگى داىكا خوه.
 چانتته و كيسخه و هنارتن ل هيڦيا دهى چاڦين من ژ ده مڙميرى ڦه نابن.
 دهنگى بلندبوويى تڙى مهڙيى من ترس كر.
 _ ميڦانين فروكهيا ژماره يا بهرهف نهربيل ل ده رگههى ژماره ئاماده
 بن...

دى ژ مرنى دوير كهڦم، دى ژ قورچين كيماوى و دهرمانان قورنال بم.
 دى خوه د نانسكهكى ڦه ڦه شيرم، دبت مرن رپيا وى نه زانت.
 پشتى براى من ئەز بيهيڦى كريم ل بهر سينگى داىكا خوه بمرم و گوتى وى
 تاوانى نه كه، داىكا ته هزار و ئيك ئيش بين لى...
 ته دڦيٽ داىكا خوه بكوڙى...
 دى كه له خى وى بهرى يى خوه بنناخ كى...
 هشيار بى نه ئيى...
 مه شيانين وى بارى گران نينن.
 من بريار دا بارى كهسى گران نه كم، ڦى بارى گران بتنى ههلبگرم، من بريار دا
 نه هيلم كهس روڻدكان بو من بريڙت.
 من هزارا خوه د گه لهك ريڻ و گه لهك شيوه و جهاندا كر.
 هزر دخوه كوشتنى دا كر... هزر دمانى و ليڦه بوونى دا كر...
 من بريار دا بو كهسى نه بمه روڻدك، جههك دوير ژ چاڦين خهلكى. كهس هزارا
 وى ڄهى نه كت، ل جههكى بو كهسى نه بمه بارگرانى.
 ل جههكى كهس ژ ههستيكيڻ من زيدهتر نه بينت.

من ژى نه قىت بۆ كەسى بىمە رۆندك، من ژى نه قىت ل بەر چاقىن زارپو و
هەقزىنا خوه بمرم.

دى خوه قەشىرم، هەكە مرن يا زىرەكە دى ب جەھى من كەقت.
دى چمە وى جەھى ل بچووكاتىيا خوه من گەلەك حەز ژى دكر، وى جەھى من
گەلەك بىرھاتن لى ھەين...
دەست ب ژىانەكا نوى كم.

ژيانا چ...؟

ئەز بىي خەونا دىنم.

دى دەست ب مرنەكا بى ئازار كم.

وەك رۆبوتان ل ناف فروكى كەتمە سەر كورسىكا ژمارە ۱۰. C.

نزا من و ژمارە دەھ خىرە...؟

رۆژبوونا من دەھى ئىكە...

رۆژا دەھى ھەيشى بوو ئەز ئاگاداركرم، و گۆت:

__ بەرىز ئەم دى تە ھنىرنە ئاقاھىيىي ژمارە دەھ...__

گەلەك ئاخقتىن دى كرن، ترس و مرنى گوھىن من مسمتكرن.

دكتورى ھەست بترس و گوھورينا دىمى من كر، ئىكسەر گۆت:

__ بۆ ئەنجامدانا ھندەك پشكىنينان.

چاقىن دكتورى و بىن وى پەرستارا دگەل، پەيامەكا مەترسىدار دگەھاند.

ئەو چەند رۆژ بوون، من ھەست ب سەرەدەرىيا دلپىقەبوون و نازدارىيا پەرستار و

دكتوران دكر.

ئاقاھىيىي ژمارە دەھ، گۆرستانە، ھەر نەخۆشەكى بوو مىقانى قى ئاقاھى، ئەو

نازقەرت ناف زارپوین خوه.

دەمى دكتور ژ چارەسەربيا نەخۆشەكى بېھىشى دېن، ل ھىقىيا مرنى دەيلن، د
ھىرنە ئاقاھىيى ژمارە دەھ... .

ئاقاھىيى ژمارە دەھ، ئەمنە سۆرەكە... ئەمنا كەرکوکى، يا دھۆكى، ئەبو
غرىبە... .

ئەقە كورسىكا من ژى ژمارە دەھە، دى بلا مرن بخىر يىت.

چەند ئەز نىزىكى مرنى دېم دلى من بلەزتر خوە دقوتت.

لى نزا بۆچى ئەز ژ مرنى ناترسم؟

دبت من چ ھەلبژاردەيىن دى نىنن ژبلى مرنى.

مرن يان... مرن.

سى ھەيف... .

لثين و ھاتن وچوونا مېقانين فروكى مرن ژ بىرا من بر.

ئەو گەنجى برەخ من قە روينشتى پويته ب من نەكر، ھەقزينا وى يا چاقرەش
بەرى وى ژ من گوھاست.

من ب خوە نەدقيا كەس مايى خوە د ھزرىن من يىن ل بەر سەكەراتى دا بكت.

ئەز يى چركە و كىليكان دھژمىرم. ژيان ل بەر من يا دبتە دۆزەخ.

من دقیت قى يارىيى بداوى بينم. بمرم و يىن دۆرىن خوە ژ قى دلگرانيى رزگار
بكم.

ئەقە من خىرە...؟

چەند رۆژەكن دى بۆ من رۆندكان بارىنن و ژيان دى من ژ بىرا وان بت.

پشتى مرنا من تنى يىن نىزىكى من دى خوە خەمگين كن. ھندەك ژ ترسا مرنى

و ھندەك ژ لۆمەيىن دنيايى، پاشى ھەر كەس دى زقرت ژيانا خوە.

دى بۆ ھندەكا بمە بىرھاتن و ھندەكىن دى ھەر ل بىرى نامينم... .

بمرە... تەنا بمرە، كەسى بۆ خوە نەكە خەم، ل سەر خەمىن ئىشا تە يا گرانرا... .

بمره، وهكو بيئن بهرى ته مرين و ته ژبيركرين...

مرن دى هه ر تشتى بداوى ئينت...

ئيش و ژان و خوشى و قيان...

مرن ئهى كرئيرين تشتى فه...

مرن... تو بوچى نامرى...؟!

دهنگى ماكينا فروكى له رزك ئيخسته لهشى من، خوشى و نه خوشى تيكه ل كرن.

دى چمه وهلاتى...

دى هه قال و خوشتقييئن خوه بينم...

دى...

دى بو مرنى چى، هه ژار...

ما ته بريار نه دايه خوه فه شيرى و كهسى نه بينى؟

ئه ز چ دكم؟ ل چ دگه رم؟ ژ چ دره قم؟

تو يى ل گورستانه كا بيبه رانبه ر دگه پرى.

تو يى ژ روئدكئن خوشتقييئن خوه دره فى.

دژيانا خوه دا ته دلئى كهسى نه هيلايه، بمرنا خوه ژى ته نه قيت دلئى كهسى بهيلى.

و دلئى من...؟!

چهند جارن دلئى من بوويه پيلاقا حه زين به رانبه ر؟

چهند جارن خوشى و حه زين من بووينه شاباشه بو سه ماكه ريئن ل سه ر برينيئن

من؟

بلا فى جارى بريارا مرن و جهى گورپى من د دهستين من دا بت. بلا جاره كى

ئه ز بريارى ژ پيش خوه فه بدم.

د ژيانا خوډا من ټو وپړه كي نه بوو برياران بدم، هنده كين دي ژ بيش منقه
برياردان.

راسته چ مروځ نه دمخه يرن.

هر ژده مي مروځ چپكه كا نافي ژ ټندامي نيرينيا وي زهلامي دبه بابي ته،
بيي حزا ته د رژه دنافا له شي وي ژنا دبه دا يكا ته، ههتا مرنا مروځي بيي
حهز و پرسا مروځي دادهيلنه دگوري، يان دنافا گليشي شهركي بن ناخ دبت.
هر دم يي مسه يه ر بوو، ژ هه بووني ههتا نه بووني، ب سسته مي ټول و خيل و
نه ته وه و دابونه ريتانغه يي گردياييه.

هوگارين بايولوزي ره گزي مروځي دروست دكن.

هندهك شانه ژ رهنكي پيستي مروځي بهر پرسن.

نافي مروځي هندهك كه سين دي لي دكن.

ټول و باوهری ژ بهرمايي كين دايك و بابان بو مروځي دميين.

وهلات و نه ته وه، تو و بهختي خوه...

ټم مروځ د بي دهسته هلاتن، وهك كه نگرپه ران ل بهر له هي و باروځي هزار جاري
بنئاف و سه رئاف دبن.

تنی يين خودان شيان و مه له فان و هزرتيژ بهختي قورتالبوون و ژيانه كا باشر
هه يه.

ټو مروځين ههول ددن ژ كه قلوژانكي خوه دهر بكه فن، گهر بسهر كه تن دبنه
هزرمه ند، زانا و شور ه شگير.

ټو وين تووشي شكه ستنان دبن دبنه گاور و تاوانبار.

دهنگي بلندبوويي پيلين هزرين من په نگاندن.

__ بهريزان...

پشتی بخیرھاتنا میٿانان، ناٿیٰ خوہ و ییٰ کوٿپانیا خوہ و گہلہک سوحبہتین دی
کرن، گوٿ:

— کہمہریٰ خوہ گریٰ بدہن...

بہریٰ فان گوٿنان من کہمہرا خوہ گریٰ دابو، من نہدٿیا کہس مایٰ خوہ د
ہزریٰ من دا بکت، من نہ دٿیا ژ گرتیخانا ہزریٰ خوہ دویر بکہٿم۔
ٿہز ییٰ ہزریٰ خوہ د گٿیشم دا پلانا مرنا خوہ موکم بکم، کہس چ ژ ہاتن و
جہیٰ مرنا من نہزانت۔

ٿہز ژ مرنا ل پيشيا خوہ ناترسم، ییٰ ژ دہنگیٰ بلندبوونا فروکیٰ دترسم۔
سیٰ ہیف...

ٿہو مروٿین خودان شیان و دہستہلات دبن مہدا یین دبنہ ہندہک خالین رہش۔
گوند و باٿیرک دناف عہوراندا بہرزہبوون۔

ٿہو ٿہردیٰ ہند مہزن، ٿہو چیا یین ہند بلند، رووبار و دہریا بوونہ ہندہک
خیچکیٰ رہش۔ کا ٿہو مروٿین خودان ہیٰ و دہستہلات؟

ہہر تشت نزم دبوو، تنیٰ ٿہم بلند دبوون۔

بلند ببه ہہتا ہہتاییٰ، بلند ببه بگہہ ٿہسمانیٰ حہفتیٰ۔ بلند ببه بلا ٿہف
کارہساتا مہٿیٰ من دہیٰرت ببتہ خہون، ٿہز ژ یٰ ہشیار بيم۔

ترسیٰ و ریٰنمایین فروکہقانیٰ ہہموو ب کورسیٰ وانقہ بیٰدہنگ گریٰدابوون۔

تنیٰ ہندہک خزمہتکاریٰ بہژن بلند مایٰ خوہ ہہر تشتیٰ دکرن۔

چہند فروکہ بلند دبوو، ہند نیٰزیکیٰ مرنیٰ دبووم۔

دیٰم و چاقین ہہموویان پھیامین گہش دگہہینن۔

ہند دیٰ گہہنہ ہہمیٰزا ولاتیٰ و ہند دیٰ گہہنہ بہر سینگیٰ خوشٿقیٰ خوہ۔

تنی ئەز یی ل گۆرێ خوە دگەرەم، جھێ مرنا خوە دەهەلبژێرم، تنی دیمێ من یی زەرە.

ئەم مروۆف ل هەموو تشتا بلەزن، لەزی د سەفەری دا دکن، لەزی دکن زوی بگەهن، لەزی دکن زوی بزقن، حەزدکن زوی ببتە شەف، لەزی دکن ببتە روژ، لەزی دکن ببتە جەژن، لەزی دکن ببتە سەری سالی.

تنی دەما نیزیکی مرنی دبن تژی دلێ مە ترس دبت و هزرا دەمی دکن. ئەز یی لاڤا دکم ئەف فروکە هەتا هەتایی ل ئەسمانا بمینت و نە گەهتە ئەردی وەکو وان فروکەیی بێسەروشوین و بەرزە بووین... یین دی هەموو یین لاڤا دکن و لەزی لەشین وان خوارن دا ب دو کیلیکان بگەهتە سەر ئەردی.

ئەو نزانن یین نیزیکی مرنی دبن، هەست پی ناکن چەند کیلیکەك دبۆرت ژ ژییی وان دسوژت.

تنی ئەز هەست پی دکم، ئەز باش هەست پی دکم. ئەفە روژەك و نیف ژ سی هەیفان بووین.

دبت ژیین هەندەك ژقان مروۆقان ئەف روژ و نیفەكە ژ چەند روژەکین دی یین کیم بن.

دبت گەلەك ژقان مروۆقان بەری من بمرن.

جیاوازییا دناقبەرا من و وان دا، ئەز دزانم پشتی سی هەیف کیم روژەکی دی مرم، ئەو نزانن کەنگی دی مرن.

تنی ئەز ژقانی مرنا خوە دزانم، تنی ئەز بهایی قان کیلیکین لەزی دزانم. سی هەیف کیم روژەك و نیف...

نەنە هیشتا نەبوویە نیف روژ، تنی چەند دەمژمیڤەکن...

نیف روژ ژییەکی دییە، ئەز ژ یی لەزی دکم.

ئھا ئەفە ئەز كەتمە دناقبەرا ھەقزینا خوە و دو زارپۆیان دا و دایكا خوە و خویشك و برایان.

دو دەمژمیڤان ژوان دوور كەتم، دو دەمژمیڤان نیژیكى قان بووم.
نە ئەفە چ ژمن دزانن و نە یین دی ئاگەھ ژھاتنا من ھەیه.
ژئەفرۆ پیدئا ئەز كورپۆ خوەزایی مە، من چ كەسین خوە نینن.
دی وان سی ھەیف كیم روژەكی دگەل خوەزای بوړینم. دی بمە میقانی گيا و
دار و بەران، دی ژ مروقین نەمروف دویر كەقم، مالا من دی بته نوسك و
شكەفت.

جارەكادی تژی ناف فروکی لقین ود ھنگ بوو. ل سەر جھی دەستاقی بوو
گەرودۆر.

ئەف گەنجی برەخ منقە یی ھزار درەوا بو ھەقزینا خوە دكت، وەسا دیارە
ھەقزینییا وان یا نوویە.

پستە پستا وان ھەردو ژنن ل پشت من، مەژیی من ھیكرن. نزا ئەفە ھند ل
سەر چ دئاخفن؟

كچەكا بەژن بلند، سینییەكا خوارنی دانا بەر سینگی من، ئەفە دەمەکی دریزە
دلی من ژ خوارنی رەش ببوو.

وی گەنجی پشتا خوە دایە من، بتلین خوە خوارن دكرە د دەقی ھەقزینا خوە دا.
پشتی خوارنی جارەكادی جھ بیدەنگ بوو، ژ بەر ئیشان و واستیانا لەشی خوە
من ئاگەھ ژ چ نەما.

خەوی سەر ھەر تشتی ستاند، ئەز دناف پیلین خوەیین ئالۆزدا راپیچام.
دایكا من دگەل كۆمەكا ژنن گوندی مەنجەلۆكین بیریقانان یین دەستین واندا،
ژ دەری گەلیی زركا بەرەف كانیی دەھتن.

که نیا خه جی و ستران و دهنگی گوهاری تژی وان لات و تراشان ژیان کر.
وهک تیشکه وکین تیهنی ل هیثیا که ری بهزی ل دۆرین کانییی کۆمبوون.
ههوارین حوسینیی شقان تژی دیوانا وان ترس کر.
_ ههواره... ههواره...

هه ر ژنهک ل جهی خوه رابوو سه ریپیان، دهنگ ژ مه نجه لوکا خوه ئینا. وهک تیپه کا
هونه ری بیئیک دهنگ گۆتن:
_ خیره حوسین؟ چ بوویه؟
بیهنه حوسینیی شقان دهنگی وی د گه وروویی را ئاسی کر.
_ گورگی... گورگی...
ژنه کی کره هه وار.

_ گورگی چی...؟
پشتی دهنگی وی کونهک دگه وروویا وی را دیتی گۆت:
_ گورگی پهزی گوندی هه موو زکدراندی کر.
دیسان وهک تللییین دهواتیان دهنگ ژ مه نجه لوکین ژنن گوندی بلند بوو.
دایکا من گۆت:

_ پهز و رهز و ملک و مال گۆری سه ری کوری من بین.
دهنگی بلندبوویی ئەز هشیار کرم...
_ میثانین بهریژ...
گه لهک ئاخفت، تنی من ئاگه ه ژی بوو دگۆت که مه ریڤن خوه گری بدن، ئەم
دی ل فروکه خانه یا ئه ربیل دادن...
پاشی داخوازا سه فه ره کا خوش بو میثانان کر. وی نه دزانی سه فه را من یا
مرنییه.

خهوى مهژيى من خاف كربوو. ل سهر مليخه خوه زقريم، هيشتا تهو گهنجى
برهخ منقه ژ سوحبهتا ههقالا خوه تير نهبوو.

هيشتا تهو ههر دوو ژنيى ل پشت من ژ پسته پستى تير نهبووون.

سهرى فروكى نزم بوو، خوشى و كهيفى رهنگى هه موويان گهش كر.

مروف گهلهك يى سهيره، بهه موو هيژ و شيانيى خوه پيكولى دكت دا پتر بژيت.

باش دزانت دى ههر مرت، خوه مژيل دكت، خوه دسهردا دبت، ژبيراخوه دبت.

مرنى ل بهراهيا خوه نايينت، تهو يى پشتراسته ههر دى مرت.

نزا تهو بوچى دترسن؟ تهو ژ چ دترسن؟ تهو باش دزانن ههر دى مرن.

مرن ل پيشيا مهيه.

تهو بوچى دژين؟ ژيان چيه؟

هندهك جارن تهو هزر دكم كهس ژ مرنى ناترست. ههكه تهو ژ مرنى ترسيابان مه

نه دشيا بژين.

هندهك ئيش و كارهسات ژ مرنى بترستن.

ئيش... تهو پيسترين ئيشا تووشى مروفان دى.

تهو نه ئيشه، تهو مرنهكا بژان و ئيشه.

هيژا دژوار يا فروكه ژ بلندهيا هزارهها ميتران دانا سهر تهردى

گورى و چريسك ژ تاييرين فروكى بلند كرن.

دهنگى مرنى ژمه كينا فروكى هات، تهو تهو دى چند ده مژميرين دى نيزيكى

مرنى بم.

ژ فان هه موو مروفين تهو چند ده مژميره ل تهسمانا دگهل من تنى تهو دزانم

كهنگى دى مرم.

دبت گهلهك ژوان بهرى من بمرن، لى كهسى ناگهه ژ مرنى نينه ژبلى من.

مرن دگهل هه ناسا من يا ياريا ب هه ستين من دكت.
 دى كيه رهقى...؟
 دى خوه لكيه فه شيرى؟
 هزارا چ دكى...؟
 مرن يا بدهنگى بلند ديژت.
 ل بهندا سى هه يهف كيم روژهك وچه ند ده مژميره كان به.
 خوه تو بچيه د شوشه يه كى دا و لبنى دهريا وانى خوه فه شيرى دى پستوكا ته
 گرم و راكيشم.
 ده رگه هى فروكى فه بوو، هه موو رابوونه سه رخواه تنى ئەز مام روينشتى.
 چاقين هه موويان تثرى كه يهف و سه ركه تنه، بشكورينى رهنگين ديمين وان يين
 سور كرين. تنى ديمى من يى زهر و خه موكى بوو.
 هه ر كهس دزانت دى كيه چت، پتريا وان دزانن كى ل پيشوازييا وايه.
 تنى ئەز نزانم دى كيه چم و ئەز باش دزانم كهس ل هيفييا من نينه.
 ل داويا هه موو سه رنشيانان من سه رى خوه ژ ده رگه هى فروكى ئينا ده ر
 بهرى دوو خزمه تكارين فروكى يين به ژن بلند ئيك ل ره خى چه پى و يا دى ل
 ره خى راستى بيژنه من:
 _ سپاس بو سلامتيا گه هشتنى، هه تا ديتنه كا دى...
 كه نيا من ب گوتنا هه تا ديتنه كا دى هات...
 ديتنا من و هه وه دى ئەفه بت، ئەز يى به ر هف مرنى دچم.
 كى ژ مرنى رزگار بوويه؟
 تثرى مه ژيى من بيهنا ئاخى بوو.
 بيهنا ئاخى، من گه لهك جارن گو هلى دبوو، دگوتن بيهنا ئاخى يا دژواره، من
 باوهر نه دكر.

ئەو ۋەلاتى د گەنجاتىيا خوه ئەز ژى رەقىم، بۇ بىناخكرنا كەلەخى خوه لى
دزقېرم.

ئاخ ۋەلات بېھنا ئاخا تە چەندا دژوارە. ھەلكىشانا بايى تە چەندا فەرە.
ۋەك بەندكى ل دەرى ھەمانى ئەز كەتمە دويىف خەلكى، وان چ دكر من ژى ۋە
دكر.

ل بەر دەرگەھى چوونە دەرى بى فرۆكەخانى، چاقىن پىشوازيان تژى خوشى و
كەيف بوون.

ھەر كەسى ژكۆنترۆلى دەر باز دبوو دكەتە دناف ھەمبىزا گەرم يا خوشتقىيىن
خوۋەدا.

كەيف خوشى دگەل دەنگى شوڧىرېن تەكسيان تىكەل بوون.

__ ھەولير ھەولير...

__ سليمانى دو نە فەر...

__ دھۆك دھۆك...

دەمى من گوھ ناڧى دھۆكى بووى، گليزانك بسەر لەشى من دا چۆنە خوۋار.
ھندى من خوه گيرۆ كر كەسى دەستين خوه بۇ ھەمبىزكرنا سينگى من قەنەكرن.
دەستەكى ۋەك لەپى ھرچى مىلى من ھەژاند.

__ بەريژ... دى كىقە چى...؟

دەستى ۋى بوو، دەستى ئيزرائىلى و رەجفك ئىخستە لەشى من.

خودانى دەستى شەرم كر گۆت:

__ ببۆرە بەريژ من تو ترساندى.

دا ھەست بشەرمى نەكت من گۆت:

__ نەنە، تنى ئەز بى مژيل بووم.

كيسخه و چانتكى من يى بچويك ژ من هه لگرتن و كه ته به راهييا من. و گوت:
 _ بؤره، ته نه گوت ته بگه هينمه كيڤه؟
 بى لى بزقرم، ئيكسه ر من گوت:
 _ دهوك... من ببه دهوكى.
 سه ر ملى خوه زقرى ديمى وى هزار پرس دكرن، گوت:
 _ ل دويش من وهره، ته كسيين دهوكى بين لايى هه.
 ب دهنگه كى بلند گازى كر.
 _ مام حاجى، ئەف بهريزه دى چته دهوكى.
 زه لامه ك هات كيسخه و چانتكى من ژ هه قالى خوه وهرگرتن، تژى ديمى خوه
 گرئزين كر، گوت:
 _ فهرمو بهريز، مه دوو نه فهرين دى ژى بين هه ي.
 گرئزى، كره كه نى و ديسا گوت:
 _ بو ته كيڤه نينه...؟
 من ئاگه ژ چ نينه، بيهنا ئاخى ئەز بى سه رخوش كريم.
 _ چ تشت بو من كيڤه نينن بهريز.
 گوتنين من جاره كادى بهرى چاڤين وى بين تژى پرس و گو مان دانه من.
 سندوقا ترومبيلى فه كر، بزورى چانتك و كيسخه وى من هه شانده دناش
 چانته بين دى دا.
 دهستى خوه دريژكره پيشيا ترومبيلى و گوت:
 _ فهرمو، ل پيشيى سواربه.
 من ده رگه ه فه كر، ژن و ميړه ك ل پشتى د روونشتى بوون، ژبه ر شەف ژ نيفيى
 بؤرى بوو من نه زانى ب چ شيوازى سلاڤى بكم له وا من گوت:
 _ سلاڤ...

دەنگ ژ ژنى نەھات، مېرى سلاف وەرگرت و گۆت:

__ سلاف... بخير هاتى.

شۆفېر روونشت و ئېكسەر گۆت:

__ ھوين بخير هاتن.

ديسا تنى من و زەلامى بەرسف دا.

__ سپاس، دناف خيراندا بى.

كەمەر گرېدا و سويچ وەربادا و گۆت:

__ بسم لله...

دەنگى مەكىنا ترۆمبېلى بېرا من ل مرنى ئينا، چ نەمايە روژەكا دى دى ژ

ژيى من بورت.

دى سى ھەيف كيم دوو روژ مينن.

ترۆمبېل كەتە ناڤا باژيرى ھەوليرى. ئەڤە خەلكى فى باژيرى خيره؟ بوچى

نانفن؟

ھەولير... فى نيف شەقى كۆلانين وى تثرى مروفن. يين شەرەك دژوار ژ بو

ژيانى دكن، ئەو ژيانا تنى ب ھەناسەيە كا گەرم بداوى دئيت.

ئەو نزانن داوييا وى شەرى ھەر شكەستنه، مرنه، ھەر تشت ملكى خوەزاييه...

بژين... تنى بژين، لەشساخ وئارام بژين.

ئھا ئەڤە ئەز ژمرنى و ترسى رەڤيبوومە ولاتەكى پيشكەتى، نھو يى ژمرنى

درەڤمە كون وقولاچين شكەفت وناوسكين ولاتەكى ويران دا بژيم. ئەز پشتراستم

مرن ناھيلىت ئەز بژيم...

ژيان، تو كيشەيە كا گەلەك مەزنى بو گيانداران... تو مەزنترين كيشەيا

مروڤايى...

نزا ئەم ھەز ژ رۆناھییی دکن یان ئەم چ ژ دنیا دارییی چیناکن؟
ل دەمیی نقستنی ژی گلوپین مالان دهلن. ھەر مالەکی ھندی گوندەکی گلوپ
یین ھەلن.

ھەولیرا قەلا و منارە، خوزی من دەم و ژی ھەبان ل کۆلانی تەیین کەفن
گەریانە کربا.

ل چایخانەیا مچکو چایە ک رەش قە خواربا، ل قەیسەری وشیخلا بەرەف قەلا
دیرین چۆبام.

تیر کەباب و دەوی خۆمالی ل خارنگەھین تە یین مللی خواربان.
ھەولیر کەنگی دی بیە باژیرەکی مەزن؟ باژیرەکی تژی کارگەھ و میترو و
ھۆلین سینەما و شانویی، تژی مۆزەخانە و پرتۆکخانە...؟
ھەولیر... ئەی گوندی مەزن.

لەزاتییا شوڤیری و خرابییا ری و جادەیان ئیشا لەشی من ژ بیرا من بر.
دبت ل چەپا ھە ئەم بین قۆربانییین گەندەلچییی قی وەلاتی یین نەشیاین سەری
چەند سالانە قی ری رەش بکن.

ھەکە ئەف ژنومیڤین ل پشتی دگەل من نەبان دا ژ دل دوعا کم ل دۆریانا ھە
بکەقمە دبن بارھەلگەرەکی قە و داوی ب ئیش و ئازارین من یین.
لی ما من چ ماف ل سەر قی شوڤیری ھەژار و وان ژنومیڤین ل پشتی ھەیە؟
زەنگلەک د مەژییی من دا لیدا، وەکو یا وی دیرا برەخ مالا مەقە.
زنگ... زنگ... زنگ.

__ بو ئەز خوە ژ قی ژانکیشیی رزگار ناکم؟

__ چەوا؟

__ دی ھەر مرم، چ ئەفرۆ چ پشتی سی ھەیف کیم دو روژین دی بت.

__ ئی...؟

— هندی زویتره کیّم ئازارتره.

من یی بیئۆمید و ئەز یی مروّف کهتنه د دانوستاندنێ دا.

من بریاردا خوه بکوژم.

ئەز یی مروّف رازی نهبوو.

— هه که ته خوه کوشت دئ دلیّن زارپۆ و کهسوکاریّن خوه تژی خهّم و ئازار کی.

دئ بیه پیشه کیهک خراب بو هندهک کهسیّن لاواز و نه فام...

من یی بیئۆمید گوّت:

— هه که ئەز مرم چ بو من خهّم نینه؟

دهنگی وی زهلامی ل پشتی ب هه قالا خوهفه مژویل هات.

— بهریژ، لهزی نه که، ئەم خودان زارپۆنه...

ئیکسه ر هاژۆتنا ترۆمیلی سست بوو.

زارپۆ، ئها ئەو ژى ییّن د خه ما زارپۆییّن خوه.

زارپۆییّن من...

کهسوکاریّن من...

دایکا من...

هه قزینا من...

ئەزئ مروّف بریار دا بته ئەیۆب پیغه مبه ر و ئازاران بکیشت.

دهنگ ژ وی زهلامی هات، دیاره ژ سوحبه تا هه قالا خوه تیّر بوو گوّت:

— بهریژ... تو ژى ژ ل ئەلمانیاى؟

ئەز گه لهک پیتقی بئیکی بووم من مژویل بکت، ل سه ر ملی خوه زقپیم و

گوّت:.

— بهلی... ئەز یی ل باژیروی میونیخ.

ههڤالا وی جهی خوه خوش کر و گوت:

— برایی من ژی یی ل میونخ.

بهری ئەز پرسا ناڤی برایی وی بکم، ههڤالی وی گوت:

— ئەڤه چهند ساله تول ئەلمانیا؟

ئیکسەر من گوت:

— بیست ساله.

هاژوتنا بلهزا ترۆمییلی سوحبهتا مه بری.

من ژی ههست بترسی کر و گوت:

— بهریژ، باوهر بکه تو گهلهک یی لهزی دکی...

دهنگ ژ پشتی هات گوت:

— ل جههکی راههسته، ئەم دی بیهنقه دانهکی کن.

شوڤیر ل سەر ملی خوه زڤری، ئاخفتنا وی زهلامی ل پشتی ب دلی نه بوو گوت:

— بهریژ ئەڤه نیڤ ده مژمییره مه دایه ری، مانه زوویه...؟

من ژی دڤیا ژ ترۆمییلی دهربکهڤم، بیهنا من تهنگ ببوو.

نزا ئەز لهزی چمه؟ نزا ههکه گههستم دی چ کم؟ دی کیڤه چم؟

نزا بوچی دهم هنده یی بلهزه؟

دهنگی هاژوتنا ترۆمییلی سست بوو، ل بهر لیڤا جاددهیی خیرخوازهکی مزگهڤتهک یا ئاڤاکری.

خهلکی فی وهلاتی گهلهک ههز خیرا دکن، لی نزانن چهوا بکن.

وهسا هزر دکن خیرکن تنی د ئاڤاکرنا مزگهڤتان دایه.

من نەدیتتیه و گوھلی نەبوویە خیرخوازەکی قی وەلاتی نەخۆشخانەك یان
خواندنگەھەك یان ھۆلەكا شانۆوویی یان ھۆلەكا سینەمایێ ئاڤاكرت یان
جاددەییەك قیركربت.

من نەدیتتیه خیرخوازەکی ئیتیمەك خودان كری، نەخۆشەك چارەسەر كری.
داییتیمە بسەر كری.

مزگەفتان ئاڤا دكن و مالی ئیتیمان دخۆن.

باوەرداری تشتەکی پیروژه ھەكەر مرۆڤ د خزمەتا مرۆڤایەتییی دا بكار
بینت...

مەلا و دیندارین مە تنی نھیژ و روژی گرتن یین نیشا مە داین.
دگۆتن تنی مسلمان بەهشتینە.

رەوشت د پەیرەوی وان دا تنی نھیژ و روژی گرتن بوو.

ئەم ژى وەكو وان قیای پەرورده بوون. نھیژ و روژی، زەكات و حەج.

لایى دى یی ژیانى ھەر تشت رەش و کریت دکر. دگۆتن سپاس بو خودی مە
نھیژا خوە کر...

ئایین یی ھاتی دا مرۆڤ مافی خوە بزانت و مافی یی بەرانبەر نەخۆت و ب
رەوشت بژی... ئایین ئانکو راستگویی و پیکفەژیان و دادپەرورەری.

ھندەك مرۆڤ دیندارییی بكار دئینن دا مافی یین دى ب خۆن. ھەر كەسى
دەنگی خوە بلندکر ھەر ب وی ئایینی كافر دکن...

پیتتی بوو دینداران پشتی ھزارەھا سالان نەشیاین چ بو مرۆڤایەتییی بکن ب

ھووری پیداجۆنی د خوە دا بکن، ری بدنە مرۆڤین ژ خوە بناقلتر جھی وان

بگرن. دا ئایینی و مرۆڤایەتییی بئارامی بگەھیننە دەراقین تەنا...

لی نزا چ بیژم...؟ ھندەك ژوان ئاقلدارین مرۆڤ یین دبنە ھۆڤ.

پاره و كورسيان ئاقلى وان يى ھىرايى .
 رەشت دادقانى ھەر تىشتىيە . ھەكە مەرقى رەشت ژ دەست دا، دى قۇمارى ب
 ھەر تىشتى كت...
 ھەكە مەرقى بوو قۇمارچى، دى يى رويرەش و رويت بت...
 ژبو پاره و مالداريى دىندار ژى يىن دىنە ياريكەر ل سەر ميژا قۇمارى...
 ئەف راوستيانە دەمى خوە دا بوو. دبت دگەل راوستيانا ترۆمبىلى دەم ژى
 راوستت، دبت ھندەك كىلىك ژ ژيى من زيده بىن.
 لەزكرن يان بريئە مان دھەر دوو شىوازان دا دەم يى سەرى خوە دخوت.
 ئەز تىناگەم قى دەمى خىرە ھندە لەزى دكت؟ تنى بو ھەناسەيەكى راوستە.
 تنى بو كىلىكەكى پاشقە بزقەرە.
 بايەكى ھوين وي بەرى سپىدى لەشى من گەزاند.
 بەرى من كەتە وي دەشتا رويت و بى خودان. ھەكە ئەف دەشتە يا ب خودان و
 سەخىر با دا تىرا مە و جيرانىن مە دەخلودان ژى ئىت.
 ئەف ئەسمانى شىن و تژى ستىر. چەند كەس يان گياندارىن وەكو من ل سەر قان
 ستىران ھەنە؟
 چەند كەسىن وەكو من لەزى دكن دا بگەھنە گورى خوە؟
 چەند كەس وەكو من رۆژا مرنا خوە دزانن؟
 ئەى مرن... تالترىن تىشتى فەر.
 من قيا ھۆزانەكى بھەينم، لى من نەزانى بېژنا كىژان كچى.
 ئەو كچا من قياى و نە گەھشتىمى يان ئەوا ئەز قيايم و من بو خەرىبى و كول
 و كۆقانان ھىلاى...؟
 يان ب وي ئاخا من تىر يارى ل سەر نەكرىن و دى كەلەخى خوە لى بىناخ كەم؟
 ئاخ بو بېھنا ئاخى...
 ۶۲

مروڤين ته چهند د خراب بن، نه شين بيھنا ته گھني بکن.
شو فير يي بله ز بوو.

__ بهريزان... درهنگه دا بچن؟

ژنوميړا خوه ژ مه دوير کربوون، کهني وسوحبه تين وان بيدهنگيا شه في برهوش
ئيخستبوو.

بو من جهي گو مانويه، ژنوميړين بگه هنه في ژيي هيشتا هوسا دگهل تيك
دگونجاي و بکھيف بن.

بيدهنگيا شه في ئيشا له شي من ومرنا ل هيثيا من ژبيرا من برن.
ديسا له ز و رهفين بهرهف مرنې.

چاقين من ژ په نجهرا ترؤمبيلې قه نابن. ئەز باش دزانم ئيدي ئەز قان ديمه نان
نابينه قه.

چهند جاره کا شو فيري قيا سوحبه تي دگهل مه بکت.

ئەز دناف هزارندا يي خه ندقي بووم، ئەو زهلامې ل پشتي ب هه قالا خوه قه يي
مژيل بوو.

نه چار دبوو پي خوه ل سهر پانزيني بگقيشت.

ري ل بهر من يا کورت دبت، بهري چهند کيلیکان ئەم ل هه وليري بوون، بهري
چهند ده مژميران ئەم ل ئەلمانيا بوون.

گوند وباژير بين نشتين...

وهك ريزگرتن بو ليزقينا وي يا بهردهوام، من گوتي.

__ بهريز، تو ناقين قان گوندان دزاني؟

ئیکسهر گوت.

__ ئەفه دهه دوازه ساله ئەز في ري بکار دئينم...

تژی دیمیٰ خوه کهنی کر و گۆت:

— وهك ناقيٰ خوه...

پرس یین مهژییٰ من دهیڤن، نزا ئەف مروڤه بلهزین چنه؟ ما ئەو نزانن هەر

کیلیکه کا دبۆرت ژ ژییٰ وان دئیتته سۆتن؟

ئەز هەز دکم ئەف رییه یا بی داوی بت و من ژ دل لاقه کرن ئەم چ جار

نه گههن.

هەر زوی ل سەر ملیٰ خوه زقڤری، گۆت:

— ئەوا مه هیلاي، چه مه بوو...

سەریٰ خوه هەژاند، گۆت:

— چ نه مایه دیٰ بته تاخهك ژ هەولیري...

ئەز پەشیمان بووم من ئەف داخواییه ژئی کری...

گۆت:

— ئەفه ژئی رووڤیایه...

وهك پشتراسکرنیٰ گۆت:

— ته کیا شیخ سه عیدی لییه...

خەویٰ سەر ژ هزرا ستاند.

جار ئەز ییٰ ل بەر ئەسمانان دڤرم و ژۆردا ییٰ دئیمه خواری، جار ژئی ییٰ ل

هنداف کەنداله کی هاها دیٰ گریل بمه بنی.

ئەو ترسا ئەز هشیار کریم وقیرییا من شوڤیر و ئەو هەردوو یین ل پشتی ژئی

ترساندن.

هەردوو زارڤویین من یین من بو خەریبییٰ هیلاین، یین ل دارستانه کی یارییا ب

هەستیکین مروڤان دکن.

دایکا وان ژهەردوو چاقا یا کۆره یا دکته هەوار و گازی.

_ ئازاد... _

_ قيان... _

_ كا هوين...؟ _

سى چار گورگ ل دۆرپن وان ب دهقن بهش د زقرين.

من نه قيا دهنگى خوه بلند بكم دا زارو نه ترسن.

_ ئازاد، بابو، دهستى خويشكا خوه بگره و ههرنه نك دايكا خوه.

ژبه ر ياريا ئازادى ئاگه ه ژ من نه بوو.

گورگ نيزيك بوون.

ترسا من زيده بوو.

_ ئازاد، هشياربه.

_ قيان كچا من خوه خلاس بكه... _

ئەى هەوار، ئەز نەشيم چو بكم، دەنگ ژ بەر من نائيت، قى دارئالينكى پيپين
من يين گرتين.

گورگه كى هار دهقى خوه هاقيتته سهرى كورپى من و ژ ئاخى بلند كر. دوو سى

گورگين هار خوه د كچا من وهر كرن و ل سهر كه له خى وى بو شه رى گورگين

برىسى.

من هيژا خوه كو مكر و ب هه موو شيانا خوه كره هه وار... _

_ هه وار هه هه هه هه هه... _

شوفيرى پى خوه ل ستوپى شداند، چ نه مابوو ئەم د نهاله كى دا فراندين.

_ يا الله... ته خيرە برا؟ ته دلخ مه قه تاند؟

من چاچين خوه فه كرن، دنيا ل پيش چاچين من يا شيلى بوو. گه ورويا من هشىك

ببوو، بيهنا من بزورى بسهر دكهت، دلخ من تژى ترس بوو... _

من زارۆیین خوه و ههڤژینا خوه بۆ چاره‌نقیسه‌کی نه‌دیاریین هیلاین.
شۆڤیر ل هیشیا روڤنکرنی و لیبۆرینی بوو، پشتی هاتیمه سهر هشین خوه من
گۆت:

__ ببۆره برا، من خه‌ونه‌کا کریت دیت...

هیشتا پسته‌پستا وی زه‌لامی و وی ژنا ل پشتی دهات، نزا ئەڤه هنده چ دیژن؟
لسهر چ دئاخفن...؟

چاقین من یین تژی خه‌و وترس، هزرین من برنه روژانین ژيانا من یا به‌ری قی
کاره‌ساتی.

ژن و زارۆ و پاره و ترۆمبیل، ژيانه‌کا بی کیماسی ل وه‌لاته‌کی پیشکه‌تی.
ئەڤه چ هاته سهری من؟ من چ گونه‌ه کربوو؟ کیژان چاکی نفرین ل من
کرینه...؟

ئەز نه د خه‌ما خوه‌مه، ژيان و مرنا من نه‌یا گرنگه.

ئە‌ی هه‌وارر... ل وه‌لاته‌کی بیانی دویر ژ کهس و کاران دی چ ئیتته رییا هه‌ڤژین
و زارۆیین من؟

خوزی من دگه‌ل خوه ئینابان، بلا ئەو ژی وه‌کو قی خه‌لکی ژيابان.
ههر چ نه‌با پشتی مرنا خوه دا بی پشتراست بم...

پشتی مرنی دا بی پشتراست بم...

که‌نییا من بقی رستی هات.

دا پشتراست بم.

ما مروڤین مری پشتراست دبن...؟

په‌یقا مرن بشکۆرین ل سهر دیم‌ی من پیتی کر.

نه‌نه باشبوو من دگه‌ل خوه نه‌ئیناین. دا ل قیری چه‌وا ژین؟ نه پاره و نه مووچه
و نه کار.

كەس خوە لئناكەتە خودان، یی جارەكی خیرهكی دگەل بكت دى كته هزار لومه و منەت.

پشتى چەند روژهكا ژ مرنا من دى دبنه ريگر ل بەر ژيانا هەقژينا من.

تو يا گەنجى دقيت تو شوى بكى، دى بته شەر ل سەر ماركرنا وى

هەرکەسى مارکر دى بته زرباب.

زرباب ئانكو زارو كەتنه كو لانان.

ئەز باش دزانم، هەر كەسى مر خوشتقيين وى بلەز هەر تشتى پەيوەندى ب

ويشە ژ ناف خوە دەقايژن دا چ بیرهوهریين وى نەمین.

چ تشتى بيرا وى ل وان بينت ناهيلن.

تنى ھندەك وینە نەبن. وان ژى د کون و قولايچين تارى قە قەدشیرن.

كەسى نەقيت بيرييا مريان بكت.

مرن...

ئەى مرن تو چەند يا شرين و تالى ...

بو ئيكي وهكو من نهخوش شەربەتى ...

بو يين تەندروست زوقم و تالى ...

دەنگى شوڤيڤرى رەجفك ئيخستە لەشى من، گوت:

— ئەقە پرا حسيينييه...

نەھيلا ئەز چ ھزرا بكم، گوت:

— دوورپانە... و پاشى دى گەھنە چرەيى...

وہك ئاگادارييهكى دا من، دا ئەز يى ئامادە بم.

ئەقە من خيره ھندە خوە دواستينم؟

پشتى سى ھەيف كيم دوو روژين دى دى مرم و يى بەحسى چ دكم؟

ئەرى... ئەقە بوونە سى ھەيف كىم دوو رۆژ.
زەراتىيا رۆژى ل پشت چيا ھىدى ھىدى ديار دبوو، رۆژەكا دى ژ ژىيى من يا
كىم بت.

سى ھەيف كىم دوو رۆژ.
دەنگى ھاژۆتتا ترۆمبىلى بۆ دەنگى ھەرچەكا برسى.
شۆفىرى لى لەزى دكت من بگەھىنتە جھى مرنا من، ئەو جھى من بۆ دلى خوه
ھەلبژارتى.

دبت ئەز ئىك بىم ژ كىم كەسان يىن جھى مرنا خوه د ھەلبژىرن. كىم كەس
دشياندانە فى چەندى بكن...
دەستى خوه ل مىلى من دا و گۆت:
_ ئەقە چرەيە...

چرە... جھى چاندن و ژيانى، مخابن يا بىخودانە...
ئەف وەلاتە تنى پىتقى ب ھندەك كەسىن خودان وژدانە.
دەشت و چيا و ئاف و رۆژ...
ھەر تىشتى ژيان پى بەردەوام ببت، تنى مرۆف ژى دكىمن. مرۆقىن خودان وژدان
خودان مەژى قان كەرەستەيان بكنە ژىدەرىن ژيارى.
تنى ب چاندن و خودانكرنا ئازەلان دا شىن فى وەلاتى گەھىنتە ئاستى وەلاتىن
پىشكەتى.

ئەم پىتقى نىنن پىقازان ژ ئىرانى بىنن. ئەم پىتقى نىنن پتاتا ژ توركى بكرن...
ئەى مرۆف...

لەزاتىيا ھاژۆتتا ترۆمبىلى سست بوو، شۆفىرى گۆت:
_ ئەقە دوورىانا شىخانە...

بەرى من كەتە پەنجەرى، پاشى گۆت:

__ واهه باعه درييه...__

باعه دري، ميرگه ها ئيزديخاني...__

باعه درا ميرا... ژ ميرگه هين كوردا بين هه تا ئه قرؤ شيای سيمايي خوه نه
گوهورت:

زه راتييا روژي يا دبه مزگيني بو روژه كا نوي، و بو من يا دبه ئاگه هداري
بو كي مبونو روژه كادي ژ ژيبي من.

نيزي كبون وهه ستكرن ب مرن، بيهنا من تهنگ كر. من شووشا په نجه را
ترومبيللي ئينا خوار، دهنگي دژواري تاييرين ترومبيللي شهر دگه ل جادديا
بيسه روبه ر دكر.

هه ر ده مي ئه م نيزيكي گونده كي دبوون، من هه ست ب لقين و ليزفرينا شو فيري
دكر، ئيكسه ر گوت:

__ ئه فه ديركييه...__

بيهنا بهاري تزي مه ژيي من بوو. هيدي هيدي تشت بين ل پيش چاقين من
خويا دبن.

چيا و دار و بيستان و ئه و گوندين بيسه روبه ر. وه لاتهك بيخودانه. هه ر تشتي
هه يي بهيژا خوه زايي درووست بوويه، كه سي مايي خوه تيذا نه كرييه.
هندهك جاران ئه ز هزر دكم ئه ف كولكين هه ژار تيغه ل به ندا مرن دگه ل چيا و
دول و گرگان بين درووست بووين، كه سي ئاقا نه كرينه...
وه سا دياره ئه ف خه لكه بين ل هيقيا خودي هه موو كارين وان بريغه بت.

وزهيا باژپړی و بېدهنگيا کيانی

گوټنه کهوی، تو چه ز ژ کيژ جهی دکی...؟

گوټ، نهو جهی لی بوویمه فهرخ...

بیرا من ل وی هه قالی هات یی من خهونا خوه بو څه گیرای.

من گوټ:

__ شفیدی من دیت نه ز ل بههشتی بووم...

هه قالی من نهشیا خوه بگرت گوټ:

__ بههشت یا چهوا بوو...؟

من گوټ:

__ مروف ههست دکت یی ل دهوکی...

که نییا وی بهری که لهک که سان دا مه و گوټ:

__ نهو دهوکا تو ژی رهقی...؟ یان نهو دهوکیین راهیلايه ته ههتا سهر

تووخیبان...؟

من گوټ:

__ نهو نه دهوکه نه ز ژی رهقیم، نهو نه دهوکینه نه ز ژ بهر دهرکه تیم.

نهها من مرنا خوه و گوټی خوه ئینانه دهوکی...

دهوکی یا بوویه دارهکا گهش و یا کاته و چهقان ژ خوه ددت، یا پیکولی دکت

مهزن ببت، ببته باژپړ.

دهوکا من، تو مهزن نابی، دی ههر مینی نهو زارویا نازدار یا دنیقا دوو برایان

دا.

خودی تو یا کرییه دزکی نهالهکا مهزن دا.

زیره قانین خوه چیایی زاوا و که لها شه دایی و که لها فیرعه ونی یین ئاگادار کرین
ناهیکن تو مهزن بی.

هر ئا قاهییا بلند بکه، هر مۆل و قهیسهریا ئا قا بکه.

باژیر ب بلند کرنا ئا قاهییا مهزن نابن.

دهۆکا من، چهند تو یا بچویک بی، دی یا جوانتر بی

مهزن نه به، مهزن نه به...

قیجاری شو فییری ناف دانه بهر ئیک...

مامئیزدینا....

رکئا قا...

خیر خوازه کی مزگه فته ک یا لی ئا قا کری...

لایی چه پی دارا ده ریی ئها لقییره بوو...

جه مانع...

رویباری سور کا ئا قا ته یا زه لال...؟

رهخی راستی ئها وی هه گری که لووکییه، خورتوویی که لووکی لقییره بوو...

ئه فه ئه فیریکییه...

زالگه ها ل سه رده می رژی می لقییره بوو. بهری ئه م دگه هشتنی له رزک دکه ته

له شین مه، بلا مه چ کیشه ژی نه بان...

نهو یا سلاف و بشکورینی پیشکیشی مه دکن...

نزارکی... دهۆکی تو ژی کریه د زکی خوه دا...

واهه دهۆکه...

دهۆکا من یا من تیر نه دیتی و تیر لی نه ژیايم...

سه رپه شکین دهۆکی دیار بوون...

ئھا واھه دھۆكه.

نه، هيشتا يا ماى...

پا كا ئيتتى...؟ پا كا نزاركى...؟

وهسا دياره زيړهقائين خودى نەشيانه هەموو كون و قولچان ل ته بگرن.

تو يا بوويه دايكه كا دلوقان، ئيتتى و نزاركى يين كرينه دكوشا خوه دا.

دهنگى هاروتنا ترومبيلى سست بوو، شوفير ل سەر ملی خوه زقرى.

چاقين خوه ئيخستنه وى خوديكا هنداف سەرى خوه، گلۇپا نيقا ترومبيلى

هلكر، هەروەكو ئيا بيژته وان ئەفیندارين ل پشتى، هشیاربن ئەم گەهشتين

زالگههى...

ل زالگههى، ريژا ترومبيللا بيحهمدى من دەستين بەزینە بەرويكين من. بيرهوهريين

روژين رهشين سەردەمى رژيمى ل من نوى كرن.

ئەز يى پشتراستبووم چ تشتى نه دريدا د بەرويكين من دا نه بوون، لى ژ ترسا

درندهيین رژيمى دوو سى جارى ل بەرويك و پاخلين خوه دگهريام.

شه پرهياتيا من سەرنجا شوفيرى راکيشا، گوت:

__ تشتەك هەيه بەريژ...؟

هشين من كۆمبوون، من زانى ئەز يى ل سەردەمەكى دى و هندەك مروقين دينه.

__ نه خير بەريژ ئەز ل ناسناما خوه دگهريم...

تري ديمى وى بشكورين بوو، گوت:

__ باوەرناکم ناسنامى ژ ته بخوازن.

ل سەر ملی خوه زقریم.

__ بۆچى..؟

بشكورينا ديمى وى بوو كه نييه كا نازك، گوت:

__ رەنگى ديمى ته ناسناما تەيه...

تژی دیمی من ژی بشکورین بوو.

__ سپاس...

شوڤیری شیشا په نجهری ئینا خوار و گوت:

__ سلاف، مانی نه بن...

گه نجه کی واستیای سلاف ژ شوڤیری وهرگرت و گوت:

__ که ره م بکن...

شوڤیر ل سهر ملی خوه زقپری، گوت:

__ ئەفه چهنده تو نه هاتییه دهوکی؟

چاقین من یین بهریکانی دگهل لهزا هاژوتنا ترؤمیلی دکن دا بدیتنا دهوکی کل

بن.

تاوانه کا مهزنه مروڤ ئیک کیلیک ژ دهوکی دویر بکهفت...

دگهل هه لاتنا روژی ئەم گه هشتین بهر لیثا باژپری.

که لها نزارکی، ئەو که لها که قناریا ل ئەنفالین رهش کومکوژیین درنده تیغه

هاتنه ئەنجام دان. ئەو که لها لهشکه ری دوژمنی خه لکی بیگونه ه یی فان

دهقهران تیغه کومکرین. که ته دهستی مه یی چه پی، دیتنا شینواریین وی تژی

دلی من ترس کر، بیره وه ریین ئەنفالین رهش ل من نوو کرن...

ئها ل قی جهی و دقئ که لهی فه بسه دان پیشمه رگه ه و که سین بیگونه ه

بلوک و بهران کوشتن...

ئها دقئ که لهی فه ژن و که چین کوردا ژ میروبرا جودا کرن ول بیابانین

خوارووی عیراقی بنناخکرن...

وی زهلامی ل پشتی بیسته پستی مهژیی من هیر کری پشتی وی ژنا دگهل

دهقی خوه بگوهی فه نای، گوت:

__ زەحمەت نەبت دلایى بەرۆژكى را ھەرە...__

شۆفیر نەچار بوو بۆ دەستى راستى بەرەف بەرۆژكى ب ھاژۆت.
جارەكا دى ھەر وى زەلامى پشتى ژنى ھندەك پستەپست بۆ كرى، گۆت:
__ زەحمەت نەبت قى كۆلانى بسەر بگەفە.

دیسا گۆت:

__ بۆ دەستى چەپى و يى راستى و...__

دەنگ ژ ژنى ھات گۆت:

__ ئھا ل قىرى برا زەحمەت نەبت...__

زەلام پەيا بوو، دەرگەھ بۆ ژنى قەكر، ژن ژى پەيا بوو، چانتى وى ئىنادەر و
بگەرمى دەستى وى گكاشت و گۆت:

__ دى مە ئاگەھ ژئىك ھەبت.

زەلام دیسا ل جھى خوە روینشت و گۆت:

__ فەرمۆ..__

من ژنوى زانى دەردى وان و پستەپستا يا چ بوو؟

ترۆمبیل ژۆردا بەرەف جاددەيا گشتى ھاتەخوارى، ژ كانى مەھمەدكى بسەر
كەت، گەلىيى دھۆكى كەتە دەستى من يى راستى و ژۆردا ۋەك پیلين ئاقەكا
بۆش بەرەف نىقا باژىرى ھەركى.

ل سەرى بازارى بەرانبەر جاددەيا دكتوران من گۆت:

__ ئھا ل قىرى دى پەيا بم بەرۆژ...__

من خوە ژ ترۆمبىلى ھاقتەدەر، ھەرۋەكو ئەز ژ گرتىخانى رزگار بوويم.

تژى مەژىيى من بېھنا دھۆكى بوو. ئەى دھۆك قى سپىدى تو چەند يا جوان و
بېھنفرەھى...؟

كىسخەوى خوە و چانكى خوە يى بچويك دانە ملين خوە.

نزانم دى كيشه چم؟ ل چ دگه ږم؟

چهند جاره كا ل دور خوه زږيم بيرهاتنن زارو كيني تږى چاځين من روڼدك كرن.

دځيت تاخ ب تاخ، كولان ب كولان، مال ب مال بگه ږم.

ئو مرنا ل بهندا من رهجفك ئيخسته له شى من.

سى هه يفت كيم دوو روژ.

__ ئه فه دهوكه...؟

ئز باوهر ناكم، بهرى مرنى جاره كا چاځين من ب دهوك كل بوون.

په يفا مرنى رهجفكا له شى من زيده كر، بيرا من ل وى ئوغه را ئز بوو هاتيم

ئينا.

من قيا ئيكسهر قهستا وى جهى من پلان بوو داناي بكم، لى ديمه نين دهوكى

چاځين من ژ مرنى دوير كرن و كيشانه بازار و جاده وجهين بيرهاتنن من.

ل پشت خوه زږيم.

__ دى ژ گه ليى دهوكى دهستپيكم...

دى بلا ئزل سهرى هه پهيا بام. دى چ ل قى بارى ل ملخ خوه كم؟

چهند پينگافه كا بهره ف جاده يا دچته گه لى پاشفه زږيم، بايه كى هوين تږى

مه ژيى من نارامى كر.

واستيان وئيش ونه خو شى ژبير كرن. ئو كيسخه و چانتكى ل ملين من بوونه

به شهك ژ له شى من.

ئه فه گه ليى دهوكيه، تږى زكى وى ئافه، چهند گوند ب ئاقار و شكه فت و

چم و بيستان فه بين دبن ئافا خوه فه خه ندقاندنن.

بیرا من ل گهرماقا هات، ههر سال ل هاقینا دایکین مه ئەم دبرنه سەر ئاقا وی
یا گهرم، وهك دهرمان دهاته بکارئینان. بشهف ل ویڤی دمان، پیهنا کپرتی ژئاقا
کانییین وی دهات.

رووبارهك و هندهك کانیکین ئاقی ژ بن کهفروبهران دزان، تژی وی گهلی چه م و
بیستان بوون...

واهه گری باسی یه، ئەفه کیلیا شه دایی یه و واهه کیلیا فیرعینی یه...
وهك دو برا ل هنداف سهری دهۆکی د هیشارن.

خوزی من زانیبا ئەف ناهه ژ کیهه هاتینه...؟
دوو هوک...

دوو ئیک...

دگۆتن ئەفه جهی ستاندنا خویکی بوو ژ کاروانیان، ههر کهسی دقی گه لیرا
دهرباز ببا دقیابا خویک دابان.

خویک ژی ههر دووا ئیک بوو.

ئاقی دهۆکی ژقی کریاری هاتیه...

ئەم چ ژ میژویا باژیری خوه نزانن، بو کهسی ژی خه م نینه، تنی ئەم دخون و
دنهن...

دی چهوا دهۆکی هه موویی بییان و بقی باری ل سهر ملین من تیکه دم؟
بهری چاقین من ژ گهلی تیڤین، ته کسیهك ل بهر من راوهستیا، گه نه که شیشا
په نه هری ئینا خوار، گۆت:

__ سپیده باش...

من ژی سهری خوه نیژیکی په نه هری کر و گۆت:

__ سپیده باشته بهریژ...

ب دیمه کی واستیای گۆت:

— دى كيشه چى...؟

من پشتا خوه راست كر و بهرى خوه دا دهوكى و تثرى ديمى خوه بشكورين كر و گوت:

— دى من ل دهوكى هه موويى گيرينى...؟

تثرى ديمى وى كهنى بوو، هزر كر ئەز يى ترانا دكم، گوت:

— بهريز، قى بهرى سپيدى تو ياريان ب من دكى؟

بشكورينا من بوو كهنى، من سهري خوه پتر نيزيكى په نجهرى كر و گوت:

— نه خير بهريز، ئەز ياريان ناكم.

كيسخه و چانتكى خوه هاقيتنه د پاشييا ته كسيى دا و برهخ شوڤيرى فه سوار بووم.

— ئها ئەفه ئەز سوار بووم.

چاقين وى يين تثرى پرس و گو مان هيشتا دزيق بوون.

— دى ب چه ندى من ل دهوكى هه موويى گيرينى؟

ههست كر ئەز يى رژدم، گوت:

— ته كيشه دقيت...

من نه هيللا گوتنا خوه بداوى بينت، تلا خوه دريژ كر لايى بهرؤشكى.

— دى من زقرينييه بهرؤشكى و ئينيه گهلى و بيه گريباسى و ژوردا ئينه

خوارى بو...

تثرى جهى كهنى كر و گوت:

— تو يى رژدى...؟

من ژى ديمى خوه تثرى بشكورين كر و گوت:

— پاژو... مه دهم نينه...

هیشتا شوڤیر یی مهندههوش بوو، من گوتی:

_ دی ب چندی من گیرینی...؟

دا دهقی وی یی بهش بیته گرتن من گوت:

_ پاشی دی من بیه دهی گهلییی زرکا...

هه رئه وی بیدهنگ بوو، من گوتی:

_ ل داویی من ببه بازاری دی هندهک پیثیا کرپم و پاشی دی من گههینییه

دهی گهلییی زرکا...

هزرا دویر بربوو، من گوت:

_ ته چ گوت؟

چاف لی زیق ببون گوت:

_ بلا پرسه کی بکم؟

بهری ئەز ئزنی بدم گوت:

_ تو ژکیفه دئی و دی کیفه چی...؟

من پیته پیرسا وی نه کر، گوت:

_ ته نه گوت...؟ ته چهند دقیت؟

ههست ب یارییه کا زاروکینی کر، تژی دیمی خوه بشکورین کر و گوت:

_ دی ئەو بت یا ته بقیت بهریز، تو بخیر هاتی...

بهری ترؤمبیلی دا بهروشکی، ل داویا تاخی بهروشکی، تاخی ههژار و

شورشگیران، ئەو تاخی بشهف هیلینا پیشمه رگه یان و ب روژ تژی تیشکین ئەمن

و کورد کوژان دبوو، تاخی بهروشکی گلش و بهرماییکین فیتهران باژیر کریت

کربوو، دقیا بزقپت، من گوت:

_ بهرهف گهلیی زاویتهی هه ره...

دیمی وی زهر بوو، ههست بترسی کر...

ئیکسەر من گۆت:

_ ل دەری گەلی و بزقره...

ل دەری گەلی زاویتهی راوهستیا ههست پی کر چاقین من بین دزیا دیمهین
خوهزایی بین گەلی دکن، هند چاقین وی ل رییا وی نهبوون هندی ل دیمی من.
زقرینا من هشین وی کو مکر، گۆت:

_ بزقرن...؟

من نهفیا دانپیدانی ب تاوانه کا مهزن بکم و بیژم ئەز تیرووم بزقره، تنی من
سهری خوه ههژاند.

زقرین بهرهف بهرۆشکی، گههشتینه کانی مههمه دکئی...
دهنگ ژ خوه ئینا و گۆت:

_ دکیزان جادی را بچن بهریژ...؟

ئیکسەر من گۆت:

_ گەلی ... هه ره گەلی و ژۆردا هه ره خواری...

ل دەری گەلی من ههست کر لهزا ترۆمیلی کیم کر، وهك وه فادارییهك بو چاقین
من بین زیق. گەلی دهۆکی یی خه ملاندیه ژ بازارو ((کوشک)) خواریگهه
((گازینۆ.. کوفی... کافی)) و جهین گهشتیاری. ئالایی کوردستانی پیشوازییا
چاقین گهشتیاران دکر.

خوزی من شیان و دهم هه بان، ل خواریگهه کی گوهی خوه دابا سترانین محهمه د
عارفی جزیری و ته حسین ته های...

هیشتا من ئزن نه دای بهرهف گری باسی چۆ.

دهۆکیین کهفن دیژن گری باسی یا ژناقی پاسویی فهله هاتی، گری پاسویی.
مالا وی ل سهری گری بوو، ماله کا بتنی بوو، پاشی تژی دۆران مال بوون...

من قيا شينوارين ئەمنا دھۆكى بىنم. دەستى خوە دريژكره لايى چەپى.

— ئەها لقيرى بەرهف ئەمنى ھەرە...

تژى ديمى وى كەنى بوو، گۆت:

— نھۆ زانكۆيە بەريژ...

ئەها شۆرەش ھوسا گۆرانكاريان دكن، ئاقاھيىن لەشكەرى و ئەمنى دكنە زانكۆ.

ديرا فەلا ھيشتا يا ئاقايە، تژى قى تاخى مالىن فەلەيان بوون، پيڭكەژيان ژ

رەوشتين جوان يين دھۆكيانە.

ل بەرانبەرى پەيكەرى خانى يى بيخودان ل گلوپا سۆر راوەستيا. ديسا دقيا

بپرست بو كيشە بچم، من گۆت:

گەردى ھەبووا مە ئيتيحادەك

قيكرا بکرا مە ئينقيادەك

روم و عەرەب و عەجەم تەمامى

ھەميان ژمەرا دكر غولامى...

تژى ديمى وى كەنى بوو، ل ھيشيا من ما دا بريارى بدم، من گۆت:

— بەرهف نيڭا باژيڭرى ھەرە...

قەسرا ديوالى ئاغاي يا دبن دكانانقە بەرزە بووى، ئەها ئەقە ئامادەيا كاويە.

رووبارى دھۆكى يى بەرزە بووى، چەم ويستانين دھۆكيان ھيشتا د كەسكن.

دھۆكى ھيدى ھيدى يين دكانين خوە قەكن، ئاقاھيىن بلند رەنگى دھۆكى يى

ھاڧى كرى.

ل سەرى جادەيا دكتوران من گۆت:

— ھەرە تاخى شيلى.

تاخى شيلى، چەند سەبرا من ل قى تاخى ديئت. ئەها مالا مە ل قى كۆلانى بوو.

چەمى زىرو، چەمىن دھۆكىيان، ئاشى بە فرى. چەپ دا تاخى كۆچەرا. ل سەر
ملى خوه زقرى، من گۆت:

__ وهكو خوه هەرە، يا گرنگ دھۆكى هەموويى بىنم.

ژيھەل بەرەف تاخى قەرەچا چۆ، مالىن كژبەرا وهكو عاشقەكى هەزار ل هنداف
تاخى قەرەچا ستران دگۆتن.

كانىمەھمەدكى ديار دكر، واھە جاددەيا گۆمركا بوو... تاخى مەزارى... كا
گۆرستان؟

جارەكادى ئەم گەھشتىن تاخى گەلى...

دھۆك تو چەندا جوان و بچويكى؟ هەر بچويك بىنە، هەر جوان بىنە.

نەھىلە دەستىن رەش روويى تە يى سى بەرزە بكن. من نەقيا وان تاخىن ناخىن
بيانى ل سەر بىنم...

شۆفىر ل سەر مىلى خوه زقرى، گۆت:

__ ما تو ژ دھۆكى تىر نەبووى؟

من بەرى خوه داىى وهك ھۆزانقانان گۆت:

__ ما مروف ژ ژيانى تىر دبت، دھۆك ژيانە...

ل سەرى دوورپانا بۆ بەرۆشكى و دزقرتە نافەندا باژىرى، ل ھىقيا بريارا من
راوہستيا.

ھىشتا ئەز تىر نەبوويمە، من گۆت:

__ بزقرە قى رەخى...

چاقىن شۆفىرى ل دەستى من بوون.

__ ھوسا ھەرە... ل فىرى بزقرە...

ئەقە شمكزەرايە... ئەقە جھى ئامادەيا برايەتى بوو ھىلىنا شۆرەشگىران...

تژی دیمی وی کەنی بوو، گۆت:

— بەری نهۆ ئەم ل فیڤی بوون...

من ژى خوه شارەزا کر و گۆت:

— ئەها فی کۆلانی، بسەر بکە قە... هەرە خواری... بو لایى چەپى... یى

راستی... ژبیرنه که هەرە فی تاخی تاخی خەستی... قەسرا که مبه لان... تاخی
جوهیان...

دهۆک جهی ژیانى و پیکه ژیانى بوو...

هندهک جه دو سیجاری مه تیکه دان، من ههست کر بیهنا وی تهنگ بوو، من
گۆت:

— هەرە نیقا بازارى...

ل بازارى دۆلارى هندهک یورۆ کرنه دینار، ل بهرانبهرى ئاقاهییى سینه ماییى من
گۆت:

— ئەها ل فیڤی راوهسته، دى هندهک پیتفیا ژ فی بازارى کرم و پاشى دى ژ
دهۆکى دەرکه فین.

ل وی بازارى مه دگۆتى کۆلانا ئاسنگه ران چۆم د دکانه کى قه سلاف کر.
زه لامه کى سه ره به رسف دا و گۆت:

— سلاف... که رهم بکه؟

من چاقین خوه ل دکانى گیران.

— مام دى هندهک پیتفیان کرم...

دکان تژی ئەو پیتفینه یین ئەز لی دگه رم، من گۆت:

— من داسهک و بقرهک و چه قویهک و چەند میتره کین نایلونی و هندهک بهندک و

تیلە و دۆلکه کى مهزن و ئیکى بچویک بو ئاقى دقین.

دەقى خۇدانى دىكانى بەش بوو، بەزى وان كون و قولچا ئەو داخووزىيىن من
كرين دانانە بەر دەرگەھى دىكانى.

من ھزرا خوە كر كا چ پىتقىيىن دى من دقىن.

ئەقە داس و بقر و چەقۇ و نايلون و بەندك و تىلە و دۆلكەكى مەزن و ئىكى

بچويك بۇ ئاقى و... چ دى؟

من چاقىن خوە ل دىكانى گىران، دىكاندارى گۆت:

— تە چ دى دقىت؟

من گۆت:

— تە شەمالك ھەنە؟

گۆت:

— نەخىر ل دىكانا بەرانبەرى مە يىن ھەين.

ژوى ويقە من ھندەك شەمالك و شخاتە كرىن.

ھندەك دىكانا ويقەتر، من ناننى ھشك و پىسكىت ژى كرىن...

ھەر تىشتى ئەز دىكرم تىنى بۇ سى ھەيف كىم دوو رۇژانە.

نۆت شەمالك بۇ نۆت شەقان. تى را وان شخاتە و مەكىنىن ئاگرى...

بۇ نۆت رۇژ و نۆت شەقان ناننى ھشك. تىنى من نان و ئاف دقىت، ئەز وسەرو

رېھتراشىن ژىك خلاس.

ناننى ھشك و رەق...

ئەى نان...

تو چەند بۇ مروقان يا بوويە بارەك گران

ھندەك ژ بۆتە دىفروشن دىن و وژدان

ھندەك د بەرتەدا ژ دەست ددى نامووس و جان

هندهڪ ڙي ل سهر ميڙين شووشه و مهرمهري
 تلين خواهه پاقتر دڪن ڙ رووني گوشتي بهرخان ...
 تهقه نان ڙي من ڪري ...
 مخابن، ل شوينا ناني سيلچ يي دايڪين مه نهو نان ڙ ئيراني دئيت.
 نهى ههوار، ما هم چ ڪاران ب دهستين خواهه ناڪن...؟
 ڪا بهرهمي مه...؟
 نان ڙي نه يي مهيه...
 تهقه دي چهوا ولاته ڪي ئاڦا ڪن...؟
 من چو ڙبير نه ڪر...؟
 جلك شووشتن نينه، بو وان سي ههيقا من جلك يين دگهل خواهه ئينانين.
 سهرشووشتن دي ل سهر رهوشا من مينت.
 بلا... دي هندهڪ شامپو و سابووني دگهل خواهه بم.
 ئها باش بوو بيرا من هات...
 دا مهسينه ڪي بڪرم وقي تراري ڙي بو ئاڦ فهخوارني.
 نهلمتريڪ يا گرنگه بو فان جهان، بو سي ههيقا پاتريا ڙي دي بم.
 نهري نهلمتريڪ دي بته چهڪي من...
 نهو پلاستهر و لفافين من دگهل خواهه ئينان تيرا سي ههيقان ههنه.
 نهز يي ڪاري زاقايه ڪي دڪم نه يي مرييه ڪي...
 نهز ڙي دي فان پيتشيا دگهل خواهه بم ڪا دي چهند ڙيم.
 تڙي دهستين من و يين شوڦيري تشت بوون، شوڦير گهلهڪ يي بلهز بوو ههر
 چهندهڪي دگوت:
 _ خلاس...؟ بچين؟

ئەز باش دزانم جارەكادى نەشىم بازارى بكم، ئەقە دى بته داوى جار دھۆكى و دھۆكيان ببينم.

من مرن و ئيشانا لەشى خوه ژبیر کر، تشتين خوه كرنه د سندوقا ترؤمبيلی دا و گۆت:

— تو ميئانې منى، دا خوارنه كې ژى بخون بهرى بچين، تو چ ديئىژى؟
گۆت:

— باوهر بكه ئەز ژ سوحبەتا ته تير نابم و مرادا منه بزائم كا ته چ ل بهره؟
من گۆت:

— دى... مه ببه خوارنگههه كا خوش..

من ددلى خوه دا گۆت:

— ئەقە دى بته داوى خوارن ئەز ل خوارنگههين دھۆكى دخوم.

چەند پينگاقە كا ژ ترؤمبيلی ويئە خوارنگههه كې قەبې مه دخواست.

ئەقە من ههست بقى ئيشى كرى ئەز و خوارن يين بووينه دوژمن.

بهرى ئەم داخوازا خوارنه كې بكن، تژى سەر ميئى رهنگين شوربه و زهلاته و نان كرن.

تژى ديئى من خوشى ببوو، من گۆت:

— دى چ خويى؟

من ئەف پرسه كر دا ئەز ژى وهكو وى داخواز بكم، دبت ئەو ژ من شارەزاتر بت.

ديئى وى رهنگى شهرمى گرت، ئيكسه ر من گۆت:

— دا بوته بيژم تو براىى منى، شهرم نه كه...

گۆت:.

__ ئەز گەلەك ھەز ژ گوشتی دكم...__

شەرم ژخوھ كر، كەتە دھززا دا.

من زانی یی ھززا تشتەکی دکت، من گوٹ:

__ خیرە... تو ھززا چ دکی؟

گوٹ:

__ بلا ئەز گوشتی بەرخا بخۆم و زارۆیین من...__

من قیا بابەتی ب گوھۆرم دا ھەست بشەرمی نەکت، گوٹ:

__ تە چەند زارۆ ھەنە؟

دیمی وی تژی خوشتی بو، گوٹ:

__ دوو...__

من گوٹ:

__ من ژی دوو یین ھەین.

خوارن دانا بەر مە، چافین وی زیق مانە ل ھەستی گوشتی ل سەر برنجی.

بیی ئەز بەری خوھ بدمە دیمی وی من گوٹ:

__ دی سوزەکی دیە من...؟

ھیشتا دەست نەدایە کاکچکی خوارنی ل من زقپی، گوٹ:

__ سوزا چ برا...؟

من گوٹ:

__ قی ئیقاری بو زارۆیین خوھ دی خوارنەکا وەکو ئەوا ل بەر خوھ کری.

ئھا ھوسا، تژی سەر برنجی گوشت کی...__

تژی چاڤا شەرم بوون، گوٹ:

__ ببۆرە برا من پیچینابت.

من گوٹ:

— پېچیبوون ژمن و یا دی خه ما ته...
دهستی خوه دانا سهر دهستی من و گوت:
— خودی یین وهکو ته ههر ساخلم و سهر فراهاز بکت.
په یفا ساخلم دلی من ژ خوارنی رهش کر.
ههول ددا هندهك ژ خوارنا خوه بکته دناف نانه کی دا و دگهل خوه ببت. من
گوتی.

— تو دی وی کی یا من گوتی، دی هلو دا بچین.
بهری ئەم سواربن گوت:
— کیشه برا...

من گوتی سواربه دی بیژمه ته.
من دهستی خوه دريژ کر بو رهخی پرا تاخی فه لا.
— بو فی لایی ههره...

شوينوارین سهر شويا دهوکی یا کهفن و دیوارین قه سرا که مبه لان دیارد کرن. یانه یا
نوهه درا که ته دهستی مه بی چه پی.

چه مین دهوکیان رهوشه کا جوان دایه دهوکی. هندهك ئافاهییین بلند وهك دهقا ل
روویین دهوکی ددیارن لی نهشیاینه جوانییی ژی بدزن.
دیشان من دهستی خوه بو لایی راستی دريژ کر.
— بو فی لایی...

مالین فه لایان ههردهم ژ یین مه جوانتر و لیکدایتر بوون. ئەقه دیرا فه له یانه.
دناقههرا ئامادهیا کاوه وقه سرا دیوالی بو دهستی چه پی بسهر که تن، جاره کا دی
من سلاقهك کره خانی...

— لهو پیکقه هه میشه بی تفاقن

دايم ب تەمەرودو شىقاقن...

شۆڧىر شەپزە بوو، جاددە يىن ھاتىنە گوھۆرىن، رى لىبەر من بەرزە کرن،

نەچار بووم بىژم.

__ بۇ كىڭلا ھەرە.

ئىكسەر گۆت:

__ دى ۋەبىژە برا دا بزەنم.

ئىكسەر بسەر كەت، بىرا من ل شاخكى ئىنا..

__ ببۆرە دى شىي بۇ شاخكى چى...؟

بسەر كەت ھەتا شىنوارى گۆرستانى خويە بووى.

ئەل قى گۆرستانى كەلەخىن ھزارەھا شۆرەشگىر و زىندانىان بىي نقىژو كفن يىن
بن ئاخكرين.

گۆرستان دى دھۆكى داعويرت. بىي ئەز مایى خوە تىبكم، زقپرى تاخى تانكا

بۇ بازنا ھەسپا، جادەيەكا بەرفرەھ و بەرف مالتايى چۆ.

ئاقاھىيى گرتىخانا زركا، رەنگى چىايى كرىت كرىو.

مالتايى يا بوويە باژىر... ۋاھە ماسىكىيە... ئەفە بىركىيە...

كىڭلا بىست و ئىك مال بوون.

مالا سەبرىي جانى ل بنى گوندى بوو. مالا جانى يا خەسىا وى ل سەرى

گوندى بوو.

ئەفە فان مروقان خىرە؟ سەرىپەشكىن كىڭلا گەھشتە دھۆكى.

دگۆتنە قى نەھالى، نەھالا گورگا، تثرى ئاقاھىيىن جوانە.

دھۆك چەند يا دویر بوو، نھو كىڭلا يا بوويە تاخەكى دھۆكى...

شوڤیڤری دڤیا بهرف کینڤلا بڤت، تلا من بهری ترؤمبیللی دا گهلییی زرکا. ل
 دهری گهلی، وهک مروڤین کتیه دهستین کوژهکان دا، ههر چهندهکی بهری چاقین
 خوهین تری پرس و گویمان ددانه چاقین من بین تری خوشی.
 مالتا و ماسیک و بیرکی و زرکا دگهل کینڤلا بین بوویه ئیک.
 مالین کینڤلیان ههتا دهری گهلی بین چوین. نهچار بووم ژ مالان دویر بیژم.
 _ ئها لڤیری برا، دی پهیا بم.
 بهری خوه دا جهی، رهنگی وی یی حیبهتی، گوت:
 _ دی لکیفه پهیا بی برا؟
 من گوت:
 _ دی چمه قان مالا هه ماتو بزڤره.
 بهری خوه دا جهی چ مال ل نیژیک نه دیتن، وهک وه فادارییهک گوت:
 _ دی ته دانمه بهر دهری وی مالا تو دچی...
 من زانی ههکه درهوهکی نه کم نه شیم رازی بکم، من گوت:
 _ ببوره دی چمه سهر گوری بابی خوه و پاشی دی چمه مالا برایی خوه.
 بهری خوه دا جهی دڤیا بیژت چو گوڤرستان ل قارا نینن، من لهز کر دهست دا
 بهرویکا خوه و گوت:
 _ ئهفه دوو سهد یورو بوو شیفا زارویان و ئهفه سهد ژی بوو ماندیبوون و
 بیهنفرههیا ته.
 دهف لی بهش و گوت:
 _ برا، ههقی من نابته چارئیکا فی پارهی و یا دی...
 من نه هیلا گوتنین خوه بداوی بینت، من گوت:
 _ دی زوی ههره دناف زارویین خوه دا.

دیمے وی یے تری پرس و گوّمان، نه چار بوو بیژت۔
_ تهّه ژمارا تهّله فوّنا من، هه ر دهمی تو پیتھی بهاریکارییی بوی...
من نه قیا خوه پتر مژویل بکم، نه کوئیکی نیاس من ل قارا ببینت دی پلانا من
ژبن چت۔
ژماره ل سه ر تهّله فوّنا خوه توّمار کر و دهست دا تشتین خوه و بهرهف گهلیی زرکا
دا ری۔
لاّهو سپاسیا وی بدویف منقه بوونه ئاوازیّن سترانه کا خه مگین۔
چهند پینگاقه کا ل پشت خوه زفریم هیشتا بهری وی یے ل من، ژدل دقیا نه ز
داخوازا هاریکارییی ژئ بکم۔

جھک بۇ مرنەكا رەنگدار

دیندار و مەزن دبیژن، نە کەس رزقی خوە دببنت نە مرنا خوە.
ئەز ئەو کەسی قەبی مرنی دخوازم، یی ب پیین خوە قەستا گۆری خوە دکم.
نزا من دلێ شیراهیه یان تنی ئەو ئیکانه هەلبژاردیه ل بەر من...؟
یی بەرەف جھی مرنا خوە لەزی دکم، چەند پینگاقه کی بەرەف دەری گەلی
دەافیژم، نیژیکی گۆری خوە دبم، ئەو گۆری من بۆ لەشی خوە یی تژی ئیش
هەلبژارتی. نیژیکی وی نوسکی، وی شکەفتی دبم یا دی بته گۆری من.
پشتی بەژنا من ل پیش چاقین شو فیژی بچویک بووی، نە چار بوو ل ترۆمیلا خوە
سوار ببت.

باری من یی گرانه، دەردی من گرانتەر، نە چارم بەردەوام ببم بەری ل من ببتە
تاری.

ئەز ری باش دزانم، ل بچویکاتییا خوە حەفتییی جارەکی دوو جار ئەم دەاتنە فی
ری.

ئاڤا گوندی مە یا تال بوو، ب کیری جل شوشتن و چایی نە دەهات.
گوندی نە چار دبوون دو بەرمیل ل پشتا کەرەکی دکرن دەنارتنە ئاڤا شرین یا
کانییا زرکا.

ئەری، ئەها ئەقە دەری گەلی یە، ری یا خۆش کرین، ترۆمیلا ژی دچنی.
بەری تنی رییا دەوار و بیان بوو.

ئەها ئەقە... هیشتا یا ل بیرا من، هەست بشوین پین خوە و هەقالین خوە دکم.

گه لهك باشه، دهستیكا بهارییه، سه قا یی خوْشه، گیا و شینکاتی تژی هه موو
جهایه...

ل دهری گه لی ل سهر که فره کی روونشتم، ئەو بتلی ئاڤا من دگه ل خوه ئینای دا
سهر دهڤی خوه.

باشبوو من ئەف بتله دگه ل خوه ئینا، ل گه رینا دی مفای ژی بینم.
ئەڤه دهری گه لییه، ل دهستی چه پی ته حتکین کونسورانه، ته حته کی بلند سه ری
وی هنده ک کون یین هه یین، ده می ئەم زارو هه ر ئیک ژ مه سی بهر د هاقیتنه وان
کونان، هه ر که سی هه ر سی بهرین وی که تبه انه د کونان دا ئەو بهه شتی بوو.
خوزی من شیان هه بان سی بهران بهاقیژمه فان کونان...

مسته فایی پیشمه رگه چیرۆکا خوه ل فی جهی فه دگیرا و دگۆت:
__ ئەز دهاتمه بیهنقه دانی ل گوندی، ل ره بیه یا دوژمنی یا ل بهرانبه ری ده ری
گه لی دوو زیره فان دهشیار بوون.

به ری بگه همه چه پا ته حتکین کونسورا، مروڤه کی جلره ش که ته بهرانبه ری من.
دوو پینگاکان زڤریم و من گۆت:

__ تو کی...؟

جلره ش ژی زڤری و گۆت:

__ تو کی...؟

من به ری کلاشینکوفی دایی و گۆت:

__ نه لقه ...

وی ژی به ری کلاشینکوفی دا من و گۆت.

__ نه لقه ...

پاشدا زڤریم...

ئەو ژی زڤری.

ژبەر نيزيکيا وی ژ من و ئەو کەقري بەرانبەری من و وان زيڤهقانيڻ د رەبيی دا،
من نەشیا چەکی بکار بينم.

من دەست دا خەنجەري و هيرش کره جلهشي...

سيبەرا من بتەحتی قە بلند بوو...

تژی ديواني کەنی دبوو...

تەحتکين کونسورا. ئەقە چ ناقە؟ کي ئەف ناقە ل سەر کرييه؟ چ مللەت ل قی
دەقەري دژيان؟

چەند پينگاقە کا شينوارين قبي ديارکرن، هندهک گونديان دگوتی مناسب.

گورستانە کا ليکدای، کەس نزانت کا گورين کي و بين کيژ سەردەمينە.

واستيان و ئەو باري گرانی ل سەر ملين من نابنە ريگر بو هزر و چاقين من.

وہکو گونديان، من ژي فاتيحەک ل سەر گيانی مريين گورستانی خواند.

ئها واهە شکە فتا جانييه، ئەو شکە فتا هەر دەمی دەنگ ژ چەکی دەهات خەلکي
گوندی خوە تيدا دقەشارت.

لقيري دبتە دوورپان، ريبا دەستی راستی دچتە شکە فت هەنارکي و ئاقا هەقير و
ريباً دەستی چەپی دچتە زرکا.

ئەقە گەليی نوسکايه، تژی نوسکن، گونديان دگوتنی نوسکين بوش.

ئها ئەقە ئەز گەهشتم سەر کانبيی، دي بيہنا خوە قەدم، پاشی بو ئەف شەقە ل
جەهەکی گەرم.

ئەقە کانبييه، ئاقا وي یا کيم بووی، تژی دؤرا گیا و قەرەمە.

چانتە و کيسخەو هاقيتنە ئەردی، چاقين خوە ل جەهي گيران. جە گەلەک يی

هاتييه گوهورين، چ تشت وەکو خوە نەماينە.

__ کا ئەو دارا توويی...؟ کا دار هەژير...؟

کا ئەو ھەموو مېوین تری...؟

ل دۆر خوە زقریم، جھ یی بیانییە، ھەرودەکو ئەقە نە ئەو جھیی من بچویکاتییا خوە لی بۆراندی.

تنی شوینوارین کانییی یین ماین ھندەك ئاڤا ژناڤ وی دەحلی د زیت. من دەستین خوە ھلدان، گیا و قەرەم ژ پېشیا ئاڤی ھلکیشا رییا ئاڤی خۆش بوو، تژی جھیی دەنگی ئاڤی بوو. ئاڤ ژیانە، دەنگی ئاڤی چەند یی خۆشە. ئەقە ئاڤ ژی بۆ ژیانئ پەیدا بوو...

ژیانا چ ؟ دی ھەر مری چ ژ تیھنا و چ ژ برسا یان ژ ئازارین ئیشا پیس. تیرا من ئاڤ یا د زیت ھەتا ئاڤ زەلال بت، دا بچم ل کونەکی بگەریم ھیشتا نەبوویە تاری ھەکە گورگ دی من ل قارا خۆن. نائوسکەك ل فی رەخی بوو، ئەری... ئھا ل فی گەلی، گوندیا دگوتی نائوسکا بتنی...

دناڤا گەلی دا چۆمە خوار، چاڤین من ب نائوسکی کەتن. ئەڤ شەقە دی ل فیڤی بۆرینم ھەتا سوبە نائوسکەکا خۆشتر و بەرفرەھتر بیینم. دەست دا داسی ھندەك چەقین کیرات و چلی برین، گیسکەك ژی دروست کر. ب وان چەقین کیراتی و چلی بنی نائوسکی ژ تۆز و کلیشی مالی، تژی بنی نائوسکی چەقین دارا و چلی کرن. کیسخەو قەکر و ھاڤیتە سەر وی چلی و چەقین داران، ئەو پیتقیین من کرین ل قۆلاچەکی کۆمکرن.

دەست دا بڤری و داسی ھندەك دار برین، دەرگەھەك وەك چەپەری بۆ دەری نائوسکی چیکر دا چ گیانەوەر نە ئینە ژۆر. دەری نائوسکی یی بچویک و چارگۆشەییە، تایین دارا ب تیللی و بەندکی پیکقە گریدان، دەرگەھەك بۆ نائوسکی درووست کر دا من ژ دەھبا پیاریژت.

دهست دا دولكه كى و ترارى و چۆمه سهر كانىيى دا تىرا ئەف شهفه ئاڤا
ڤه خوارنى بينم.

ئەز ئەڤرۆ چ كارىن دى ناكم، ئەز يى واستيايمه، دى هندەك ئاڤى ئىنم و بېھنا
خوه ڤەدم.

بلا لىگه ريان و بېرهاتن بۆ سوبه بن، ئەز گەلەك يى ژ ڤى جھى خەرىب بوويم.
ئەڤه كانىيا زرکايه، مخابن گەلەك يا بېسەروبەر و بى خودانه، تىرى گيا و كەڤزه.
سوبه دى كانىيى باش پاڤتر كم. ئەها ئاڤا ڤى رهخى يا پاڤتره.

نەنە... دى بېھنا خوه ڤەدم و ئىڤارى ل جھى بېرهاتنن خوه يىن خوش
گه ريانە كى كم.

ئەز خوه ناگرم، پا هەكە ئەڤ شهفه ئەز نڤستم و هشىار نەبووم...!

ئاڤ بۆ ئەڤ شهڤه... ئەها بلا ل ڤىرى بت، ل بن سەرى من.

ئاڤ و ئەله متريك دڤەرن، ل نىزيكى من بن باشتره.

ئەڤه من خىره؟ هېشتا ئەز يى ل سەر خوه و بېچاره نەبوويمه...؟

دا ئىكەم شه مالك ڤى ئىڤارى هەلكم. بەرى من كەتە دەرى ناوسكى هېشتا
گەلەك زويه، ئەها بلا لڤىرى ئاماده بت.

ئەڤ تەڤچكە يىن بۆ ڤى شه مالكى دروست كرىن.

چەڤەركى من بۆ دەرى ناوسكى دروست كرى ئىڤسته دەرگه هى.

__ دبت زوى هشىار نەبم ئەها هوسا ئىمنتره، ئەز باوهر ناكم چو گيانەوهر بشين بىنه
ژۆر.

دا جلكين خوه بگوهورم و يىن سپورتى، تەرەكسود بكمه بەرخوه.

ئەڤه ئەز و جزدانك و پاره و تەله فۆن ژىك خلاس، ئەها بلا ل ڤى قولاچى بن و

هەر كەسى كەلەخى من ديت بلا بۆ وى بن.

ئەو تېھنا دتەلە فۆنى بلا بۆ تەنگاڧىيان بت.
 تەنگاڧىيىن چ؟ ئەز داخاۋىيىڭ ژ كەسى ناكەم، ئەھا دى دڧى ناوسكى ڧە مرم.
 سەرى خوە دانا سەر زەندكا خوە و كارى خەوى كر.
 ھزر ناھيلن ئەز بنڧم.
 ئەڧە ئەز گەھشتم جھى من ڧىاي و پاشى...؟
 من بۆچى ئەڧ كارە كر؟
 دى چ روى دت؟
 خىزان و زارۆ بۆ كى ھىلان...؟
 ھەر مرن بوو، بلا ۋەكو ھەر نەخۆشەكى ل سەر جھى خوە مرم.
 ئەز ل باشتىن خەستە و كلينىكىن جىھانى بووم. باشتىن دكتور، باشتىن دەرمان
 چارەسەرىيا من دكرن...
 ئەڧە من چ كر؟
 ھزر ھار بوون، جھ بوو دۆزەخ.
 دا رابم گەريانەكى ل ڧارا بكم بەرى ل من بىتە شەڧ.
 سوبە بەرى ھەر تىشى دى جھى نڧستنا خوە خوەش كم.
 ھندەك پويش و گىاي دانمە بن كىسخەوى خوە. پەراسوويىن من يىن شەرى
 دگەل ڧى دۆشكى حولى كن..
 تە چەۋا ھوسا نكراندىە ئەى مروف...
 ئەز چ دىڧىژم...؟ من چ لىبەرە...؟
 من دگوت دى زڧرم، نھو يى ھزرا چ دكم؟
 دى ... ھەتا سوبە...
 ئەز يى ژخوە دەرڧم، من نەڧىت ئەو كارەساتا من ئىنايە سەرى خوە ل بىرا خوە
 بىينم.

رهف دى بته دهرمانى دهردى من، پشتى چند روژه كين دى دى كارتىكرنا
قورچا كيمياوى سست بت و دى كه قمه له پين خواه.

دى چ كم؟ كيهه چم؟ سى ههيف نه دكىمن؟ دى چهوا سى ههيفا د فى
ئيشكىشى دا ژيم؟

ئهفه من چ كر...؟ من چ ل بهره...؟

من دهمى درهوا نه مايه.

دقان چند روژين ماى ژ ريبى خواه من دقيت بى راستگو بم...

راستيا چ و دگهل كى...؟

دگهل خواه.

كس ژ ته فهرتر نينه تو راستيا دل و هزرين خواه بو بيژى..

پشتى چ...؟

چند روژه كين ماين گورگ دى هستييين من دقى نواسكى فه ئاليسن

بلا... وژدانا ته دى ئارام نقت.

وژدان...؟

دهمى من گوھ ل پهيفا وژدان دبت كه نيا من ل جهى گريى دئيت...

وژدان...؟

دى... دا ئه ز ژى ب هندهك درهوين دى وژدانا خواه ئارام بكم.

چ بيژم؟

دى ب چ دره وژدانا من ئارام بت...؟

ته دلچ كى هيلايه...؟

ته مافى كى خواريه...؟

ته زورى ل كى كريبه...؟

قەرىن كى ل سەر تە ھەنە...؟

ھىدى ھىدى...

ھەكە ۋەسا بت من سى سال دقین دا وژدانا خوە ئارام بكم...

بۇچى...؟

دیارە تە گەلەك تاوان كرىنە...؟

تنى من تاوان د دەرھەقى خوە دا كرىنە.

ھەردەم من خوە گۆرى بى بەرانبەر كرىيە.

ھەردەم من بەرژھورندىيا خوە بنپى كرىيە تنى دا دلین ھندەك كەسپن نەھەژى نەمىنت.

ھەردەم من خوە ژبىر كرىيە دا ھندەكپن دى بژىن..

ئاھا، ھاتنا من بۇ قى جھى و قى ناوسكى تنى دا رۆندك ژ چاقپن ھندەك كەسان نە بارن.

تنى ئەز دوژمنى خوەمە.

دوژمنى گىانى خوەمە.

ئەز دى خوە دادگەھ كم...

بى دادوهر و بى دىدەھقان...

برىار...

ھەكە ئەز جارەكادى ژيام، ئەو شاشىيپن من كرىن دى ل بەر چاف ۋەرگرم..

دى، مانى زقرىن ھەر نەما دا بۇ پاشەرپۆژى كار بكم.

ئەو دارى ۋەكو سنگى، من چەپەرك پى شداندى، بىرا من ل كوسكا كارا ئىنا.

دەمى بابى من دار د ۋەربادا دا كنى چەپەركى ب دەرى کوتانى قە بشدىنت.

ژ دەرڤە من چەپەرك ئىخستە دەرى ناوسكى و ھندەك بەر پالدانە بەر دا چ

گىانەوهر نە چنە ژۆر.

ئەز چو مېڤانا نا حەوينم، من جھى مېڤانا نينە...
 ئەف ناوسكە دى يا باش بت، نەيا بلند و ئاسيە و يا نيزىكى كانيا ئاڧيە، دبت
 ل پاشەرۆڭى من شيانين گەرپان و جھين ئاسى نەبن، ھەما يا باشە...
 ئەرى... يا دوورە ژ رى و ريباران، چ كەس نائيتە فى لايى.
 ويھە گەليى نوسكىن بوشە
 ئەھا ئەفە ژى كانىيە...
 ل بنى ھە گەليى دچتە ئاڧا ھەڧير...
 دى فى گەلى سەروبىن كىم، جارى دا بېھنقەدانە كى بدم...
 ئەو بتلى ئاڧى يى من ژ دھۆكى دگەل خوە ئيناي تژى ئاڧ كرى. دارەك وەك
 گۆپالى دا دەستى خوە ژۆردا ھاتمە خواری...
 _ ئەفە شوينوارين قەسرینە...
 كەس نزانى يا كى يە و كەنگى ھاتىيە درووستكرن و چەوا ھاتىيە ژناقبرن.
 بانىيا ھە، زەڧيا باھيڧين فەلەيىن قەشە فرى بوو.
 چەند ئەم دەھاننە ئاڧا شرىن مە تېرا خوە باھيڧتەرك ژى ددزىن...
 ئەھا ل پشت فى چىايى قەشە فرىيە.
 ئەفەيە كانيا زركا....؟
 چەند يا بېخۆدانە.
 كىتەيە كى دارى ژ بو پاڧرنا كانىيى ئينا و ئەو كەڧز و قەرەم و گيا و پيش
 ھلكيشا و بەريا ئاڧى خوش كرى.
 دەمە كى درىژە كەسى ماتى ژى نەكريبە، گيا و دەحل ودرى رى ل ئاڧى
 گرتبوو.
 ھندى من شيان ھەبن دى ماتى ژتە كىم، من گەلەك بىرھاتن ل فى جھى ھەنە.

ری بۆ ئاقی قه‌بوو، ئاف هه‌رکی و چۆ خواری. بلا ئاف ژبه‌ر بچت دا هه‌ر یا زه‌لال و پاقر بت.

ل سه‌ر ملی خوه زقریم.

ئه‌فه شینوارین داره‌ژیرینه، هه‌ژاره‌کی یا بری دا هنده‌ک هه‌ژاران پی ژ سه‌رما زفستانی پاریژت.

ئها ئه‌فه قورمی دارا تویییه، ل فی ئالی چه‌قه‌کی ستویر هه‌بوو.

سمکۆ که‌ری خوه رادکه‌ چارگافی دا به‌ری مه‌ بگه‌هته سه‌ر کانییی.

به‌رمیلین قالا ده‌افیتنه بنی دارا توویی، کنفی وان د هافیتته چه‌قی ستویری تویی و بۆ خه‌جی دکه‌ هیسک...

ئه‌فه جهی روینشتنا ئه‌قینی بوو، ئها ل سه‌ر فی هه‌لانی جلیکن برایی خوه دشوشتن.

ل ره‌خی هه‌ من و هه‌قالین خوه دزی ژ باق و زهند و مه‌مکین وی یین سپی دکرن.

هیشتا ئه‌م ژ راستیی دترسن..

چ نی‌ر که‌یفخووشیی نابن هه‌ که ژ بۆ چاقین مییه‌ کی نه‌بن.

ده‌مئ نی‌ر ل دیلانی ده‌لیزن و سه‌ری خوه دخۆن. نه‌ ژبه‌ر ئاوازین موزیک و رزنایی یه‌.

ئه‌و کارتیکرنا پشکورینا مییه‌ کی یه‌.

می ژ ی هه‌ر دفی بازنی دا دزقرن.. نه‌تنی نی‌ر.

ئه‌م ژبۆ هه‌قدو هاتینه ئافراندن، وه‌ره‌ دا پیکفه‌ بژین، ببه‌ ژیان...

ویه‌ه خیزگه‌فزی که‌وایه‌. ل ره‌خی دی مه‌یدانا مه‌خه‌لی په‌زی بوو.

ئها لاتا هه‌ شوینوارین بۆمبا فرۆکین دوژمنییه‌.

ئەز و داىكا خوه ل قىرى بوون، ل بن قى داراتوويى، داىكا من دگەل بىرقانان
بەرى كىلىكەكى دووا ھاتبوونە سەركانىيى. پەز و شقان ھىشتا ل قى نھالى
بوون.

دو فرۆكە ژدەرى گەلى دەرکەتن، ھند د نزم بوون، من ھزر دکر دى شىم بدەستين
خوه کوريا وان گرم.

دو بۆمب بەردانە نيڤا مە، ئىك نە پەقى و يا دى لاتا ھە ھەمبىز کر.
کا ئەو ميوين تری؟

کا ئەو گوھيشك و توى و ھەلھەلۆك؟

ئەفە شوينوارين كوچكى شقانى گوندينە. ئھال و يراھە رەحمەتى ھەجى محەمەد
تويتن دچاند.

ئەفە شينوارين بيستانى خيار و باجانكىن مامى من باپيرە...

ئەف گەليە تری ژيان بوو. ھىشتا تری ناف قان تراشان تليليين كەنيا
ئەفيننە.

ئەفين رەوشا گوندى بوو، كچەك جوان و شرين، شەيى من ژ من وەرگرت بسكىن
خوه پى شەدكرن.

من ھەست ب چ نەدكر، لى من دزانى ئەفين تری ژيان و قيانە.

سەدىقى بەقال ژ دھۆكى دەھات، ئەم د بەزىن پيشيا وى. ھەقسارى كەرى خوه
دكىشا، دگوت:

سابوون ب ھىك... شەكر ب ھىك... پقدانك ب ھىك... لاستيك ب ھىك. ھەرتشت
ب ھىك.

كەسى پارە نەبوون. ھىك و مريشك ددانە بدەزى و سابوون و شەكر و شخات و
پيتفيين مالى.

كەرىۋى دو سندوقىن دارى يىن مەزن يىن تىرى تىش ل سەر پىشتى بوون.
مە ھىك ژ كۆلكىن مريشكىن مالىن خوه ددزىن و پقدانك و لاسىك پى دكرين.
چەند روژان تىرى دەستين مە پقدانك دبوون.

نازى و غەزالا كچا موختارى بقدانك تىرى ئاف دكرن و د حەشانده پاخلىن
خوهدا دا وەكو مەمكىن كچين گەھى ديار بين.

پىشتى من ھەموو پقدانكىن خوه پەقاندین، كره گرى و داخوازا پقدانكا دكر.
دايكا من گۆت:

__ لاوى من بەقال چۆ، بو تە پقدانكا ژ كيشە بينم؟
من گۆت:

__ ئەقىنى دو پقدانك يىن ھەين، بلا ئىكى بدتە من.
دايكا من گۆت:

__ ئەقىن...؟

ئەقىن ھات.

__ ئەقىن لاوى من داخوازا پقدانكە كا تە دكت.
ئەقى گۆت:

__ باوهر بكه من چ پقدانك نينن.

من تلا خوه يا بچويك دريژ كره سينگى وى يى لقلقوك و گۆت:

__ ئەھا ئەقە دوونە.

دەستى من دگرت و ئەز دبرمە دگوقا چىلانقە، دەستى من يى بچويك دحەشانده
دناف مەمكىن خودا و دگۆت بو خوه ھەردووا ببە.

ئھا ژ وى روژى ئەز يى بوومە ئەقىندارى پقدانكان...

دى دى... ئەقە رى بو ئاقى خوش بوو، چووچك و گيانەوهر ژى دى مفای
ژى بينن.

بیرا من ل گۆتین مامی من هاتن، بهری مرنی ب چەند روژەکا دگۆت:
_ ئەز وتو دى چنە زركا ل بهر ئاڤا كانیى بیستانه كى مهزن كن و دى مریشك
و پهز و چىلا خودان كن.

و دى بو ته كه رهكى كرم دا تو به رهه مى مه بىیه بازارى ل دهوكى...
ژبیركربوو ژىى وى یى ژهندى بۆرى، ژبیر كربوو دهقه ریا بوویه جهی شهر و
كوشتنى...

دهنگى ئاڤى ژوردا چۆ خواری، ئەفه دهمه كى دریژه قى ئاخى ئاڤ
نهفه خوارییه.

دا هندەك ئاڤا تهزى بو ئەف شهفه بىم نوكه یادی گهرم بوویه.
ئەفه كانى بسهروبه ر بوو، ههتا سوّبه ئاڤ دى زهلال بت. نوسكا من یا
كونجاییه، هه ما دى ل قىرى بم، یا نىزىكى كانییه ویا فهدهره و نه ل سه ر چ
رییانه.

سوّبه دى چمه سهردانا گهلییى نوسكىن بۆش. ههردهمى بیهنا شهرى دهات،
مالین مه درهڤینه گهلییى هه، تثرى وى گهلى نوسك بوون، گوندىا دگۆتنى
گهلییى نوسكىن بۆش. ل تهنگاڤییان گوندىان زاروویین خوه درهڤاندنه دڤان
نوسكان فه.

هه ر گوندىه كى نوسكىن خوه هه بوون، سوّبه دى چمه تهوفا وان شینواران.
ئەز واستیام، بهرى تارى ببت دا چه پهركى دهرى نوسكى باشتر بكم و نایلوونى
ژى ئیخمى دا چ ئادى و دووڤشك و كىز نه ئینه ژور.
چه پهرك وه كو یى کوتانا بهرخكایه، چارگۆشهیه، ب تیله و كنفكى باش پیکفه
گریدان، ژناڤدا كنفك ب داره كى فه گریدا و دار وهربادا ههتا بهدى نوسكى فه
هاتییه شدانن...

ناوسكى سى دۆشك يىن تېقە، جەي سى مروڧايە، ل ھنداڧ ھەر دۆشكەكى
ديوار يى كۆلايە جەي پىتقىيىن تايبەتە وەك رفاتك.

ل رفاتكا بەرانبەرى جەي نقتىنا من ئەقە شەمالكا ئىكى من ھەلكر.

__ بسم الله...

رۆناھيا وى كەلەخى من ب ديوارى ناوسكى قە كرە دەھبە.

بلا ئەلەمترىك و داس و ئەف دارە ل بەر دەستىن من بن، ژبەر ھەر تەنگاڧى و

بەرقانىيەكى. دقېت من ئاگەھ ژ ئادى و دەھبە و گيانەوهرىن كىقى ھەبت.

باوشكىن خەوى دەقى من بەش كرن، تەختى من يى نقتىنى ژ باشتىن جوړىن

تەختان بوو. نقتىن من ژ ماركىن بناڧودەنگ بوون.

نھو دكىسخەوہكى دا و دناوسكە كا تارىقە يى كارى خوە دكم، خەو دى چەوا

ئىت؟

چاڧىن من يىن ل چەپەركى دەرى ناوسكى، ھاھا مىڧانەك دى ئىت و دى دفنا

خوە ب دەرى ناوسكا من قەنت.

خەو زال بوو، لەشى لاواز خاڧ بوو، ناوسك تارى بوو، لقتىن گۆرپا شەمالكى

كەلەخى من ب ديوارىن ناوسكى قە كرنە چە كچەكىلە.

ئەقە دەمەكى درىژرە ئەز تىر نە نقتىمە، خەوى سەرى من ئىخستە سەر زەندكا

من.

من دەست دا چەقو و ئەلەمترىكا خوە و وى كىتەيى ژبو بەرەڧانىكرنى ژخوە.

پىنەك ل چەپەركى دەرى ناوسكى دا، ل ھنداڧ وى لاتا ئاسى دەستىن خوە

ھاڧىتنە سەرى كىتەى وەك پىرھەڧىيىن د چىرۆكىن جادووكرەران دا سوارى كىتەى

بووم.

كىتە، بوو سىمەرخەكا چەنك بەيژ، ئەز بەرەڧ ئەسمانان بلند كرم.

ل ھنداڧ كانىيا زركا كەتە دەورانا، من تلا شەھدى درىژرە كرە دەرى گەلى.

وہک فرۆکین سیخوی، دناقبہرا ہردو لیٹین دہری گہلی دا بلند بوو ہنداڤا کیتلا۔

گوند بیست وئیک مال بوون، نہو ژ زہقییا مه یا ہنداڤا کانیا گوندی ہتا بہری عہزہبا ل پەری دھۆکی یین بووینہ ئاڤاہی۔

بیرکی و زرکا و ماسیک و مالتا یین کرینہ تاخین دھۆکی۔

ل ہنداڤ گۆرستانا کیتلا چہند کیلیکان راوہستیا، واہہ سیجی یہ، گوندی فہلہیان، گوندہک پاقر و لیکدای، خواندگہہ لی بوو، ئەم بییان ژ کیتلا دچوونہ سیجی خواندنی۔

گۆرستان یا ژ گوندی مہزنتر لیہاتی۔ بیرا من ل مرنی ئینا، ترس بوو جلقہک و ئەز ژۆردا د کیتہی دا ہاڤیتمہ خواری۔

بہری سہری من بکیلیا گۆری بابی من بکہفت، بترسہکا شیتانہ ژخہو ہشیار بووم۔ جہی ئەز لی نفستی ترسا من کرہ دہہ بہرانبہر۔
ئەز ل کیتہہ مہ؟

بیرا من ل زیندانین دوزمنی ہات، ب چاقین گرتی و بیہوش، راددانه ہندہک بنداف و کونین تاری۔

ئەو شہمالکا گۆریا وی شہری تاریی دکت، دوو پەلاتینکین بچویک یین ل دۆرا پیکولا دزیا ئاگری دکن۔

ئەڤہ چہوا ہاتینہ ژۆر؟

بیہنا من یا بلہز ژترسا مرنی تری سہر پیستی من خوہہ کر۔

ئەز دی مرم...

پشتی سی ہہیف کیم سی رۆژین دی، ئەز دی مرم۔

نهنه... ههكه ئەز ل وئ نهخوشخانا پيشكهتئ بام دا پشتئ سئ ههئف كيم سئ
روژين دئ مرم.

دقئ نوسكئ قه ئەز نهئيم دوو سئ روژان بئيم.

ترس نهخوشتره ژ مرنئ.

ئهقه ئەز يئ هاتيم دا ب ئارامئ بمرم.

دئ زقرم...

ئهرئ، دئ چمه مالا برايئ خوه.

ههكه ئەز يئ ساخلم ژئ بم ل زقستانئ دقئ نوسكئ قه دئ ژ سهرما مرم.

ئەز يئ هزارا چ دكم...؟

زقستانا چ...؟ سئ ههئف كيم سئ روژ يئن مائن ئەز يئ هزارا زقستانئ دكم.

ما بوچئ ناچم هندهك دارا بو ئاگرئ زقستانئ بينم و كارئ بهارئ و هاقينئ

ژئ بكم...؟

ئەئ مروف...

ههتا تو بنئاخ نهبي ژ ژيانئ بيئوميد نابي.

دئ زقرم، بلا ل پيش چاقين خهلكئ بمرم دا ل خوه بزقرن. ئەز باوهردكم مرنا من

د نوسكئ قه دئ پتر داكئا من ئيشينت.

دئ زقرم... چ ببت بلا ببت.

بلا ل بهر تهنشتا داكئا خوه بمرم، ههر چ نهبت دئ هزار و ئيك دوعا بو من كت.

من ميئان يئن ههين.

دو پهلاتينك يئن هاتينه ئاگرئ.

دهمئ ئەز يئ زارو دگوتن:

ئەف پهلاتينكه زارو بوون، ل زقستانهكا سار و تارئ ژنابئ هنارتنه ئاگرئ.

وان ژئ دوعا ژ خودئ کرن ببنه پهلاتينك دا بفرن و نه زقرنه نك ژنابا بي دل.

خودى دوعا وان بجه ئينا و كرنه پهلالتينك.
خوزى ئەز ژى بىامه پهلالتينك. بلا ئاگرى قى شەمالكى ئەز سۆتبا م وكرىامه
خولى.

من قيا بزنام چ دەمى شەقىيە، من دەمژمىر نينه.
دەست دا ئەلەمترىكى و وى كىتى من بو بەرهقانىكرنى ژ خوه تىژ كرى.
چەپەركى دەرى ناوسكى قەكر، ل هنداف وى لاتا بلند تثرى سىنگى من بايى
هوين بوو.

بەرى ئەلەمترىكى دا دۆرىن خوه، بو خشىنا گىانەوهران ژوردا چۆنە خواری.
ژ ترسا ئادىان بلەز زقرىمە ناوسكا خوه، دەرى وى باش ئاسى كرى.
هیشتا ئەو هەر دو پهلالتينك يىن پىكولى دكن ئاگرى بو ژنابى بىن.
پىكول و بزاف نىشانىن حەزىنە بو ژيانى، ژيان هەژى دژوارترىن هەقرىيە.
ئەز يى بەرهف مرنى درەقم، من چ بەرخوهدان وهەقركى نەكرن.
د دۆرهىلى دا هەر كەس دزانت دى مرت، لى كەس ژ مرنى ناترست هەكە
نەدشيا بژىت.

رهقىن ژ مرنى تشتەك دىيە، ئەو خوهكوشتنە، خوهكوشتنەك تثرى ئىش وئازارە.
مرن بىدەنگى خوشترىن رەنگى مرنىيە.
كەت و مرنى...

ل سەر جهى خوه مرنى...

ل سەر كارى مرنى...

لبەر سىنگى خوشتقىيا خوه مرنى.

مرنى... ب جوانترىن رەنگى مرنى... مرنى...

سى هەيف...؟ ئەقە مرنەكا نۆت جارىيە.

نەنە، ھەر ھەيشەك چەند روژن...

ھەر روژەك چەند دەمژميرن...

ھەردەمژميرەك چەند چركەنە...

ھەر چركەيەك چەند كيليكن...؟

ئەھ ھندە جارى مرنە، ھەر مرنەك ژ يادى ب ئازارتە...

نزا... ئەز بەرەف مرنى ھاتيمە يان ژ مرنى رەقى مە...؟

ھەكە ئيك قى پرسى ژ من بكت بەرسف دى چ بت؟

ئەز ژى بەرسقى نزانم، ئەز ژى نزانم كا ئەز چ دكم.

تنى ئەز باش دزانم مرنا من دى خيزان و ھەقالين من ئيشينت.

ھيشيدكم ئەز ھيشيا ژ مرنى نەخوازم، ئەز ب پين خوە يين لەغەر بەرەف مرنى

نەچم.

ئەى مرن من نەچار نەكە ھيشيان ژتە بكم، وەرە تو ھيشيا ژ من بكە.

وەرە، وى گيانى تە بمننەت داىە من ببە، ئەز ژى تير بووم، من نەفیت، نەفرت

ل تە و وى بارى گرانى تە دانايە سەر ملين من، مننەتا تە ل بەتەنى...

دى وەرە... لەزى بكە.

ئەفە من خيره ھندە لەزى ل مرنى دكم؟

بلا ببتە سپيدە، چاقين من يين زەر تير ديمەين جوان يين گەليى زركا

تۆماربكن.

تژى ھناقين من يين كول ئاڧا كانيا زركا بن، مەژيى من يى ئالوز تژى

ئوكسجينا پاقترا قى خوەزايى بت.

دبت خوينا من يا گەنى پى كار بكت و مرن چەند روژەكا ژ من دوير بکەفت.

راستە دوژمنى من يى ھارە، لى ھەڧرکى و بەرخوهدانا من گەلەك يا لاواز و

ترسنۆكە.

خەو دەرمانى مەنە... .

دەترسەم بەنقەم خەونىن كرىت بىنەم. دكتورا مەن دگوت، ھەندى تو ھەزرا ژيانى دكى

دى خەونىن كرىت بىنى... .

ئەقە چىيە دىسا؟

قى خەوى خىرە سل بووى؟ مەن دقوت بەنقەم و ھىيار نەبەم، نەستەنەك بىتە داوى

نەستەن ھىياربوون بو نەبت.

وھى خودى.... .

ئەقە ئەز ھاتىمە قى ناوسكى مەن ھەست ب چ ئازاران نە كرىيە... .

ناوسك ژ كلينىكىن ئەلمانىا پتر ل مەن ھات.

دا بەنقەم و بلا بتە داوى نەستەن.

سەرى خوە دانا سەر زەندى خوە بىي بى ھىز و گۆشت... .

دى وەرە ئەى خەو... .

دى وەرە ئەى مەن... .

چاقىن مەن ب پەلاتىنكىن پىكۆلى دكەن ئاگرى بو ژنبايى بىن كەتەن.

ئەقە ژى وەك مەروققان د بى مەژىنە.

لېقە نابەن ھەتە دسۆژن.. .

ب پەرىن نازك ئاگر نائىتە دزىن.

ب ئاسن و پىلاى ئاگر دئىتە بىن.

ئەز ژى وەكو ھەو ھەو بىي بخوھقەشارتنى، ژ مەرنى دەرەقەم.

ئەھا ئەوى ئەق ناوسكە درووست كرى ھەكە زانىبا كەسەك وەك مەن بىي جەگەر و

ترسنۆك دى خوە تىقە قەشېرت درووست نە كر، بلا ل دەرى بىا شىقا ھوقان.

ئەى مەروقق،

هشيار به، هيژ و هزرا خوه پيځقه نه ده كارى هه كه دونيا تيرا ته ناکت...

کي و کهنگي و چهوا...؟!

ئهف كه قري رهق و ئاسي هوسا جوان نکراندييه و کرينه جهين ته نابوونا خوه...؟

چ هيژ و شيان و کهرسته ل بهردهست هه بوون.

نه نه، چ ترس بوو هوين نه چارکرين في پيټقيي بينن...؟

راسته پيټقياتي دايکا داهينانييه...

کي کر و کي خوار...

چهند روژان...؟

چهند هه يقان...؟

چهند سالان...؟

ته بو من ئهف كه قره کولايه...؟

ئهي مروف...

ته چهند هيژ هه بوو؟ تو چهندي ژير بووي؟ چهند شيان و مال هه بوون؟

ته هه موو بکار ئينان و ب سهرنه که تي... ته شيا في بهري رهق بکولي لي ته نه

شيا خوه ژ مرنى رزگار بکي.

مرن ب سهرکه ت.

مرن...

ئهي ئهو نهينيا مروف نه گه هشتيني. ئهو دادپهروهريا ئيکانه د مروفايه تيبی

دا ماي.

ئهو پرسا ژ دهستپيکا ژيانى بي بهرسف ماي...

مرن... بلا ههر بميني لوغز، هه که تنى دي بيه بههرا هه ژاران..

ئهز چهند پيټقي ب ته مه ئهي مرن...

دى وەرە ل من ببه ميٲان. ئها دٲى نوسكى ل بهر تەنشتا من ئەف شەفە وەك
كچەك جوان بنقە...

ئەم دى پيٲكقە نقن وەك دوو عاشقان...

بو ھەتا ھەتايى...

بلا ئەز خوە نە بەردمە بەرپيٲن تە. وەرە ببه دەرمانى خەم و ئيش ژانين من.
ئەى مرؤف، تو ژ چ تير نابی، خوزى من زانى با تە ژ بو چ ئە گەر ئەف
كەفرى رەق ھوسا جوان قوقلانديە؟

ديارە تە دزانی ئەزى ھەژار دى ژ مرنى رەقم و خوە د قى نوسكا تارى قە
قەشيرم.

لەوا تە ھوسا بهؤستايى ئەف كەقرە وەك كولندى سەرشوويى ژناقدا جوان
نكرانديە؟

جھين تايبەت بو نقتنى...

جھين تايبەت بو ھەلگرتنا پيٲتقيان...

دەرى نوسكى و بانى وى ب ئەندازيارىيە كا ھؤشمەند ھاتىيە چيكرن.

ديارە ئەندازيارى يا ژ فان مرؤقان ھاتىيە وەرگرتن.

خەوى ھزرىن من شىلى كرن. ھيشتا پەلاتينگ و ئاگر نە گەھشتينه چ
ئەنجامان.

نە پەلاتينكان شيان ئاگرى بدزن و نە ئاگرى پەرىن وان يين نازك سؤتن.

شەرى وان ل ھنداڤ سەرى من درندەتر خويە دكر، ئها ھوسا مرؤف ديئە
خاپاندن.

گوريا ئاگرى شەمالكى پەرىن نازكىن پەلاتينكان ب بان و ديوارين نوسكى قە
دكرنە ئەژدەھا.

ترسی خەو گیرۆ کر، لەشی بی هیژ و واستیای خاف بوو.
 جە و هزر و لۆرینا دەهبان و وی حەلانی رەق و پەراسییین من یین لەغەر
 هەفرکی گەھاندە ئاستی ژناڤبرنا خەوی.
 پیتقییە بنقەم...
 تنی نقتنە دەرمانی دەردی من، نقتنەك هەتا هاتایی.
 باوشکیین خەوی دەقی من بەش کر، چاقین من بچویک کرن.
 چەپەرکی نوسکا من هەژیی، پرمە پرمەکا نەیا نەبەرھۆش هاتە گوھین من.
 بەری ئەز رابم دەری نوسکی بو میقانین خوە قەکم و بخیرھاتنا وان بکم، چەپەرک
 ب کیتەقە ژدەری نوسکی هاتە راکیشان.
 سەرین دو نیاندرتالان ھلدانە ژۆر.
 ژ بەر کەلەخین وان یین گرگرە، نەشیان پیکقە بیئە ژۆر.
 چار چاقین سۆر کەتنە چاقین من یین ھاھا دی ژ سەری من دەرکەفن.
 دەنگەکی ستویر گۆت:
 __ تو د نوسکا مەقە چ دکی؟
 بەری ئەز بەرسقی بدم، دەستەکی تژی موی پستۆکا من گرت و راکیشامە
 دەری نوسکی.
 هیشتا ئەو دەستی بەیژ پستۆکا من بەرنەدابوو، یی دی پیی خوە یی وەکو
 باگۆردانا دانا سەر سینگی من.
 دادگەھکرنی دەست پی کر.
 __ تو کی...؟
 __ تو د نوسکا مەقە چ دکی؟
 __ تو ژ کیژان کیشوهری هاتی؟
 گەلەك پرسین دی...

بەرسقا مەن تەنى دو چاقىن زىق و دەقەكى بەش بوون.
وەك دو ئەژدەھايان ئىكى ھەردوو پىين مەن گرتەن و يى دى ھەردوو دەستين مەن.
دوسى جارەن وەك ھيسكى ئەز ئينام و برم و ژوردە دوى ھەلەمىتى دا ھاقىتمە
خوارى.

بەرى كەلەخى مەن بگەھتە ئەردى، داىكا مەن دەھمەنن خوە قەكەرن وەك
بچويكەكى ساقا ئەز كەتمە د كوشا وى دا.

— كورى مەن، تو بخير ھاتى...

مەن قيا داىكا خوە ھەمبىز بەم، خوە دناش سينگى وى يى گەرم دا قەشىرم.
پەنجين دپەندەھەكى ھار رەھين ستويى داىكا مەن گرتبوون.
بەھموو ھىزا خوە مەن كره ھەوار و گوت:

— دادىينى...

كەلەخى مەن يى سار گريل بوو نىقا ناوسكى.

جارا ئىككىيە ئەز ھەست ب ترسەكا ب قى شيوھى دەم.

ديوارين ناوسكى ل مەن بوونە دەقەن ھەرچان، گوريا وى شەمالكا شەرى تارىيى
دەك، بوو كوريا دووېشىكى.

ئەو پەلاتينكىن بو ژىبابى ھاتىنە ئاگرى، ب ديوارين ناوسكى قە ببوونە
داينەسۆر.

رەجفەكا لەشى مەن يى لاواز دگەل قوتانا دلې مەن رەھين لەشى مەن گورج كەرن.
لئىن و ھەناسەيا مەن وەكو يا مروقەن تەبى گرتى لى ھات.

ھزر و ھەست نەمان، تەنى سىھىن مەن يين تىرى كول كەر دەرن.

وان چەند كىلكىن ل نىقا ناوسكى وەك دىكلې سەرېرى شىيان مەن بزقپىننە
ژيانى.

قه‌بقه‌با كه‌وین سپیدی ئەز زفراندم سەر راستییە‌كا مه‌ترسیدار.

— ئەز چ دكم دقئ نوسكئ قه‌؟

— من چ ئینا سەری خوه‌؟

— ئە‌قه‌ من چ ل به‌ره‌...

وه‌ك دارئالینكئ بترس و شه‌پرزهیە‌كا ئالۆز من خوه‌ ژناف كیسخه‌وی خوه‌ ئینادەر.

به‌ری هەر تشتی من ده‌ری نوسكئ قه‌كر، تژی سینگی من بایی هین بوو.

ده‌نگئ قه‌بینا كه‌وا دژوارتر بوو، هه‌روه‌كو هه‌فرکیی دگه‌ل مه‌ژیی من یی

واستیای دكن.

ئەز جهی ئاخگه‌فزكا وان دزانم، ئەها یا ل به‌ته‌ناهه‌.

دنیا یا رۆن دبت، بيرا من ل سترانا (گولبه‌هاری) كه‌وو سپیدی بخوینه، ئینا...

ل سەر وی له‌رزكا له‌شی من داگیرکری و ئالۆزیا مه‌ژیی من هیرکری. ب

ده‌نگئ خوه‌ یی شیلی من گۆت:

— كه‌وو سپیدا بخوینه هەر بخوینه...

تو ئاوازن خوش بین هەر بخوینه...

ژۆردا وه‌ك عاشقی ب ژفان به‌ره‌ف کانیی چۆمه‌ خواری.

پشتی من ئەو كه‌فز و گیا و قه‌ره‌می دۆرین کانیی پاقشکری، ئاف یا زه‌لال

بووی، لی هیشتا پیتقی ب سه‌روبه‌ریی هه‌یه‌...

تژی دۆرین کانیی چووچک و بالنده‌ بوون..

دو مستین ئاقئ ئاقیتنه‌ چاقین خوه‌، هشین من کۆمبوون، مسته‌ك دوو به‌ردانه

گه‌ورویا خوه‌ یا هشك.

بیره‌وه‌ریین من یین زارۆکینیی هیژ دا له‌شی من یی لاواز.

ئها بقان ده‌ستان گه‌له‌ك جارا من ئاف ژ قئ کانیی بلند کرینه لیقین به‌اری.

من هه‌ست پی دکر یا لیقین خوه‌ دگه‌هینته‌ تلین من.

ئەرى... چاقىن وى يىن بچويك تىرى قىيى دبوون.
چاقىن من يىن تىرى خەول بەھارى گەريان، من بەھار نە ديت.
ژ من ويثە كويسەلەكى پير ژ ناف پويشى دەرکەت، قەستا بن كەقري برەخ
حەلانى ئەزل سەر روينشتيم كر.
هەكە شيرۆل فيرى با دا فى كويسەلى هەزار دتە بەر بەركين قوسكا خوە.
چو گيانەوهرين بچويك ژ قوسكا وى رزگار نەدبوون. دوژمنى كىمە و بەقا
بوو. كەسى ژ مە ھندى وى چووچك نە دكوشتن.
مار ژ كونا دھلكيشان، تيشككەوك ژى خلاس نەدبوون.
كويسەلە زقري ناف وى گيايى بوش، دەقى خوە ھاقتە بەلگەكى گياي و
پرتەك ژيئەكر، جارەكادى زقري بن كەقري.
دووبارە زقري ناف گيايى، فى جارى دەقى خوە ھاقتە بەلگەكى دى يى
جۆرەكى دى يى گياي و ئەو ژى برە بن وى كەقري.
زقري ويثەتر، دەقى خوە ھاقتە نيركا گولەكى و ھندەك ژيئەكر وبرە دبن كەقري
قە.
زقري جۆرەكى دى يى گولى پرتەك ژ نيركا وى ژى قەكر ئەو ژى برە بن
كەقري...
كويسەلە حەفت جاران، حەفت پرتين بەلگين گيايى و نيركين گولان ژ حەفت
جورين جودا برنە دبن وى كەقري قە.
من ھزر كر ئەقە يى كارى زقستانى دكت، ئەزل دويف چۆم، كويسەلەيەكى
دى يى ل بن وى كەقري يى دسەكەراتا مرنى دا.
ئەو يى وان پرتين بەلگين گيايى و نيركين گولا بو ھەقالى خوە يى نەخوش
دبت.

ل دەستپێکی من هزر کر یی خوارنی بو هه قالی خوه دئینت دا ژبرسا نه مرت،
پاشی هرزین من پتر چۆن.

— بو ههر جار جوړه کی به لگین گیایی؟ بو ههر جار جوړه کی نیرکین گولان؟
بوو هه فت جوړ؟

بوچی هه فت جوړین ژیک جودا؟

بو؟ و بو؟ و بو؟

فان هه موو پرسا تژی مه ژییی من گو مان کرن. هزرا من ل ده رمانکین کوردی و
قو دیکین مامی من محمه دی عه مه ر یین تژی ملهه م ئینان.

کویسه له، ریشاندەر ئی ژیان

من گه له ک چه ز ژ دیوانا مامی محمه دی عه مه ر دکر، هه ر چه نده کی
چیرۆ که ک یان سه ره ای ته ک فه دگیرا...

به حسێ ژیان و میرانی و مه ردانیا باب و کالین مه دکر.
ده ما ئە ز دچۆ مه مالا وان، پتیریا ده می ل سه ر جو ده لیکه کی یی روونشتی بوو.
دۆرین وی ب جورین گیا و کولیلک و نیرکین گولان و ره هین داران یا خه ملی
بوو.

هنده ک دکه لاندن، هنده ک ده یران وهنده ک دسو تن. ده رمانک و مله م ژئی دروست
دکرن. مامی محمه د دچۆ چۆل و چیا ول ره هین گیایی و دارا دگه ریا و کر نه
ده رمان و ئیشین گران پی چاره سه ردکرن.
ناقین گیا و گولیلک و ره هین داران وه ک ناقین زارۆیین خوه ژبه ر کربوون...
ده یکا من هه ر دگۆت، ده ستی وی ده سته کی پیروژه بو هه ر ئیش و ئە له مه کی،
ته وارا خوه بگه هیننه محمه دی عه مه ر، خودی چه کیمه و ئە و چه کیمی دهر د و
ئیشیه.

دیاره ئە ف کویسه له ژی یی چه کیمه...؟
هزار ره حمه ت ل گۆرا ته بن مام محمه دی عه مه ر.
ئزرائیل ل هنداف سه ری ته بوو ده ما ته گازنده ژ فی ملله تی دکرن.
ئزرائیل ل هیقییی بوو تو چیرۆکا ملله تی مریشکان بو مه بیژی.
ته دگۆت ته یرین گۆشتخوهر، شاهین و باز، هاتنه ناف ملله تی مریشکان.
ملله تی مریشکان، ملله ته ک بۆش و خودان هه رتشت بوون.

تھیرین گۆشخوھر نھزانین دئ چھوا ل سھر وان زال بن، پرس ژ ئاقلدارین خوھ
کرن:

__ تھم دئ چھوا ل سھر فان زال بن...؟

ئاقلدارھ کی گۆت:

__ ھھرن بیژنی کی مھزنی ھھوھیھ، ھھکھ وان تنی مھزنھک ھھبت تھم چ جارن
نھشین ل سھر وان زال ببن...

دھما چۆین ھھر مریشک و ھھر دیلکھ کی ژئ دپرسین کی مھزنی ھھوھیھ...؟
ھھر دیکلھ کی دگۆت:

__ تھز مھزنی فی مللھتی مھ.

ھھر مریشکھ کی دگۆت:

__ تھز مھزنا فی مللھتی مھ...

ئاقلدارئ وان گۆت، بکھفنه ناف، تھف مللھتھ یی خوارییھ و دئ بو مھ بتھ
جھئ ژیانئ...

تھا دداویا فی چیرۆکی سھری مامئ محمھد شور بوو و کھتھ ناف دھستین
مھ.

خوزی تھ چیرۆک ب داوی نھ ئینابا، دبت ئزرائیلی ھند لھز نھ کربا...

تھز دئ زیړھفانییا فی کویسھلھ ی کم، دبت تھف حھفت جوړین گیایی و نیړکین
گولا دھرمانین دھردھ کی گران بن...؟

ما من چ مایھ ژبلی مرنئ؟ تھز نھ ل ھیقییا مرنئ مھ، مرن یا ل ھیقییا وان
سئ ھھیف کیم سئ روژان دا سوزا خوھ بجھ بینت...

سئ ھھیف بن یان سئ کیلیک بن..؟

دئ ھھر مری، چ وھ کو نوحی نھسھ دوپینجی سالان بژی یان وھ کو عیسا ی
سیھوسی سالان...

مرن ژته ښه نابت... .

هر مرنه و مرنه کا ب ئيش و تازاره.

هندي زويتر ژي رزگار بيم، دي کيتر تازاران کيشم.

دا چافه ريي في کويسه لهي بم کا دي في کاري گه هينته کيښه؟

کا دي چ بو هه قالي خوه کت؟

دبت نه ف حه فت جوړين گياي و نيړکين گولا بينه دهرمان.

نيري.. هر ژکه فندا مروځان گيا و کوليلک و رهين داران ژبو دهرمانان بکار د

ئينان.

دچيروک و چيفانوکين که فن دا کويسه له وهک حه کيم دهاته نياسين.

دي.. حه کيمي من، نه ز پيتفي بدهرمانه کي مه من پي بکوژي يان ساخ بکي... .

نه ز يي ل هيښيا چ... ؟

کلينيك و حه کيمين نهلما نيا نه شيان چاره يه کي ل من بکن، کويسه له يه کي پير دي

من ساخ کت... ؟

نه ف خه ونه چه ندا خو شه... .

نه ز يي هشيارم و يي خه ونا دينم... .

روژ ل هندافي پاوانکي گاي و هژيرا زيرانکي بلند بوو. تژي دوورين کانيي

چووچک وبالنده بوون.

دقيت نه ز بزقرم نوسکي خوه شه شيرم بهري گه روکهک يان نيچيرقانهک من بينت.

دو سي مستين تاڅا ته زي بهردانه گه ورويا خوه، وهک خودان خویندارين درنده

قهستا شه شارتگه ها خوه کر.

بلا دهري نوسکي يي شه کري بت دا کهس چ گو مانا نه بت.

كيسخهوي من هيشتا يي ل نيقا نوسكي، ئەو شەمالكا شقيدى خوە بۆ من
دسۆت، يا مري، هەردو پەلاتينگ نە دديارن.

نزا ئاگر بۆ ژنابا خوە برن يان ئەو ژى بوونە خولى...؟

ئەفە رۆژەكا دى ژ ژيىي من چۆ.

سى هەيف كيم سى رۆژ يين ماین.

دى... دا تيشتهكى ژى بخووم، نزا من خيره هوسا دلى من ل خوارنى

فەبووى...؟

هەندەك نانە هەشك و ئاف دانانە بەر سينگى خوە، دقیت ئەز ئابوری د نانە
خوەدا بكم، ئەز نەشيم جارەكادى بچمە بازارى.

هزرا ئەز برمە تيشتين خيزانى، دەمى داىكا مە دوو سى سينيكين ماستى

بەهرتيك و هندی وان يين هيكەروين و گيايى سالى و چا و نانە تەنویری

ددانانە بەرمە.

ئەى ژيان، تو چەند يا شرين و تالى.

شريني بۆ مروفي ساخلەم و تير...

تال و ژەهرى بۆ يين نەخوش و هەژار...

دۆزەخى بۆ من.

دۆزەخ ئەوہ يا تو بەستين خوە بۆ خوە دروست دكى.

بەهشت يا د دلى تە دا...

مروفي ژيانا خوە ل سەر ئەردى دکنە دۆزەخ دا ل بن ئەردى ب بەهشتى شاد

ببن...

ئەفە چ ژيانە...؟

يان چ مرنە...؟

ئەرى ئەم د ژيانيدانە يان ئەفا ئەم ديژنى ژيان پشتى ژيانىيە...؟

ما كى نايىژت ئەم دمرينە و ئەقە دنيايە كا ديبە و ژيانە كا ديبە...؟

دبت ئەقە پشتى مرنى بت...!

ئايين ديبژن پشتى مرنى مروّف دى دووبارە ژين....

ئها ئەقە ئەز يى باجا شاشيىن ژيانا خوه يا بەرى نهو ددم....

هندهك بههشتينه، خودان ملك و مال و ساخلمينه، هندهك وهكو من يىن د ئاگرى

ئيش و گونههين خوهدا دسوژن. دبت ئەقە جههنه ما من بت.

هزرىن من زقرينه ديوانا كويسهلهى....

ژناف پويشى دهركت، قهستا بن كهقرى كر، پشتى كيّمهكى ژبن كهقرى دهركت

و قهستا جوړهكى گياى كر، دهقى خوه هاقيتته بهلگهكى پرتەك ژيقه كر، زقرى بن

كهقرى و ئەو بهلگى ددهقى دا كره ددهقى كويسهلهيهكى نهخوش دا.

زقرى جوړهكى دى يى گياى، پرتەك ژوى ژى قه كر، ئەو پرت ژى بره بن

كهقرى و كره د دهقى ههقالى خوه يى نهخوش دا.

حهفت پرتين بهلگين گياى و نيركين گولا دكرنه د دهقى ههقالى خوه دا.

ئەز پشتراستم ئەو نيركين گولا و بهلگين گياى نه ژبو تيركرنا ههقالى وى بوون.

ههكه ژ بو خوارنى و تيركرنى بان، دا جوړهكى دوويا، سىيا دهتى...!

سوبه دى چمه زيړهقانىيا كويسهلهى و دى وان جوړين بهلگ و نيركين گولان

يىن ئەو ددته ههقالى خوه يى نهخوش نيشان كم.

دبت ببنه دهرمانى دهردهكى...؟

ما دهردهك ژ دهردى من دژوارتر ههيه...؟

دهردى من دلى من ژ نانى ههشك رهش كر، هندهك ئاف بسهردا كر.

سيهين من يىن تثرى كولكين پهنجهشيړى ههناسهيا من بلەز ئيخست.

دى چهواقى روژا دريژ كمه شەف و شەفا تارى كمه روژ؟

ئەز گەلەك يى لەزى ل شەف و روژان دكم هەر وهكو دى بمه زاقا.
مروڤين ساخلم هەز ژ روژى و روڤناهيى دكن، ئەز هەز ژ شەف و تاريى
دكم. دبت بەرهه ڤيىن من ژ بو گوڤى تارى بن.
گوڤى تارى...

ئەفە شەمالكەك من سووت و نانئ روژەكى خوار.
سى هەيف كيم سى روژ...
چيه...؟

من ل بەره هەتا مرنى ل قى نوسكى بمينم؟
نەنە... دى ل هيڤيا كويسەلەى مينم، هەكە چ ژى ديار نەبوو دى چمه مالا
برايى خوه.

ئەز نەشيم هەتا مرنى ل ڤيرى بم، دبت پشتى چەند روژين دى كارتىكرنا دەرمان
و وى قورچا كىماوى نەمينن وساخلميا من تىك بچت و نەشيم خزمەتا خوه بكم.
پشتى ئەز ل هەموويا بەرزەبوويم دەنگى من نەماى، دترسم هەڤرينا زارويان بدتە
دويڤ خوه و ل دويڤ من يىت...؟

نەنە، برايى من دى وى رازى كت، ناهيلىت مالا خوه ويران بكت.
وتە بو مالا خوه ويران كر...؟

من مالا خوه ويران نە كر، ئيشا خوه دى مالا من ويران كر...
جارى دا گەريانهكى ل شوينواريڤن زاروڤكينييا خوه بكم، دبت بيھنا من فرھ
ببت.

دەرى نوسكى گرت دا چ ئادى و گيانەوهر ل دويڤ بيھنا نانى نەچنە ژور.
ژوردا بەرهف كانىيى هاتمە خواري.

كا دا بزائم ئەز لكيفه مە...؟

ئەرى... ئەوا من كرىيە مالا خوه نوسكا بتنييه.

وەسا ديارە قيرى جھى ژيانى بوو.
 ئەقە شينوارين قەسرا ميرەكينە. ژ قان ديوارين ناسى و قان كەقرين مەزن و
 نكراندى ديارە خودانى قى ئاقاھى كەسەك بەيزو خودان شيان بوو.
 ئاقاھىيەكى ھندە مەزن تثرى قى گەلى ژيان كربوو. دبت ئەف كانىيا ئاقى
 دناف باخچەيى قەسرى دا بوو...
 ھەموو رەخان شينكاتى و دارين بەرھەمدار بوون.
 ئەقە بانيا قەسرىيە.
 دى بەرھەف نوسكىن بوش چم، ئەو جھى ھەر دەمى دەنگ ژ دەقن چەكىن
 دوژمنى دەت ئەم درەقنە قى گەلى و ل قان نوسكان دبوونە ميئان.
 ھەر مالەكى نوسكىن خوە يين تايبەت ھەبوون، بەرى ھەر گرژيەكى گوندى
 دەاتن و تثرى نوسكىن خوە ئالاقين ژيانى دكرن.
 ئەا دقى گەلى دا ھەر سال جارەكى دووا ژ بەر فرۆكە و توپين دوژمنى گوندى
 درەقنە دقان نوسكان قە.
 ھەرۋەكو وان كەسين ئەف ھەموو نوسكە دقى چىاي را قوقلاندين دزانين ئەف
 مروقە پيئتى بجهەكينە دا خوە لى ستارە بكن...
 ئەقە نوسكىن مالا مەبوون، مالا مە دو نوسك ھەبوون، ئيك بو نقتنى و يادى
 بو ناقمالييى.
 تەرشى گوندى ئەا ل قى نھالى دەتە مەخەلكرن.
 ئەقە جھى كوچكى داىكا بوو، ھيشتا شينوارين وى دديارن.
 واھە لاتا سەقەرە، ئەقە ژى كوچى رەشە ل ھنداڧ نوسكىن بوش، خودى دزانت
 بوچى ئەف ناڧە ل سەرە...؟
 كەس ژ مە كوردا بيخەمتر نينن، چ ژ ميژويا خوە نزانين.

كى ل قارا دزيان...؟

چ ئۆل و چ نەتەوہ بوون؟

دا بزقرم هيشتا كەسى ئەز نە ديتيم...

سوبە دى بەرەف ھەرفتەى چم، كا هيشتا ئەو دارھەژيرە ماينە يان ھەژارەكى ژ

بۆ گەرمكرنا زارۋيىن خوە برينە...؟

من شيانين گەريانى نەماينە، ھەكە دا ل پشت فى چيائى خوە بەردمە ناڤا

قەشە فرى.

ئھا ل بانىيا ھە باھيقين فەلا بوون، مە گەلەك جاران باھيقتەرك يىن ژى دزين.

ھندەك گونديان دگوتن مالى فەلا ھەلالە...

بابى من دگوت، مالى كەسى ھەلال نينە، ئەو ژى وەكو تە مروڤن، ھەر تشتى

تو بىي ھەز وئاگاھيا خودانا بىي، ھەرام و دزييە.

جھ بىي بىدەنگە، ئاريشين ژيانى خەلك ھەموو يىن ل باژىران كۆمكرين.

ھەر چەند رۆژا جارەكى گونديان ژ بۆ ئاڤا شرين قەستا كانىيا زرکا دكرن.

ئاڤا گوندى مە يا تال بوو، بكىرى چا و جلك شويشتنى نەدھات. تنى ژ بۆ

قەخوارنى دھاتە بكار ئينان.

دگوتن گاز و كبريت دكانىيا گوندى دا دزيت.

زارۋيىن گوندى ئەو نھالا ل بەر تەنشتا گوندى دكۆلان، ل گازى دگەريان.

ل بىرا منە، ھەجى مستەفا دگەل ھندەك ئەفنديان ل وى نھالى ليگەريان دكرن.

گوندى كۆمبوون دا بزنان چ مەسەلەيە.

ھەجى مستەفاى ب دىمى خوە بىي تثرى بشكۆرين دگوت:

__ گوندى مە كانيا زىرييە... دى گاز و كبريتى بەرھەم ئينن...

بشكۆرين د بوو كەنى...

__ ئەم دى زەنگين بن...

تژی گه وروویین گوندیان که نی دبوو، دگهل کوخکا وان ئاوازیڻ نه خوشیان ژئ
بلند کرن.

ئەز واستیام، دئ بیهنا خوه فهدهم، هزرکرنای زیده دئ من واستینت، ئەز پیتقی ب
ته ناهییی مه.

هزرکرنای زیده...

ئەز هزارا چ دکم؟

تنی من سی ههیف کیم سی روژ یین ماین.

دئ زقرمه ئەلمانیا...

بلال ناف زارویین خوه بمرم...

نه نه، دئ ل بهر ته نشتا دایکا خوه مرم، دئ هزار لاقه و خیرا بو من کت.

هه قزینا من ئەو شیان نینن که له خی من بهنیرته وهلاتی، ئەفه من به لا که له خی ژ

هه موویان فه کر، ئەها ل پشت فی چپای گورستانه...

ئەز نه شیم سی هه یفا دقی نوسکا تاری فه بژیم...

من گوت بژیم...؟

ما ئەز بو ژیانئ هاتیمه...؟

یئ دبیژم دقی نوسکی فه؟ چه زکی بو خوه بیلایه کی ئافا بکه و وه کو میرین

سه رده می بهری. ئەها وه کو خودانی فی قه سری...

ژیان...؟ یئ به حسی ژیانئ دکم...

دئ... دا سوبه پلانا کویسه له ی ئاشکرا بکم پاشی دئ بریاری دم.

ئەز برسیمه، دیاره ده می فراقینئ یئ هاتی، ژ بلندبوونا روژی دیاره نیقرویه.

فراقین... یئ گوهل من بیت دئ هزرکت فراقینا من کوتلک و ئیپراخین دایکا

منن.

نانى ھشك و ئاڧا گەرم... .

دى ۋەكو مروڧقېن سەردەمى بەرى ژىم، چ ئامىر و پېزانىن سەردەم بكار نائىنم.
تىشكا روژى و سىبەر دى بنە دەمژمىرا من، دار و بەر دى بنە ھەقالىن من،
خوارنا من دى بتە گىيا و ئاڧ و نانى ھشك.
دەستىپكا بەھارىيە، ئەڧ گەلىيە تىرى ھەموو جوړىن گىياى و فىڧىيە.
دى ۋەكو كويسەلەى گىياى خۆم.

تىرى سەر كانىيى پىز و پىنگ و ترشۆك بوو، ئەڧ گەلىيى ناوسكا من لى تىرى
قوراد و سىرك و پىمىرىشك وسى بسك و تۆلكە.
ئەڧە دى بنە باشتىن پىخوارن بو من... .
دى بمە عاشقى ئاڧى.

ئەڧىندارى باى.

سەرخۆشى گىياى... .

ھندەك ئاڧ ل نانى ھشك كر، دگەل ئاڧى دانا بەر خوە.
ئەڧرۆ ژى من زك تىر كر، سوبە پىدا دى نان و گىياى خۆم.
ھىشتا زويە، دى رابم ل فى گەلى ل گىياى گەرم، ھەر سال فى دەمى سالى
ژىن گوندى قەستا فان نھال و ئاقاران دكرن ژ بو كرنا قوراد و سىرك و تۆلك و
گىيايىن خوارنى.

پىز و ترشۆك تىرى دوړىن كانىيە. ئەڧە كىشەيا خوارنى چارەسەر بوو.
روژ يا زەر دبت، چىايى بلند يى لەزى ل ئاقابوونى دكت. دا بزڧرم مالا خوە ئەز
واستىام... .

دەرى ناوسكى گرت، ئەڧە شەمالكا دوويى من ھەل كر، ھىڧىخوازى من شىان
ھەبن شەمالكا نۆتى ب فى ھىزى ھەل بكم.
ئەز يى خەونا دىنم، باشتىن نوژدارىن ئەلمانىا گۆتن:

— ببوره مه نه شيا چ بو ته بکن... —

ته سي ههيف بين ماین.

من ژي دقيت ته ز نوت شه مالکا دقي ناسوکی فه هه ل بکم. مروقي ساخلم

نه شيت سي ههيفا دقي ناسوکی فه بژيت... —

ته ي خه و تو ئيکانه نارامکه را گيانی منی، دي وهره وه کابووسان پيستيړکی

بيخه جهسته يي من و بهرنه ده. دي وهره ببه ميقتانې دلې من و دهرنه که فه.

گورپا تاگري شه مالکی تژي ناسوکی روڼاهي کر، ديسا تژي ب ديوارين

ناسوکی فه ته ژده ها بوون.

ميقتانين من هيشتا نه هاتينه تاگري، دياره ژنباي بين هنارتينه تشته کی دي... —

له شي لاواز و واستياي خاف بوو، خه و بوو داگيرکه ري مه ژي.

دوو کويسه له يي ته ژده ها ملين من بين گرتين، ته ز ل به رانبه ري کويسه له يه کی پير

و ريه دريژ دانامه سهر چوکان.

زيړه قانين کويسه له يي پير سهرين رمين خوه کرنه د سينگي منرا.

کويسه له يي پير دهستي خوه يي راستي بلند کر، هه موو پاشقه زقرين.

کويسه له يي ملي من يي راستي گرتي پشتي خوه بو کويسه له يي پير چه ماندي

گوت:

— مير... ته ف مروقه يي چاډيرييا مه دکت، ته م باوهرن يي پيکولان دکت

نه ينيين ژيانې ژمه بدزت.

ته نيا ميري بوو گري، دهنگي وي تژي جهي ترس کر و گوت:

— بيخه ميا هه وه دي نه ينييا ژيانې و ساخلم ميا مه يا هزاره ها سالان ئيخته د

مه ترسيي دا.

رابوو سهر خوه، تلا خوه دريژکره ناچقاين من و گوت:

_ تو و ئەوین خەمساری دڤی کاری دا کرین دڤیت نەمین...
 دەنگ بلند بوو.
 _ بژیت میر...
 _ بژیت دادپەرەری...
 _ بژیت یاسایا ژیان...
 پتر ژ دەه کویسەلەیین ئەژدەها ل دۆرین من کۆمبوون. دڤیان هیرشێ بکنه سەر
 من و بریارا میری بجه بینن.
 دەنگەك ژ مه ویڤه هات، من نەزانی کا کیژان کویسەلە بوو گۆت:
 _ میر، د یاسایا مەدا بیی دادگەهکرن نابت ئەم کەسێ سزا بدن.
 ئیکێ دی گۆت:..
 _ راسته، دڤیت ئەم گوهداریا تاوانباری بکن.
 میر ل سەر ملی خوه زڤری، هەر وه کو بیرا وی ل قی یاسایی هاتی گۆت:
 _ بەردن، بلا بەره‌قانییی ژ گیانی خوه بکت.
 دەنگی خوه بلند کر و گۆت:
 _ لی کویسەلەیین ئەف خەمسارییه کرین، لیبۆرین بو وان نینه...
 دۆرین من قالا کرن، ل ره‌خی میری یی راستی کویسەلەکی پیر دنیفا دوو
 کویسەلەیین دی یی روونشتیبوو.
 بەری من کەته وان.
 یی نیقی گۆت:
 _ تو یی مروّف، تو دزانی ته تاوانا دزیا نهینییین مه یین هزاره‌ها سالان یا
 ئەنجام دای؟
 یی ره‌خی راستی گۆت:
 _ تو دزانی سزایی ته نه‌مانه...؟

يی رهخی چهپی گۆت:

— ته چ کار ب وی نهییبی ههبوو؟ کی تو پالدای فی تاوانی ئەنجام بدی...؟
میر و هەر سی دادوهر دگهل وی حهشامهتا کویسهلهیان ب چاقین زیق ل هیقییا
دهفی من مان.

لهرزك كهته لهشی من، ئەزمانی من لال بوو، من ههست ب ئەندامین لهشی خو
نه کرن.

ل دۆرین خو زقریم، چاقین دههان کویسهلهیین ئەژدهها یین ل هیقییا بریارا
دادوهری .

دهنگی چهکوچی دادوهری نیفی بیهوشیا من کره لهرزك.
— ته تنی سی چرکهیین ههین تو بهرهقانییی ژ خو بهکی.
دهنگی کوما کویسهلهیان موویین لهشی من تیژکرن.

— بژیت میر...

— بژیت دادپهروهری ...

— بژیت یاسایا ژیانی ...

وان ههردوو کویسهلهیین ئەز ئینایمه فی جهی دیسان ملین من گرتن و ئەز
راکرمه ژ پیانقه.

کویسهلهیی ملی راستی گۆت:

— بهرهقانییی ژ خو بهکه...

يی رهخی چهپی گۆت:

— ئەم ل هیقییا ته نابن، مه هزار وئیک کار یین ههین...

جهه بیدهنگ بوو، ل دۆر خو زقریم، وهك دیوارین گرتیخانێ کویسهلهیان ملین خو
یین داینه ئیک، چاقین وان وهك کامیرهیین روژنامهقنانان یین ل دهفی من.

میری کویسه‌له‌یان دهستیٰ خوه یی راستیٰ بلند کر و گۆت:

— گوهیٰ مه یی ل ته...؟

ژ ره‌فتارین زیره‌فانان یا دیار بوو هه‌که ئەز به‌ره‌فانییه‌کا مکم ژ خوه نه‌کم،

دادگه‌هه‌کا دژوار دی ئیته ل دارخستن و بریار ژی دی یا دژوار بت.

من هه‌ست ب ئەزمانی خوه د دهقی خوه دا کر، ئینا و بر و گۆت:

— بب...ببۆر... ببۆرن...

دادوه‌ری نیقی سهری خوه هه‌ژاند، رامانا به‌رده‌وامیی دا.

— ئی...ئه‌ز...

کویسه‌له‌یی میر به‌هنگه‌کی بلند کره‌که‌نی، که‌نییا وی تژی وی گه‌لی ده‌نگ

کر، گۆت:

— نه‌ترسه... ئەم ته نا خۆن...

جه‌ بوو فیسته‌قالا که‌نییی...

ترسا من بوو دوو به‌رانبه‌ر.

ئه‌و کویسه‌له‌یین نه‌خۆش یی من ل بن که‌ق‌ری دیتی ژ ناف کۆما کویسه‌له‌یان

ده‌رکه‌ت، ل به‌رانبه‌ری میری خوه چه‌ماند و گۆت:

— میر... ببۆره‌هه‌که‌ من زیده‌گافی کربت، لی من دقیت ئەز به‌ره‌فانییی ژقی

نه‌خۆشی بکم...

لیخۆرینا میری تژی جهی ترس کر.

— تو دی بیه پارێزه‌ری مروّقان...؟ تو ئیک ژ تاوانبارانی...

دهستیٰ خوه درێژ کر، گۆت:

— دویر بکه‌فه...؟

دادوه‌ری نیقی دهستیٰ راستیٰ بلند کر و گۆت:

— ته گۆت نه‌خۆش...؟

کویسه‌له‌یی نه‌خۆش به‌ری‌ خوه‌ دا‌ دیمی‌ من‌ یی‌ زهر و گۆت:
 _ تنی‌ سی‌ هه‌یف‌ کیم‌ چار‌ روژ‌ یین‌ ژ‌ ژیی‌ وی‌ ماین، ئەو‌ دی‌ مرت.
 کویسه‌له‌یی‌ میر‌ رابوو‌ سه‌ر‌ خوه‌ و گۆت:
 _ ئەو‌ نه‌ کیشه‌یا‌ مه‌یه، دقیت‌ نه‌ینیا‌ ده‌رمانی‌ ژیان‌ نه‌ ئیته‌ ئاشکه‌را‌ کرن.
 تلا‌ خوه‌ دریز‌ کره‌ ناچاقین‌ من.
 _ و‌ تاییه‌ت‌ بو‌ مروّقان‌... مه‌ باوه‌ری‌ ب‌ مروّقان‌ نینه.
 چاقین‌ وی‌ سوور‌ بوون، ده‌قی‌ وی‌ ئاف‌ ژ‌ی‌ رژیا، ده‌ستی‌ خوه‌ بره‌ شووری‌ دبه‌ر
 ته‌نشتا‌ خوه‌را‌ و‌ کیشاده‌ر.
 ده‌نگی‌ دادوه‌ری‌ هه‌موو‌ د‌ جهین‌ وان‌ دا‌ هه‌شک‌ کرن.
 _ ل‌ جیهانا‌ کویسه‌له‌یان‌ که‌س‌ بیداد‌گه‌ه‌کرن‌ نایته‌ سزادان.
 به‌ری‌ خوه‌دا‌ میری‌ و‌ دیسا‌ گۆت:
 _ چ‌ که‌س‌ دسه‌ر‌ یاسایی‌ را‌ نین...
 ده‌نگ‌ بلند‌ بوو.
 _ بژی‌ یاسا...
 _ بژی‌ دادپه‌روه‌ری‌...
 میر‌ نه‌چار‌ بوو‌ شووری‌ خوه‌ جاره‌کادی‌ به‌ردته‌ دکافلانکیدا‌ و‌ ل‌ سه‌ر‌ ته‌ختی‌ خوه‌
 روینت.
 جاره‌کادی‌ دادوه‌ری‌ نیقی‌ گۆت:
 _ ئە‌ی‌ مروّف، تو‌ ل‌ چ‌ دگه‌ری‌؟ بوچی‌ تو‌ مایی‌ خوه‌ د‌ ژيانا‌ مه‌دا‌ دک‌ی‌؟
 ته‌ چ‌ ئیش‌ و‌ نه‌خۆشی‌ هه‌یه...؟
 گۆتین‌ وی‌ ئارامی‌ ئیخسته‌ دل‌ی‌ من، خوین‌ دل‌ه‌شی‌ من‌ دا‌ گه‌ریان.

لی من ههست دکر هه دارا وان یا کیم دبت، دقیت ئەز بهرقانییی ژ خوه بکم
ئیکسەر من گۆت:

__ ئەز یی ژ مرنی رهفیم...

دهنگ ژ گهلهك کویسه له یان بلند بوو.

__ هه ی ژارییی...

دادوهری گۆت:

__ ته چهوا زانی دهرمانی ژ یانی ل نک مه یی هه ی؟

بهری من که ته جهی تژی چاقین من خوشی بوو، من گۆت:

__ ئەز قی چهندی نزانم، ئەف جهی ئەز هاتیمی واری منه، جهی بیره وهریین
زارۆکینیا منن.

که نی ژ میری بلند بوو و گۆت:

__ چ نه مایه بیژت ئەز میر وپاشایی هه وه مه.

دادوهری دهستی خوه بلند کر و گۆت:

__ و چ دی؟

من گۆت:

__ ئەز یی ژ مرنی درهقم، من نه قیت کهس بمرنا من بیشت. دایکا من یا

نه خوشه، زارۆیین من دبچویکن، من نه قیت بو که سی ببه ئیش و ژان.

دهنگ ژ دادوهری هات، گۆت:

__ و ئەو نهینیا ته ژ مه دزی...؟

من بهری خوه دا کویسه له یی نه خوش دا تاوانی ل سه ر وی سست بکم، من

گۆت:

__ ئەو تنی هه لکه تن بوو...

دادوهرى نىقى دەقى خوه بره بن گوھى ھەقالى رەخى راستى و پاشى بره يى
رەخى چەپى.

ھەرسى دادوهران سەرىن خوه ھەژاندن و گوٲن:

__ بريار...

ئىك...

__ توژ وى نوسكى دەرناكەقى ھەتا سى ھەيف كيم چار روژين ته بداوى
دئين.

دوو...

__ ھەكە دقى دەمى دياركرى تو نەمرى ئەم دى بريارا مرنا ته دەرکن.

سى...

__ ئەو نھينين ته ديتين نابت بگەھينيه چ مروٲان.

چار...

__ دەرى نوسكى باش لى بگرن، نابت بو چ ئە گەران ژ نوسكى دەرېكەفت ھەتا
دبتە بەشەك ژ نوسكى...

دادگەھ بداوى ھات.

دەنگى بلند يى كويسەلەيان ترسا من كرە رەجفك.

__ بژيت مير...

بژيت دادپەرورى...

__ بژيت ياسايا ژيانى...

بەرى كوما كويسەلەين رەنگ ئەژدەھا ھيرشى بكنه سەر من، ئەز ژ خەوا گران
ھشياربوون، دو پەلاتينگ يين بو ژنابى ھاتينه ئاگرى شەمالكا من يا دوويى.

ترس و تاريى بيرا من ل مرنى ئينان، چ جارا ئەز ژ مرنى نەترسيامه.

ئەف شەفە نە ب تنى ژ مرنى ترسيام، من ھەست كر ئەز يى مريمە.
 دەرى ناوسكى قەكر، زەراتيا تيركىن رۆژى كوپيتكىن ھەژيرا زيرانكى، و
 پاوانكى گاي يىن زەركرين.
 بيرا من ل ژفانى كويسەلەيان ھات، بىي دەرى ناوسكى بگرم ۋەك ھارو دينا
 قەستا كانىيى كر.
 چاقىن خوە ل جھى گىران، كويسەلەيى نەخۆش يى ل جھى خوە و ھەقالى وى
 يى ديارننە.
 ترسى بيرا ئىشا گران ل من نوى كر. دبت ھىشتا زوى بت؟ يان ئەز گىرۆ
 بوويمە؟
 نەنە، ھىشتا زويە.
 ژ رەنگى كويسەلەيى نەخۆش ديارە ھەقالى وى ھىشتا نەھاتىيە و يى برسىيە.
 ھندەك ئاڧا تەزى ل چاقىن خوە كرن، ھشىن من كۆمبوون. دوسى مست ھاڧىتنە
 گەوروويا خوە يا ھشك.
 تيركىن رۆژى بسەر وان لاتىن بلند كەتن، جھ روون بوو. تژى دۆرىن بركى
 چووچك و بالندە بوون.
 لڧينا داڧىن گىاي سەرنجا من راكىشا، كويسەلەيى دوھى من دىتى ھات، قەستا
 بن كەڧرى كر، سەرى خوە بسەرى ھەقالى خوەڧەنا ھەروەكو سوزەك داىيى.
 ۋەكوو دوھى دەڧى خوە ھاڧىتە بەلگەكى گىاي پرتەك ژىڧەكر و كرە د دەڧى
 ھەقالى خوە دا.
 دىسا زڧرى ھەر ئەو ھەفت جۆرىن بەلگىن گىاي و نىركىن گولا ئىك ئىكە كرنە
 د دەڧى ھەقالى خوە دا.
 پىشتى ئەركى خوە بجه ئىناى خوە دناڧ گىاي دا بەرزەكر.
 كويسەلەيى نەخۆش بيرا من ل رۆژا ئىكى يا نەخۆشيا من ئىنا.

چ جار من ههست بئيشان و نه خوشيان نه دكر، بو كوئنترولا سالانه هندهك پشكنين
كربوون.

دكتورى تهله فونا من كر و گوٽ:

— دقيت تو بزويترين دهم سه ره دانا مه بكى .

پشتى ل بهر سينگى من روينشتى و نه دقيا بهرى چاڤين خواه بدته چاڤين من.
من گوٽ:

— دكتور... تشتهك نه خوش ههيه...؟

ئه نيا خواه پهرخاند و گوٽ:

— ئهم نه د پشتراستن...

قوتانا دلى من لهرزك ئيخسته له شى من.

— چ ههيه دكتور؟

گوٽ:

— دقيت هندهك پشكنين دى بكن دا ئهم پشتراست بن.

— ژبو چ پشتكنينان بكم...؟

— ببوره، مه هندهك تشتين نه باش ديتينه لى...

— لى چ...؟

— پشتى وان پشكنينا ههه تشت دى ديار بت.

بهرى پشكنينان ته ههه تشت ديار كر دكتور...

ئهى فهلهك...

ئفش كويسهله وهك دكتورى من هند يى بلهز بوو نه خوشى خواه دهرمان كر و

بهرزه بوو.

من گەلەك پىكۆلكرن وان بەلگىن گىيى و وان نىركىن گولا نىشان بكم، لى
ئەقروڭ زى نەشىام.

سوبە دى ھندەك تىركىن كىراتا ئامادەكم، ھەر جۆرەكى گىيى و ھەر نىركە كا
گولى دى تىركەكى تىچكىلىم وەك نىشان.

حەفت جۆر بوون... ئەرى ھەر ئەو حەفت جورىن رۆژا ئىكى بوون.

ئەقە نە ژبۆ تىركنا زكى وىنە، ھەكە دا تنى چەند جۆرە كا دتى.

ئەقە دەرمانى دەردى وىنە.

ئەز زى دى قان ھەر حەفت جۆرىن گىيى نىركىن گولا بكار ئىنم. يان دى بنە

دەرمانى دەردى من يان زى دى لەزى ل مرنا من كن.

دى... ئەقە ژقانى كويسەلى زى چوو، ئەز برسیمە دا بزقرم نوسكى.

ناوسکا، نەفسانەيا دەستپىكى

دەرى ناوسكا من يى قەكرىيە، تىنى من زانى با كى و ژبو چ ئەف كونه دقى
حەلاتى قوقلاندىيە...؟

د چىقانو كىن بەرى دا دەتە گوتن، ئەژدەھايەك يى كەتتە شكەفتى، تەرو
هشكا پىكقە دخوت، ئەز ئەو ئەژدەھا مە...

كىسخەوى من يى ل بنى ناوسكى دتۆزى وەربووى. دلنى من يى دچتە تشتەكى
شرىن، بلا ئەقرو ژى پسكىت تىنەبن. بىرا من ل وان گىايىن دوھى من ژ بنى
گەلى ئىناى ھات، ھندەك ناننى ھشك رەشاندى، ئاف دانا بەر خوە.
داقنى گىاي دگەل نانى تامەكا جودا ھەبوو، ژيان ل بەر دلنى من خۇش كر.
قى بەرى دى بقان جۆرىن گىاي بۆرىنم. تاما خوارنا گىاي ئەز برمە ديوانا
زاروئىن من.

ئاخ... نھو د چ رەوش دانە؟ ئەقە من چ دل ھەيە؟ من بو كىژان پاشەپوژى
ھىلان؟

دبىژن كويسەلە چو پىتەى ب تىژكىن خوە ناكن، ھىكان دكن و پشتا خوە
ددنى..

من ژى وەكو وان كر، دو تىژك بو درنداتيا ژيانى ھىلان.
چەند جارەكى مە كارەك خراب يان درەوہك كرىا، ھەقالى مە دا بىژت.
دى بىيە كويسەلە...

ئەز دى بمە كويسەلە...

ئەز پشتراستم ھەقژینا من پەيوەندی یا بېرايی من کرى و بېرايی من راستى یا
گۆتى...

ئانکو چ...؟

ئانکو ئەف مروڤه يى بەرزەيه...

يى بەرزەيه یا خوه بەرزە کەريە...؟

خوه بەرزە کرن، ئانکو خوه کوشتن...

ئەى ھەوار... ئەفە من چ کريە...؟

چ بکم...؟

بەرى من کەتە تەلە فونى، دلى رهق رازى نەبوو...

دى چ نەمايه دى ھەر تشت خويەيا بت...

مرن... يان مرن...

قان ھزرا ئەز تيرکرم، پشتى خوارنى دى گەريانە کى کم، فى جارى دى بەرەف
ھەرفتەى و زيرانكى فە چم.

ئەز نەشىم دویر بکەقم، دڤیت ھندەک تيرکين کيراتى ئامادە بکم بۆ نیشانکرن
جورين گيای و نيرکين گولا يين کويسەلە ددته ھەقالى خوه دا ل بەر من بەرزە
نەبن.

ھەما دى ب تەلە فونى وینە و فيديو کم دا دەنگ و رەنگ دديار بن...

ئەزى ھشيار و يى خەونا دبينم... دەردى من دەردە کە چ دەرمان بۆ من نينن.

ناقدار ومالدارين دنيايى نەشيانە ژى رزگار بن. ب ھندەک بەلگين گيای

ونيرکين گولا نائيتە ژناقبرن...

من نزانى مام محەمەدى عومەر شيايە فى ئيشا من چارەسەر بکەت يان نە.

دگوتن وى رھين پەنجەشيري ب ھنگفينى قەلاندى دسوتن. من تيگەھشتن بۆ

فى چەندى نەبوو. ئەفە دەردە کە تنى ئيش و نازار ژى دزين. دەردە کە سيھ و

میلاکان دهنجنت. دهرده که مروقان ژ مروقایه تییی دئیخت. دهرده که تنی مرن
دهرمانه...

ئهی هوار، ئەفه من چ تاوان کرییه ههتا ئەفه هاتییه سهری من؟
ئەفه من تیشته کا دی ژی خوار ههتا سوبه خودی کهریمه.
من چاقین خوه ل دیوارین نوسکی گه راندن، من ههست ب دهمه کی دیرین کر. ل
جهین ناسی شکهفت و نوسک ههتا که لهین میر و شاهان دهاتنه ئا فاکرن و
چیکرن دا ههردهم ژ ههر هی رشه کی دپاراستی بن. ئەف گه لییی هه موو نوسک،
جهی ژیا نا هنده کان بوویه کو ب شاره زایی ئەف جهه ژ یگر تییه، دشین ژ ههر
تشتی خوه پیاریژن.

دیاره ئەف هزره بوویه ئەز پالدایم بهیمه فی نوسکی. دیاره دناخا خوه دا من
ههست ب پاریزییا خوه کرییه. دیاره من ههست کرییه کو ئەف جهه دی مرنی ژ
من دویر کهت و دووباره دئه فسانه یا ژیا نی دا من کهته میر. هه موو ژانین من
یین ههرو من دکوژن دی تنی خاله ک بن د بیردانکی دا و ل روژین رهش ژی
نامیننه ل بیرا من. دیاره هزرا دهستی که کا نوی دکم لهوا بیردانکا من ئەز
راکیشایمه فی جهی.

دهری نوسکی ژ دهرقه گرت، دهست دا وی کیتیهی بو بهره قانییی ژ خوه وهک
گوپال چیکری دا بهرخوه و بتلی ئافی ب دهستی دی گرت و قهستا سهر
کانییی کر.

هندهف ئاف بهردا گه ورویا خوه، تژی بتلی ئافا تهزی کر و بهری خوه دا
ههرفتهی.

تژی گه لییی ههرفته بیره وهریین منن. ئەفه زیرانکییه، داره ژیره ک ل فی ری بوو.
واهه بهری که ره، نزا بوچی ئەف نافه ل سهر بوو...

بەرى كەر؟

ل بەتەنا ھە، باھيقين فەلەيىن قەشە فرى بوون. گەليى ھەر فتهى وەك خوە
نەمايە، يى بچويك بووى. نزا ھەر تشت ل پيش چاقين من يىن بچويك بووين.
ئھا واھە پاوانكى گاي يە، ئەفا دى بانىيا عەلۆيە، و ژوان ويثە كۆلكى ھەسەن
ئاغاييە.

كى ئەف ناھە ل سەر فان جھا دانينە؟ ئەفە ملك و ئاقارى كى بوو؟ كى ل قارا
دژيا؟

ديارە ھندەكا بەيژ و شيانين خوە، ھندەكا ب ژيرى و جاميرىيا خوە، ھندەكين دى
بزولم و زوربيى، ئەردى خودى ل سەر ناقي خوە تابو كرىبون.

وان ژى بو ھندەكين دى ھيلان، ديسان ھەر تشت بو خوەزايى زقرى...
دا بزقرم ئەز واستيام، من ئەو ھيژ و شيان نەماينە ب سەر چيا و ملان بکہقم.
ھەكە جارەكى من شيان ھەبوون دى بسەر قى ملق كەقم، دى چمە قەشە فرى.
مە دگوتى قەشە فرى، فەلەيان دگوتنى مارياقو، ديارە ژناقى رەبەنەكى
خزمەتكارى ديرو ھاتىە...

دى سەرەدانەكى بو وى بەھشتى بم. ئەو گەليى تثرى ژيان، كانىيا ئاقى، دارين
ھەژيرا، دارين ھنارا، باھيف و ميوين ترى، بەشەكە ژ بەھشتى.
ديرا قەشە فرى گەلەك يا كەقنارە، ببھايە، دبن چيايەكى مەزن قە يا ھاتىيە
كۆلان و ئاقاكرن.

ژ سى سەد و شىست و پىنج ژورا پىكھاتىيە، ھندى روژين سالى...
ل بيرا منە ل سالىن ھەفتىيان بوو، عەمەرى شەرؤ دوو سندوقين دارى يىن مەزن
ل پشتا ھيسترەكى دكرن، تثرى وان سندوقان كتيبن مەزن و يىن بەرگ رەش و
ئنتىكە دئىنانە بنى چياى، ترؤمبيلەكا زيل يا لەشكەرى ل بنى چياى ل
ھيقيى بوو...

دگوٽن، دى بته شهر، دى قان كتيب وئنجيل ودهستخه تين كه قنار ژ سوٽن و
به رزه بونى رزگار كن، دى بنه به غذا...

نزا رزگار بوون يان دگه ل به غذا هاتنه سوٽن...؟

قه شه فرى جهى سه يرانين مه بوو، ژ بو گيرانا شانهديرا قه شه فرى فه له و
مسلمان ژ هموو جها كوم دكرن...

بيهنقه دانه كا كورت ل سهر هلانى نقيزا كر، چاڤين من ژ شينوارين كويسه له يان
قه نابن.

ئه قه نه تشته كى ئاساييه، تشته كى دبن كودكين قان كويسه له يان قه هه ي.
دى چاقه رى بم، دى خواه لى گرم. ئه ز ژى دى وان ههر حه فت جورين نيركين
گولا و به لگين گياى بكار ئينم.

دا هنده ك ئاڤا ته زى دگه ل خواه بيم و چمه د نواسكا خواهه به رى ئيك من ل قارا
بينت.

خوزى من هنده ك په رتووك دگه ل خواه ئينابان دا خواه پيئه مژيل كم.

نه هه رى... ئه ز و خواندن ژيك خلاس، ئه ز و ژيان ژيك خلاس.

تنى من سى هه يف كيم چار روژ يين مابين بلا خه وين خوش و گهش نه بينم.
دى بيهنقه دانه كى كم، ئيفارى گه رپانه كادى بمه لايه كى دى يى گه لى.

ئه ز ژ گه ليى زركا تير نابم، بيره وه ريىن زاروكينيا من نوى كرن.

دريزيا گه لى هنده ك گه لى و نهالين دى ژى دچن، ل ههر ره خه كى هنده ك
شينوار و نواسك و شكه فت هه نه.

هه كه ئه ف گه ليه ل ولاته كى ئه وروپى بان دابنه جهين گه شت و گوزاريى دا
بنه جهه ك ژ هه مى دنيايى وسه يرانجى دا قه سته كنى..

ئەم پىتە ب چو ناكن، تنى مە پارى ھشك دقئت بلا بهايى خوينا مە يا تەر
ژى بت... .

پارە... ئەى پىستىرىن تىشتى ھاتىە دروستكرن... .

ئەف ژيانە يا سەيرە، مروقى ئاگەھ ژ خوڭشيان نىنە ھەتا ژى بىبار نەبت.
بژىوا ژيانى، بزاف و ھەفھەفا كۆمكرنا مالى دنيايى مرنى ژبىرا مروقان دبت.
كەس ھزرا مرنى ناكى، كەس ھزرا ھەژارىيى و نەخوڭشيان ناكى.

تنى دەما مروف روژىن ژيىى خوە دەھرمىرت، ل وى دەمى دبتە مروقهكى
ئىماندار و خودان وژدان، دبتە مروف، لى، دەم ناھىلت مروقاتىيا خوە بكار بىنت.
خەوى لەش خاف كر، كىسخەوى چاف كىشانە خوە. وەك مارى رەش خوە
خشانە دناف كىسخەوى دا و بەرزە بووم.

لەشى ب ئازار و واستىاي مر، ھزب ھىقى كەتن، دلئ تژى كول بوو پەلاتىنك.
رېزا مروقىن ژ مرنى درەفن ھەتا دەرى گەلىيى زركا يا درېژە.
ئەزى ل سەر ھەلانى نقىژا روونشتىمە، تژى دەستىن من بەلگىن گىاي و
نېركىن گولانە.

ھەر كەسى دگەھتە بەرسىنگى من وەك پارىيى دېرى تژى ناف سى تلىن خوە
وان بەلگىن گىاي دگەل نېركىن گولا دكم و د ھەشىنمە دەفى دا.
ھىشتا تاما وان بەلگىن گىاي و نېركىن گولا نە گەھشتىنە گەدەيى نەخوڭشى،
چاقىن وى تژى ژيان دبن و دكتە ھەوار... .

__ ئەز چارەسەر بووم... .

__ ئەز زقرىن ژيانى... .

__ ئەز نامرم... .

دېمى من ژى گەش دبوو، سىھىن من بىن تژى كول دوەرمىن.

__ داىكا من دكرە ھەوار.

— کورئ من، لهزئ بکه تو ژئ هندهک وان بهلگین گیای و نیرکین گولا پاقئ دهقئ خوه... .

من کره کهنی.

— دایئ، ئەز یئ مریمه، مری نهشین بهلگین گیای و نیرکین گولا بخون. هەردوو زارۆیین من دکره کهنی.

— باب تو یئ ساخی، ما مری دئاخفن؟ ما مری قان کاران دکن...؟

ئەو نهخۆشئ ل بهر سینگی من دهقئ وی یئ بهشه یئ بلهز بوو، گۆت:

— بهرئ لهزئ بکه، چەند کئلیک یئ ژ ژییئ من مایین، ههکه تو لهزئ نه کی گونەها من و یا زارۆیین من دگەردەنا تەیه.

بهری ئەز وان بهلگین گیای و نیرکین گولا یئ من بو دهقئ خوه ئاماده کرین پاقیمه د دهقئ خوه دا، نهخۆش کهته سەر چۆکان.

من نهقیا وی تاوانئ ئەنجام بدم وببه ئە گهرئ مرنا وی. دهستی خوه درئژ کر دا وان سی تلین تژی بهلگین گیای و نیرکین گولا بکه ددهقئ وی نهخۆشئ ل بهر سنگئ خوه دا... .

ئیزرائیل ل هنداف سهرئ مه ئاماده بوو، دهنگئ ترسی ژ جهی هات.

— ژییئ ته، یان ژییئ وی...؟

چاقین من تژی ترس بوون، دایکا من کره ههوار، زارۆ و ههقژینا من هار و دین بوون.

ئیزرائیلی دهستی خوه بلند کر، وهک گهقئ گۆت:

— ژییئ ته یان یئ وی...؟

نهخۆشئ ل بهر سینگی من یئ کهتییه سەر چۆکان، دهقئ وی یئ بهشه یئ ل هیقییا دهستی من یئ تژی بهلگین گیای و نیرکین گولا.

دهستی تژی دهرمان دناقبهرا دهقی وی یی بهش و دهقی من یی ل هیقییا
دهستی من ما هلاویستی...

دهنگی بترس یی ئیزرائیلی ئەز ژ خه و هشیار کرم.

— ژییی ته یان یی وی...؟

ئهی ههوار...

ئهقه چ خهون بوو؟

مرن و مرن و هه مرن...

ما ژبلی مرنی چ تشتین دی نینن؟

بیرا من ل گوئین وی ههقالی هاتن یی دگوت:

— خودی مروّف شاش یی درووست کری.

د کهنی و دگوت:

— هه ل دهستیکی و روژا بوونا مروّفی دقیت ژ مرنی بترست.

مرن تشتی سههکییه ژیانی ئالوز دکت.

چهوا ژیان و مرن د ئیک مهژی دا ههبن؟

مرن بهرزترین پلهیه مروّف خهباتی بو بکت و بو دژیت.

هه کار و پلهیه کا مروّف دگههتی تنی ژ بو مرنه کا باشه.

ما چ جوداهی دناقبهرا مرنا باش و مرنا نه باش دا ههیه؟

ئهقه ئەز یی ژ مرنه کا باش رهقیم، من مرن ل جهه کی باش ب ئیکی نه باش

گوهارت.

ناقداره ک دیژت، هه که جگارا نه کیشی و کحولی فه نه خووی و فیقی و

کهسکاتیین سروشتی بخوی و سپورتی بکی و پیته بخوه بکی دی ساخلم

مری...

ئانکو هه دی مری...

من ھزر دکر ئەف ناوسکە کریتین جھە ژ بو تۆلقە کرنی ژ مرنی .
من قیا مرنی سزا بدم، دا شەرم ژ خوہ بکت .
ئھا تو ھەژى قى ناوسكىي، ژ كيلينيكيين ئەلمانیا من تو كيشايە قى ناوسکا
تارى ...

دياره مرن بەرى من يا رەقىە دقان ناوسكان قە .
مرنى كەس نەھىلايە وكەسى ناهىلت . ئەوين ئەف كەقرين رەق و ئاسى ھۆسا
جوان قوقلاندين و نكراندين . ئەوين ئەف گەليى ئاسى تثرى شينكاتى و ژيان
كرين . ئەوين بيلايين بلند ئاڧاكرين و يين مرن ل ھەژاران باراندين، و ئەوين ژ
ئاخى قالبين زيرى دروست كرين ...
كەس ژ مرنى رزگار نەبوويە ونابت .
خودى مروڧ شاش يى دروست كرى، ھەر ژ روژا ئىكى ژ ژيى وى مرن يا ل
پيشيا وى .

ئەرى ... ئەز ژ مرنى رەقىم و بەرەف مرنى ھاتم، تثرى خەوين من مرنە .
ل روژا نيڧرو ئەز يى خەونان ديينم، خەوين تثرى مرن، ژ ترسا خەوين درندە ئەز
نەويرم بنڧم .
دكتورا من دگوت :

__ نە ترسە، دى گەلەك خەوين كريت بينى ...
دەرى ناوسكى قەكر، تثرى سيھين من يين كول بايى ھوين بوو .
روژ يا بەرەف ئاڧابوونى دچت، وا ديسا بوو شەف ...
نەويرم ژ ناوسكى دوير بكەڧم، ترسا دەھبە و ئاديين شەقى .
دا ھندەك تيركىن كيراتا بو نيشانين گيايين كويسەلەى كۆم بكم و بو ھيڧيەكا
ستەور خوہ ئامادە بكم .

هیڅییه کا ستهور یان یا ئافز...؟

ئافزبوونا قی هیڅییه دی بته خهلاتی چه ندین سالی دی بو ژییی من یان ئەو

ژی دی بته خهونه کا کهر وکوره...؟

دا ئەف شهفه شه مالکه کا دی ژی هه بکم کا ژفانی من و کویسه له یان دی چ

ژی ده رکهفت...؟

ئەفه ئەز هاتیمه دفی نوسکی فه من ههست ب چو ئیش و ئازاران نه کرییه.

نزا ژ کهش و هه وایی جهییه، یان ژ مژویل بوونا هنزین منه؟

دبت کارتیکرنا قورچا کیماوی و دهرمانان هیشتا ب داوی نه هاتبت؟

هیڅییه من ئافز بوون، تژی مهژی بیهنا گیای و نیړکین گولا بوو.

کویسه له ل پیش چاقین من بوو ئەو په رستارا چاف شین و پور زهر.

دهستی خوه دانا سه رملی من، گوټ:

__ رهوشا ته گه له ک یا باشه... __

وهک پیره ژنین رؤس، گریچکا تلا خوه یا شه هدی سی جارن ل بانی میژی دا و

گوټ:

__ تو، تو، تو... __

فیا وهک مه بیژت.

__ ماشا الللا... __

تژی دیمی سپی بشکورین و هیقی بوون.

ههر وهکو ئەز بو دایکا خوه هاتیمه داران، من تژی له پین خوه تیړکین کیراتی کرن.

حهفت تیرک به سن... __

لقینا چه قین کیراته کی بیرا من لترسی ئینا.

دقیټ تو ههر بترسی، هه که چ ئە گهر ژی نه بن دقیټ تو بترسی... __

ترس ژ وئ ئاڤا دبهردیه گه وروویا خوه، ترس ژ وی بایی دهلکیشیه سیهین خوه. ژدهنگی بارانی، ژ دهنگی قوتانا ده رگه هی حهوشی، ژ ژقانا دگه ل یاری.

ژ هه ر تشتی و ژ چ تشتی نه...

هه که نه ترسی تو مروف نینی...

ئه ز و ترس هه قالجیمکن چ جار ژیک دویر ناکه فن.

ترس بنفت ئه ز زیړه قانییی لی دگرم، ئه ز بنقم ئه و یا ل هنداف سه ری من.

د خو شی و نه خو شیین من دا ژ بهر ته نشتا من دویر ناکه فت. یا بوویه به شه ک ژدابونه ریتان.

د خو شترین کیلیکین ژیانی دا ترس دیده قان و به شداره.

ماچه کی ل رویکی یارا خوه بدم، به ری لیقین من بگه هنه رویکی یاری، ترس باجا خوه ژ دلجی مه وهر دگرت.

ل روژا بوونا من تژی ناف کیک و شریناهییین ل بهر سینگی من ترسه.

ل شه قا زافاتییی به ری من ترسی روویین بویکی یین سوړکرین.

هه ر کاری دکم ترس سه رپشک، دقیت تزی ژ ترسی وهر بگرم دا بشیم ئه نجام بدم.

مروف هه موو ئیخسیرین ترسینه. نقیژتی بترس دکن، ئه قینی بترس دکن، نانی

بترس دخون، بترس دنفن، شه ر ب خوه تژی ترسه...

ئه م و ترس دوو برانه، دگه ل ئیک دژین، ترس برایی مه یی مه زنه.

ئه م باش دزانن و پشراستن هه ر دی مرن.

که س ژ مرنی ناترست وه ک مرن، هه که ئه م ژ مرنی ترسیابان نه دشیان ئیک روژ،

ئیک کیلیک ب ئارامی بژین.

نزا ئەم ژ چ دترسن؟ ئەھا ئەفە ئەز یی ژ مرنی درەقم، ئەز باش دزانم رەفین ژ مرنی مرنەکا دییە.

ئەو چ تئشە ئەز ژی د ترسم و ژی د رەقم؟

مرنە...؟ یان چەند کیلیکیڭ بەری مرنی نە؟

کەس ژ مرنی ناترست هەتا مرن نیک نەبت.

ئەری ئەم بو دژین؟ مروفان ئەف پرسە جارەکی ژخوہ کرینە؟

ئەم ژ بو چ دژین...؟

ژبو تیرکنا زک و بنزکایە...؟ یان کۆمکنا ملک و مالی یە...؟

هەر مرنە و هیلانە...

ئەم ژبو چ دژین...؟ ژ بو چ هەندە زۆلم و زۆرداری دکن؟

رویت ژدایک دبی... رویت دزقری گۆری تارى...

هەرکەسى مری، ب هەندەک رۆندکان خۆشتقییڭ مە دى خاترا خوہ ژ مە خوازن.

ئەو مروفی هەند مەزن، خودان شیان و دەستەهلات، دى تژی سەر کەلەخى وى

ئاخا سارکن.

ئەى مرن تو چەند میقانهکی کریت ودرندەیی...

نەهیز و شیان، نە مال و ملک، نە جوانی و ژیری.

ئەری ما چ تئشە نینن تە براوەستینن؟

نە کیلیکەک ل پيشە و نە نیک ل پاش...

ئەفە گۆتتا دایکا من بوو، هەر دگۆت:

ئەم میقانن ل قى دونیایى، مرن ژ هەر تئشە حەقتەرە...

نە کیلیکەک ل پيش و نە نیک ل پاش...

تژی ناوسکی پیلین تارىیى بوون، بيرا مرنی وگۆری تارى هاتە بيرا من.

شه مالکە کا دی هەلکر، ژ ترسین روڤناهییا شه مالکی تارییی خوه د کون
 وقولاچین نوسکی دا قەشارت.
 ژ ترسا مرنی ئەز خوه ل کیشه قەشیرم؟
 سی هیف کیم چار روژ دی چهوا سی هەیفین دی دفی نوسکی قە ژیم؟
 ئەز یی دبیژم دی چهوا ژیم...
 ما ئەز بو ژیانێ هاتیمه؟
 نهنه، ههکه کویسه له ی چ هیفی نه دانه من دی زقرمه مالا برایی خوه.
 باشتترین کلینیکین ئەلمانیا چ هیفی نه دانه من، ئەز یی ل هیقییا هیقییه کی ژ
 کویسه له یه کی پیر...
 مرن له زی بکه بهری هیقییا ژ ته بخوازم، بلا بو که سی نه بمه روڤندک.
 ئەف شه قە چ په لاتینک نه هاتینه ناگری. دا کاری خوه بکم بو دیدارا
 کویسه له ی.
 ئە قە حەفت تیرکین کیراتی، دی هەر جوړه کی گیای تیرکه کی ل بهر چکلینم.
 ئەها، بیرا من ل ته له فونێ هات، دی ژ دویر ب ته له فونێ فیدیۆکم دا ل بهر من
 بهرزه نه بت و دا کویسه له ژی نه ترست.
 ئە قە ته له فون ژی بلا ل بهر ته نشتا من بت، تیرا وی کاری تیهن و زاخ یا تیدا
 مای.
 دقیت زوی بنقم دا نه مینمه دخه، من و کویسه له ی ژقانه.
 گوړیا ناگری شه مالکی تژی دیوارین نوسکی ئەژده ها کرن. هەر لقینه کا من،
 شه په ک دژوار دناقه را وان ئەژده هایان دا دهلیخت. من ههست ب جو بارین خونێ
 لبنی نوسکی کرن.
 دا نه بمه بهر هانی ئەژده هایان، سه ری خوه کره دناف کیسخه وی دا.

خەو سولتانه، چ گياندار نەشىن خوە ل بەر بریارین خەوی ئاسی بکن.
 دو گەنجا پین من یین گرتین و دووا دەستین من، بیی کفن و نقیژ ئەز داھیلامە
 د گۆرەکی کولایی دا.
 دایکا من کرە هەوار...
 _ کورپی من بەردن...
 کەسی بەرسف نەدا.
 هەقژینا من کرە هەوار.
 _ کا کفنی وی...
 کەسی پیتە پی نەکر.
 دەنگی مەلای ب سەر وی پستەپستال ھنداڤ سەری من کەت.
 _ ئەی بەندی خودی...
 دەنگی دایکا من ب سەر دەنگی مەلایی کەت.
 _ کورپی من نە مرییە، ھوین بوچی باوەرناکن.
 ھاتە ھنداڤ گۆری، دەستی خوە درێژ کر و گۆت:
 _ ھلۆ، رابەقە، ئەف نە مروڤە دی تە ب ساخی بنئاخ کن.
 دەستی من گرت و کیشا، ژ بیھیزی و شەپزەھیا وی ژۆردا کەتە سەر کەلەخی
 من یی دگۆریدا درێژ کری.
 تژی گۆرستانی کەنی بوو، وەك بەریکانی گوندیان بەدەست ومەران پیکڤە ئاخ
 رادەنە سەر کەلەخی من و یی دایکا من.
 بیھنا من تەنگ بوو، تژی ناچقاڤین دایکا من ئاخ بوو.
 ب ھەموو ھیژا خوە من کرە هەوار.
 _ نە...
 کیسخەو یی بوویە کفن، بزۆری من خوە ژێ کیشا دەر.

دهرى نوسكى قهكر، مزگينيا روزهكا نوى ل پشت پوانكى گاي و زيرانكى
خويا دكر.

بلهز كارى خوه كر، نهو تيركىن كيراتى دگهل تهله فونى راكرن و بهرهف ژقانى
كويسهلهى چوم.

كويسهلهيى نهخوش يى ل بن كهقرى ل هيقييا ههقالى خوه.

من تهله فون قهكر، تيرا وينه گرتنى تيهن و زاخ تيدا مابوو.

ئهى ههوار... پتر ژسهد تهله فون و نامهيان يين بو من هاتين.

من دهمى بهرسقدانى نينه.

ئەز باش دزانم ههقرينا من و براى من بيدهنگ نامينن، دى پرس وليگهريانى

كن. بهرزهبونا من دى وان هار ودين كن.

دبت كيشه مهزن بت و جهين پهيوهنديار پيناگادار بكن...

دى وهره كويسهلهيى كهكيم، دى وهره، دا بهرهه مى قى هيقييا ستهور بينم.

ژيانهكا نوى... يان لپاشيا نوسكى وهك وان پهلاتينكىن بو ژنبايى هاتينه ناگرى

ببه خوهلى...

لئينا گياى تثرى چاقين من هيقيى كرن، وهك دهريينهريين درامايان من بهرى

كاميرا تهله فونى ئيخسته جهى كويسهله ژى دهركهتى.

وهك ههردوو روژين بوورى، ب دابونهريتئين هندوسيان كويسهلهى سهري خوه ب

سهري ههقالى خوهقنا ههر وهكو دييژتى من تو ژبير نهكريه ههقال.

زقري ناف گياى، دهقى خوه هاقيتته بهلگهكى گياى، پرتكه ژيئهكر، زقري بن

كهقرى، نهو پرتا بهلگى گياى كره د دهقى ههقالى خوه دا، زقري جوړهكى دى

يى گياى پرتكه ژى قهكر، نهو ژى كره د دهقى ههقالى خوه دا.

ويٺهتر دهڦي خوه هاقښته نيټرڪا گوله كڻي و پرتهك ٽيٺهكر، ٺه و ٽي بر و كره
ددهڦي ههڦالي خوه دا... .

وهكو ههر دو روٽين بوٽي، ههفت جوٽين بهلگين گياي و نيٽرڪين گولا كرنه د
دهڦي ههڦالي خوه دا.

ڦي جاري ٽي وهك روٽين دي ههڦالي خوه هيلا ل بن كهڦري و دناڦ گيايي
بوٽس دا بهرزه بوو.

گهلهك ب شارهزايي من ٺهڦ كاره ويٺهكر، ههر جوٽهكي گياي و نيٽرڪين گولا
تيركهكي كيٽاتي ل بهر چكلاند وهك نيشان و ٽ نيٽريك ههر جوٽهكي هندهك ويٺه
بو گرتن.

پشتي كاري كويسهلهي بداوي هاتي، ٺه ٽي هاتمه سهه هشين خوه.

بهزيمه سهه كانبي هندهك ٺاڦا تهزي هاقښته چاڦين خوه و دووسي مست بهردانه
گه وروويا خوه، ل سهه وي هلاني گونديا نئيٽر ل سهه دكرن روونشتم.

هزرا دووير برم، كه نيا ٺهڦيني كاتين داران ٺاڦر دكرن.

— كي دي بو من ههٽيرا هه ٺينت ٺه ٽي دي... .

سمكو دزاني مههه ماوهه.

بهري هه موويان وهك سڦورا ب دارههٽيري ڦه بسهه دكهت، ٺه وههٽيرا ٺهڦيني

تلا خوه دريٽر كربي دهاقښته د دانگا كراسي وي يي سوٽر دا.

دهنگي مههجه لوڪين بيٽقانين گوندي، بريٽن سيسك و كهوان ٽ ڦان بهتانان

دفراندين.

فرينا هندهك چووچكان تٽي دلي من ترس كر.

وهك پشتراستبووني من بهري خوه دا بن كهڦري، كويسهلهيي نه خوٽس سهري خوه

يي ٽ كودي خوه ٺينايهدهه، ههر وهكو سپاسيا ههڦالي خوه دكت.

تەزىلانك بىسەر لەشى من دا چۆنە خواری، دەنگى دايكا من تىرى مەژىيى من بوو.

— كورپى من نە مرييه... كورپى من يى ساخه...
من نەشيا خوه ل سەر پييين خوه بگرم، بەزيمه حەلانى نقيژا ل سەر روونشتم.
هەندەك ئاف ھاقيتە ديمى خوه، ھشىن من كومبوون.
ئەو بتلى ئافى كره د دەستى خوه دا، وەك كويسەلەى قىرا چۆم ھەر جۆرەكى
گىيای بەلگەك و ھەر نىركە كا گولى پرتەك ژيڤەكر و باش شويشت ھاقيتە دەقى
خوه.

حەفت جۆر، حەفت بيھن و تامين جۆدا.
هەندەك د تال و ھەندەك د تىژودژوار و ھەندەك د مز و ھەندەكىن دى د شرينوك
بوون.

ئاڧا كانىيى بىسەردا كر، وەك پەستارا من يا چاشين دگوتى:
— پشتى دەرمانا بيھنقەدانى بدە لەشى خوه.
من قەستا نوسكى كر، چەپەر باش بدەريڤە شەندان. ھەكە مرم يان بيھۆش بووم دا
چ دەھبە نە ئينە ژۆر...
تەلەفون گرت دا تېھنا وى تىرا من بكت، ھەكە نيشانين من بو گىيای دانايين ژ
جھ چۆن.

ھەندەك نانى ھشك رەشاندا و دگەل پىزى و ترشوكى خوار.
سەرى خوه كره د كيسخەوى دا و كارى خەوى كر.
دو دكتور و سى پەستار ھاتنە ھنداڧ سەرى من.
دويمين وان پەيامين خوشى و ئارامىي دگەھاندن.
— سلاڧ...

هندەك ئەكتە و تيشك تىكفەدان، تژى دىمىن وان كەيف و خوشى بوو.
__ مزگىنى... ئەو كولكىن پەنجەشىرى يىن سىھ و مىلاكىن تە ھلەھوراندىن يىن
بەرزەبووين.

تژى دىمى دكتورى سەرکەتن بوو، گۆت:
__ چ نىشانىن نەخوشيان ل تە نەماينە...!
دكتورا من يا دەمەكى درىژە چارەسەرييا من دكر، ب مەندەھۆشپە كە مەزن قە ئەو
ئەكتە و تيشك ژ دەستين ھەقالى خوە يى دكتور ئىنانەدەر و ب دوو چاقىن زىق
تىكفەدان، بدەنگەكى تژى ھىقى گۆت:

__ راستە... چ نىشانىن پەنجەشىرى ل تە نەماينە...
ھەردووا ھەك تىپەكا ھونەرى گۆتن:
__ تە چ كرىپە؟ تە چ دەرمان بكارئىناينە.
من قيا چىرۆكى بۆ وان بىژم.
ھەردووا كويسەلەيىن ل سەر كانىيى من دىتىن ھاتنە ژۆر. ھەك ئەكتەرىن شانۆيى
گۆتن:

__ مە دەرمانى دەردى وى يى دايى.
دەقى دكتور و پەرستاران بەش بوو، ترس و حىبەتى تىكەل بوون.
ئەز رابووم سەر خوە ب دىمەكى گەش پىشوازييا كويسەلەيان كر و گۆت:
__ راست دىيژن، وان دەرمانى دەردى من يى دىتىن ودى بتە دەرمانى دەردى
ھزارەھا نەخوشين قى ئىشا پىس...

پى ل بەر خەندىقنى خوە ب زلکان شە ژى دگىرىت

جەھ تارى بوو، كەس ل دۆرىن من نەما، من ھەول دا رابمە سەر خوە شيان نەبوون.
من قيا بکەمە ھەوار بېژمە دكتور و کويسەلەيان من نەھیلن، دەنگى من بسەر
نەکەت.

دلى من زىدە خوە قوتا، بېھنا من تەنگ بوو، ژخەو ھشياربووم، خوە لەشى
من يى تەر كرى.

تام و بېھنا وان گيا و نىركين گولا يىن من خوارين تىرى دەقى منە.
ئەزمان و پانكا دەقى من ھىشتا يىن دگەزن.

مەزن دىژن دەرمان دتالن، ئەقە د تال و تىژ و مز و شىنۆك بوون.
ئەو خاقبوون و لەرزكا لەشى من يا پشتى ژخەو رابوونى نەمايە، ھەست بەيژ و
بزاقي دكم.

دا گەريانەكى بەرەف شىنوارين قەسرى و ناسكىن بۆش بىم، رۆژا درىژ پى
كورت بكم.

ئەز يى ھەست ب خوشيەكا تايبەت دكم، بېھنا من يا فەرەھ دبت. ھەست دكم
ئەو تەنگاقييا ئەز د خوە دا دۆرپىچكرىم، ئاسويىن وى يى فەرەھ دبن و تايىن
رۇناھيى يىن دپەژن و دى خوە ب وان چەقكىن ھىقىيى قە گرم.
ئەز ژى ۋەكو كويسەلەيى نەخۆش دى فان جۆرىن گياى و نىركين گولان خۆم،
كا دى بتە دەرد يان دەرمان؟

ههست ب نیشانین باشییی دکم. لی ئەف نیشانه ههکه وههمهك بن ل نك پهیدا بووین و ههکه من چ مفا ژئ نه دیت، دقیت بهری تهنگاف بيم خوه بگههینمه مالا برایی خوه.

ئهفه نه کاری مروڤین فاما بوو من کری، دهردی من دهرمان نینه، مرنا من تنی دهم بو دقیت. قیت درهوا ل خوه نه کم ئەز تنی یی ل هیقییا وی کیلیکا مرن بهیت.

سی ههیف کیم چند روژ یین ماین، ههکه کویسه له ل تانا من نهین، بهری وان سی ههیفای دی دقئ نوسکی فه ژبرس و ترسا مرم. وهکو ههرجار دهری نوسکی باش گرت و ئەو کیتته یی بهرهقانییی پی ژ خوه دکم هه لگرت و قهستا سهه کانییی کر.

هندهك ئاف هاقیتته دیمی خوه و هندهك بهردا گه وروویا خوه، سلاقهك ل کویسه له یی نهخوش کر، و تژی بتلی ئاف کر و قهستا شینوارین قهسری کر. ئها ل قی جهی مروڤه کی ب هیژ وشیان حوکمرانی دکر. کهس نزانت یی دادپهروهه و جامیر بوو یان زۆلم و زۆردار؟

لی ههکه یی دادپهروهه با نه دشیا قی بیلایی دقئ گهلی دا ئافا بکت. تنی ترس و هیژه ئەف بهرین گران ب دهست و ملین مروڤان هوسا جوان نکراندین و بلند کرین و کرینه دیوارین بیلایی.

دنیا بو خودانی قی هیژی و قی دهستهه لاتییی نه ما. ل سهه ئەقرازیان وهکو بهری بیهنا من تهنگ نابت. ئها ئەفه نوسکین بوئن... گهلی وهکو زکی نهههنگه کی مهزنه، ل ههردوو رهخان ژبو ئاکنجیبوونی کهفر وهک ژۆرین بچویک قوڤلان دینه.

هندهك نوسك جهی دوو مروڤانه و هندهك جهی سی مروڤان. کتهك ژئ تنی جهی مروڤه کییه.

ژناقدا ژبو هه لگرتن و عنبارکړنا پیتثییین خوه، جهین تایبته هه نه وهک رفاتک و کولهک و تهختک.

ئهف ههردوو نوسکه یین مالا مه بوون، کهسی خوه لی نه دکره خودان. هه مالباته کا گوندی نوسکین خوه هه بوون، گوره پانا ل نیقا گهلی بوو په زی گوندی دکره هه فشی.

گه وروویا گهلی یا تنگ، بوچيلا کربوونه گوف.

گهلی وهسا یی ناسی بوو، فرۆکین دوژمنی نه دشیان توپباران بکن. ئهفه کوپی ره شه، واهه لاتا سه قهره، هه سال جوتهک سه قهرا هیلینا خوه لی درست دکن.

خوزی ئهز سه قهرهک بام، تنی دا ل جهین بلند ژیم، دویر ژمرۆقان، دویر ژکیشهیان، دویر ژپاره و بهر ژه وهندیان...

دا بزفرم، سوبه روژه کا چاره نقیسه؟

پا هه که ئهف کاره فه کیشا...؟

دیژن هفت جوړین گیای و هفت روژ...

ئهز نه شیم هفت روژا خوه ل کویسه لهی بگرم.

لهشی من هند یی سقک و تهنا بووی، هه ناسه یا من یا فره دبت، ئهز هه ست ب گیز بوون و ماندی بوونی ناکم.

ل زقرینی هندهک ئاقا تهزی دگه ل خوه بر، دهری نوسکی ل خوه گرت، ئاگری شه مالکی جه کره گرتیخانه.

نانی هسک ب ئافی ره شاندی دانا بهر خوه، ئهو سیرک و قوراد و پیمیشک یین من ژ بنی گهلی ئیناین، دی بنه خوشتین پیخوارن.

شەفە کا دی و شەمالکە کا دی، ل هیفیا هیقیین خرش. نەنە بوچی خرش هیفی
ددلان دا شین دبن و هیشتا دلێ من یی خوە دقوتیت، ئانکو جان تیدا مایە و
هەبوونا جانی هەبوونا هیقییایە.

لێ دەم یی راوەستیایە، روژ یا دبتە سال، شەف یا دبتە وەرژ.
هەست دکم ئەفە سالە کە ئەز یی دقێ نوسکی فە، بیھنا من یا تەنگ دبت، نزا
لەزێ چمە؟

لەزێ مرنا خوە مە یان لەزێ وی هیقییا بیمانا یا من د سەری خوە دا
فەھاندی؟

نوکه هەفژینا من هزار تەلەفون و پرس کرینە، برایی من و مروقین مە ئەف
ولاتە تیکفە داینە...

پشتراست بن هوون من نابینن، کەلەخی منی رزی یان هیقیین من یین تژی...
تاری یا پیکولی دکت روئاهییا شەمالکی بخەندقینت، گوریا ئاگری شەمالکی
وەک سەماکەرین سەرخوش خوە ل سەر پین خوە ناگرت.

ئەژدەھا یین لەقا ل دیوارین نوسکی ددن، خەو یا رەھین دلێ من دپەرخینن.

وەک کویسەلەیی خوە د ناف کودی خوە دا دقەشیرت، من خوە کرە دناف
کیسخەوی خوە دا و خوە کرە قورمک.

ئیشانا پەراسیین من هەر زوی ئەز ژ خەوی هشیار کرم، وەک تەقنی تەقنیرکا یی
دناف کیسخەوی دا مایمە ئاسی.

من هەست ب بیھنا روژی کر، دەری نوسکی فەکر، زەراتییا روژی سلاف دکرە
چاقین من.

قەبینا کەوا ل خیزگەزکی هیژ دا لەشی من یی تیر خەونەبووی.

ب لەز قەستا ژفانی کویسەلەیی سەرکانییی کر.

ل جهی هه رجار ل هیقییا کویسه له ی حه کیم مام. لقینا گیای چاقین من زیقکرن. وه ک پیره میزین دیندار ل ژقانی نقیژا سپیدی کویسه له ی قهستا هه قالی خوه بی ل بن که قری کر، سه ریڼ خوه پیکفه نان، فیجاری هه ردو پیکفه ژبن که قری ده رکه تن. کویسه له ی حه کیم که ته پیشیا هه قالی خوه، هه ر جوړه کی گیای و نیړکین گولا دگه هشتی ل بهر دراوستیا. هه قالی وی بی نه خوښ ده فی خوه د هاقیته پارچه یه کی ژی دخوار.

پشتی هه ر هفت جوړین گیای و نیړکین گولا خوارین، کویسه له یی نه خوښ زقری جهی خوه بن که قری و هه قالی وی دناف گیا و پویشی دا به رزه بوو. فی دیمه نی باوهری و هیقیییڼ من ئافزکرن، من ژی وه ک کویسه له یی نه خوښ هه ر هفت جوړین به لگین گیای و نیړکین گولا یین من نیشانکریڼ، خوارن. ل سه ر کانییی هنده ک ئافا ته زی ب سه ردا کر و زقریمه ناوسکی.

ل وی ژیهه لیا دچته ناوسکی وه ک روژین پیشی من هه ست ب واستیانی نه کر. بیهنا من ئاسایی بوو...

ژیان وه کو فی به ته نییه. بزه حمه ت بسه رده که فی و زوی گریل دبیبه بنی نهالی... لی فی جاری لیدانین دلی من بله زتر لیدان، بیرا من ل مرنی و سی هه یف کیم چهند روژان ئینان.

دی مرم...؟

ئه فه نه ز چ دکم؟

ئه فه خوه کوشتنه...

نه نه من هیقییه کا چاندی...

خوه هی له شی من ته رکر، بیهنا من دناوسکی فه نه هات. ل هنداف وی بلنداهییا ترسناک، هزرا خوه کوشتنی تژی مه ژییی من بوو.

دا خوہ ژ قی تہنگافیی بینمہ دہر۔ تنی دو پیئنگاخن، ژوردہ خوہ پاقیژم۔ دی بمہ
خوارنا گیانہ وەرین برسی، کەس بو من روئدکان نا بارینت۔ دبت هیقی دناف
کەلەخی من را کاتا بدن یان برزن۔

دەنگی عەوەرین پاییزی ژ ہناقین من ہات، ل وی جہی من بو دەستتافی
دروستکری، خوین دگەل دەستتافا من ہات۔ ترسا من ژ مرنی کرہ راستی۔
من خوین دیت، من دیت خوین د بن من دا چۆ۔ خوین نہ نیشانین خیرینہ۔

دی مرم، بەری سی ہہیف ہداوی بیئ، دی مرم۔

بترسەکا زارۆکینی قەستا ناوسکی کر، دەری ناوسکی باش ل پشت خوہ گرت،
دناف کیسخەوی دا خوہ کرہ قۆرمک۔

خەو و ترس بیئ د شەرہکی دژوار دا، ہەکە خەو بسەر کەت دی بمہ ئیخسیری
لەشکەری خەوی، ہەکە ترس بسەر کەت دی بمہ شەہید، شەہیدەکی بی گۆر۔
دی مرم، دگۆتن ئەف ئافاتە نہ خووشی بیہیز دکت ہەتا خوین ژ ہناقان دبارت۔
ئہا خوین ژ ہناقین من باری... من خوین دیت۔

لەشکەری خەوی ہیرش کرہ سەر لەشی بیہیز، بەرہنگاری ہند یا لاواز بوو
ئیکسەر مەژی و دل داگیرکن۔

د وی ژورا لیکدای ل بہر سینگی ژنہکا سیہسالی وەک ئیخسیرا یی روونشتی
بووم۔

برەخ من قە وەرگەرەک کورد۔ ہندەک کاغەز ددەستی دابوون۔
دو لیقین سۆر گۆتن:

__ ناقی خوہ یی سی قۆلی بیژہ...۔

بەری ئەز چاقین خوہ بیئ تژی ہیقی ژ لیقین وی بیئ سۆر بگۆرمہ چاقین
وەرگەری، ئیکسەر ئەو گۆتن کرنہ کوردی..

دەقى من ھشك بوو، زمان لال بوو. وەرگەر مال ھىقىيا من، دا بو خودانا ليثقا
بگوھۆرتە ئەلمانى، ئەو يا مژيل بوو ب ھندەك كاغەزان قە.
پشتى بەرسف گيرۆبووى، سەرى خوە ژ ناف پورا زەر ئينادەر و دوچاقين شين
ئىخستەنە چاقين من و ئاورىيەك دا وەرگەرى.
ئەو ژى نەچاربوو جارەكادى بيژت:

— بەريژ... ناقى خوە يى سى قولى بيژە...؟
پشتى من ناقى سى قولى گوتى، وى ژى بو خودانا ليثين سور گوھارتىيە
ئەلمانى، ئىكسەر گوت:

— ئەو چ ئەگەرن تە وەلاتى خوە ھىلاى و ل قى وەلاتى داخوازا پەنابەرىيى
بكى؟

ديسان چاقين شين بوونە بزوتين ئاگرى و ھزرين من سوتن...
بەرى ليستا ئەگەران ب داوى بينم، دەرگەھ قەبوو، دوو ئەژدەھا ھاتنە ژور.
خودانا ليثين سور و وەرگەرى كاغەزين خوە كۆمكرن و كارى دەرکەتنى كرن.
من دەستى وەرگەرى گرت و گوتى:
— من نەھىلە بتنى، ئەز زمانى قان نزانم.

گوت:

— ئەو ھەموو زمانان دزانن...
كەلەخين وان نە وەك يين مروف و گيانەوهران بوون، دەستين وان ھند ددریژ بوون
دگەھشتنە بانى ژورى. ھەر دەستەكى دەھ تل ھەبوون، تژى ناف تليان وان
موى بوون. ھەر ئىكى دوو گوھين مەزن ھەبوون، چ چاف و دفن ل ديمين وان
نەبوون، دەقين وان تنى كونه كا بچويك بوو.
من نەدزانی كا دكەنن يان دگريين، وەك ھەوارى گوت:

— ئەم ناڧى تە دزانن، تنى بۆ مە ديار بكة ئەو چ ئەگەرن ئەو وەلاتى ژيان دايە تە تەبجەھ ھىلاى و ل قى ناسكى بوويە مېڧان؟

ئەو ژورا لىكدای و تژى تشتين سەردەم، بوو ناسكە كا تەنگ و تارى.

ئەز ژوى خەوا گران ھشياربووم، برسى ترس ژ بيرا من بر.

ئەز گەلەك يى برسيمە. ئەو شەمالكا من ھەلكرى ھىشتا يا شەرى دگەل تاريى دكت.

دلى من ژ نانئ ھشك و وان گيايىن من ژ گەلى ئينايى يى رەش دبت. وەك ژنيى دووگيان ئەز يى مەھا ل پشكە كا گوشتى دگرم.

ئەفرۆ دى پىسكىتا خۆم، بەلگىن گياى و نىركىن گولا يىن ئەقە دوو رۆژە ئەز دخۆم دلى من يى ل خوارنى قەكرى، ئەز تىرناىم...

من دەرى ناسكى قەكر، رۆژ ھىشتا يا ل نىقا ئەسمانى.

دى چەوا بتە شەف؟ و شەف دى كەنگى بتە رۆژ...؟

نزا ئەز لەزى چمە؟ ئەز ل ھىقىيا چمە؟

شەف بت يان رۆژ، ئەو دۆزەخا دەناڧين من دا ھەر يا ھلە.

نەنە، ئەقە دو شەف و رۆژن من ئاگەھ ژ ئىش و ئازاران نەمايە.

دبت ژ بېھنا خوەزايى و دويركەتنا من ژ جھى مرنى بت؟

نزا... تنى ئەز باش دزانم ئەقە ئەف ئىشە كەتتە ھناڧين من، رۆژى ھزار جاران

من ھىقى ژمرنى دكرن. نھو ئەز ھىقىيان بۆ ژيانى دخوازم.

ئەقە جارا ئىككىبە پىشتى قى ئافاتى ئەز ھەز ژيانى بكم. ژدل من نەڧىت بمرم،

من دڧىت بريم.

راستە كەسى نەڧىت بمرت، لى ئىش و ئازارين لەشى من، مرن ل من كربوو زير.

چەند جاران من ھزر دخوەكوشتنى دا كرىبە؟ ئھا ئەقە ئەز يى ھزرا ژيانى دكم.

ژيان؟ كا ئەو نھىنىيا گيان خوە پى دگرت؟ ئەو كىژان ئەندامە؟

گیان د کیژان قولاچا له شی دایه؟

گیان بخوه چیه؟

تنی هه ناسه یه یان لئین و خوینه؟ یان ژی تشته کی دییه هیشتا گیاندار چ ژی نزان؟

داوی کیلیکا مرنی تنی هه ناسه یه، هه لکیشا و بهرنه دا..

هه ر که سی دژیت گیانداره؟ یان هه ر گیانداره ک دژیت؟

ژیان تشته کی دیه، ژیان تنی هه سته، هه ست کرن ب هه رتشتی. یان ژیان هیقییه که و ل هیقییا وی هیقییی دمینین.

دهمی مروف هه ست بکت، ئه ل وی دهمی گیان هه ژی ژیانیه...

مرن یا ل بهر ده ری نوسکا من و ئه زی هه ر چ دکم؟

ئه قرو ئه ز گه له ک یی نقستیم، دا گه ریانه کی بو لایی شکه فت هه نارکی و ئاقا هه قیر بېم بهری ل من بېته شهف.

ئه زی شهف و روژان د هژمیرم هه روه کو ل هیقییا ژدایکبونا زاروی خوه یی نه خری...

چه قو و کیته دگه ل خوه برن، ده ری نوسکی گرت، ژوردا به ر هف کانیهی چوم. هه نده ک ئاقا ته زی ل دیمی خوه کر و چه ند مسته ک به ر دانه گه وروویا خوه، تژی بتلی ئاف کر.

به ری من که ته کویسه له یی نه خوش، تژی دیمی من ترس و هیقی بوون.

ترسی بېرا من ل مرنی ئینا و هیقییان بېرا من ل کویسه له ی ئینا.

سوبه من و مرن و ژیان و هیقییان ژفانه.

سوبه روژا سییه ئه ز فان جوړین گیای و نیړکین گولا دخوم.

سوبه دى زانم كا ئەفە ياربيە كە ئەز بژيانا خوە دكم يان بەختە كە قان كويسە لەيان
دايە من...؟

رۆژا سيبى كويسە لەيبى نەخۆش رابوو سەرخوە. هەكە من ژى هەست ب هيزى
كر، ئەفە نيشانين خيريئە.
ژيان ب هەموو درنداتييا خوەفە هەژى هەندى هەيبە مروف بەرهقانيبى ژى بكت.
هەندەك جاران مروف حەز دكت بژيت دا ژيانا هەندەكين دى خۆش بكت.
ئەها من ژى دقيت بژيم دا هەندەكين دى رۆندكان نە بارينن، دا هەندەكين دى باشتەر
بژين.

ژيان باجا تە چەندا گرانە...؟
ژۆردا بەرهف دەرى گەلى چۆمە خوار، گەلييبى نانسكين بۆش كەتنە دەستى
من يى راستى.

شكە فتا جانى كەتە دەستى من يى راستى، نزا كى ئەف ناڤە دانايە سەر؟
ئەز يى بەرهف دەرى گەلى دچم. دترسم پييين من من ببە گوندى.
گۆرستان كەتە دەستى راستى، گونديان دگوتى قە، دانەمران دگوتنى
مناسب.

ئەف قە گۆرستانە كايكدای و چارگۆشەيه، گۆرپين وان ژ خانيبين گونديان
بەروبه رتر بوون.

كەس نزانن كا چ ئايين و چ مللەتن. وەسا ديارە قيرى جەبى شارستانيبە كا مەزن
و بەيز بوو. خودانين قان گۆران خودان شيان و دەستەهلات بوون.

ئەها ل قيرى دبتە دوورپان، ئيك بۆ زرکا و هەرفتەى، يا دەستى راستى بۆ
شكە فتە هەناركى و ئاڤا هەڤير.

پشتا من كەتە دەرى گەلى و تەحتكين كونسورا. قوتانا دلې من زيده بوو.
دلې گۆت هەره گوندى...

مهژی گوت هیشتا زوویه .
 دلی گوت هتا کهنگی ؟
 مهژی بهرسف دا و گوت هیشتا من بریار نه دایه .
 لهشی لاواز ما بی لایهن...
 دهمی ئەم دهاتنه زرکا ئاڤا شرین ل بهرانبهری تهحتکین کونسورا، ئەم ژکه ریڻ
 خوه په یادبوون و هەر ئیک ژ مه سی بهر دهافیتنه وی تهحتی بلند بی سهری
 وی چهند کونه کین بچویک لی .
 هەر کەسی بهریڻ وی کهتبانە د وان کونان دا ئەو کەس بههشتی بوو .
 ئەم چهند دساده بوون...
 هه که چونا بههشتی بهافیتنا سی بهران با، کەس نه دچو دۆزهخی ..
 ژبو چونا بههشتی هندەک بین نفیژ و روژ و خودی پهرستی دکن، وهندهک
 ژی بین سهرین مروقان دبرن و بین ژیانە ل بهر خوه و مروقان دکنه دۆزهخ دا ل
 مرنی بچنه بههشتی .
 ئەم بی ل هیفی بههشتی بهافیتنا سی بهران بدهست خوهڤه بینن...
 من گهلهک قیا سی بهران بهافیتز مه د وان کونان، لی من هیز نه بوو .
 ئەها فیڤی بوو... ئەری دناقبه را قبی و شکه فتا جانی بوو .
 ئیڤارا دهستیپکا شورەشی بوو، گوندی رهڤینه دقان گه لیان دا .
 هندەکا زارو قورتالکرن، هندەکا بهز و هندەکین دی گاران .
 ئەها لڤیری بوو، ل مه بوو شهف، دهنگی تۆپ و چه کین گران گاران
 به لاقه کر، هەر گوندییەک برهخه کی فه چۆ .
 ترسی ری ل بهر من بهرزه کر . سهیی من بی بهلهک ئەها ل فی گه لی زیره قانی ل
 من دکر .

درهوی تراشان.. درهوی بن بهران... درهوی ئادی و گیانه وهرین شه قی. .
 درهوی توپ و موشه کین دوژمنی...
 ههتا بهری سپیدی ل دۆرین من یی هشیار بوو...
 ئهال ل قی گهلی، گوندیان ئەز هیلامه بتنی...
 ژ بهر په قینا دهنگی چه کان، گاران به لاقه بوو.
 گوندیا گاران به رهف نوسکان برن.
 ژ ترس و تارییی ئەز کهتمه ناڤا هندهک تراشان دا.
 کهس ل من نه بوو خودان، تنی سهیی بهلهک ژدۆرین من دویر نه دکهت.
 خوزی نهو سهیی من یی بهلهک ل قیری با...
 شکهفت هنارکی، ئاڤا هه قیر... کی ئەف ناڤه ل هه وه کرینه؟
 ئهال قیره، سهیران و گهریانین مه بوون. ل وی دهمی هه رتشت یی بهها و بتام
 بوو.
 ژيانا خه لکی گهلهک یا بزهمهت ودژوار بوو، لی پری هیقی و خوشی بوو.
 جلکین وان د ئه رزان بوون، ریژگرتن ل نک وان یا بهها بوو.
 باری وان یی گران بوو، هیقیین وان د ساده بوون.
 پیلاڤا من یا تهنگ بووی، پیین من دئیشینت، یان کهس نینه ئەز گازندا ژی
 بکم تنی پیلاڤا من یا مای...؟
 پیلاڤ، ئەو ئالاڤی گهلهک خزمهتا مروڤا دکت و مروڤ ب چاقه کی کیم لی
 دنیرت.
 سهیره ئەف نازناڤه بو وان که سین کیرنه هاتی و بیبها دئیته گۆتن.
 د دهمه کی دا هه که پیلاڤ خزمهتا مروڤان نه کت ژیان دی گهلهک یا دژوار و
 سهخت بت.
 دیژنه مروڤین بیوه فا سه...

ديئژنه مروؤقن كيرنه هاتي بيها پيلاف...

سه و پيلاف ژ هه ر تشتي پتر خزمه تا مروؤقان دكن...

چ بي وه فاييه...؟

دي زفرم، بهري ل من بته شهف، ته زيي ههست برسعي دكم.

دي زفرمه مال، دي زهنگا دهري لي دم، ههردوو زارؤيين من دي ل پشت دهري ل هيقييا من بن.

ههقرينا من دي دهستين خوه فهكت و من دناف سينگي خوه دا گقيشت.

دي بته شهري زارؤيان كا كيژان بهري بي دي دي ژ ناخي بلند كمه بهرسينگي خوه.

ههقرينا من دي دهستين خوه هاقته چاين من و بهرهف لينانگه هي بت و بيژت.

__ تو دزاني من چ خوارن تاماده كرييه...؟

وهك هه ر جار دي بيژمي:

__ پارچهك ژ دلي خوه...

دي تزي ناوسكي كهني بت...

تهي هه وار... ته ز چند بي ژدهنگي هه وه خه ريب بوويم !

چهند بي ژكه نييا هه وه خه ريب بوويم، چهند بي ژ ته و نازداريين ته خه ريب بوويم...!

دلي من چند بي دچته خوارنين ته، تهوين تو ب ده مژميران پيغه دماي.

خوزي و هزار جاري خوزي، تني جاره كادي من هوين هه مبيژكربان.

جاره كادي ته ز ل بهر ته نشتا ته ل سهر ميژا خوارني روينشتبام.

ههردوو زارؤيان تزي سهر جلكين من پني و چپكين خوارني كربان.

ب دهستين خوهيين بچويك پاريين خوارني كربانه دهقي من دا.

خوزى... ديسا خوزى...

نوکه ته مه‌ژيى برابى من هيرکريه ژ پرسان، برابى من ژى دهوک و هه‌ولير
بين سهروبن کرين...

کهس من نابينت، کهس نزانت ئەز ل کيشه مه و چ دکم...
ئەز بخوه ژى نزانم...

ئها ئەفه ئەز گه‌هشتم، کهس ل هيقييا من نينه، دهنگى زارويان نائيت...
دهرى نوسکى فه‌کر، ترس ژ تاريى دزا، بهرى هه‌ر تشتى شه‌مالکه‌ک هه‌لکر.
نانى هسک دگه‌ل ئاقى ئاماده کر، ئەو گيايين من ژ گه‌لى ئينان بين هسک
بووين. سوبه دى هنده‌کين دى ئينم، ئەف جورين گياى هيژى ددنه له‌شى من.
دايکا من هه‌ر دگوت، يى سالى هفت جاران گيايين سالى بخوت چ جار
نه‌خوش نابت.

دهنگ ژ ديوارين نوسکى هات.

__ هه‌تا کهنگى دى خوه فه‌شيرى؟

چاقين من بين زيق به‌رسف دان.

__ ئەفه تنى سى روژن ئەز ژ مرنى ره‌فيم...

بانى نوسکى کره هه‌وار.

__ ره‌فين ژ مرنى مرنه‌کا ديه...

گوه به‌ل بوون، ليئين هسک به‌ره‌فانى ژ گيانى واستياى کرن.

__ تنى چهند روژه‌ک بين ماین بريارا چاره‌نقىس دى ئيته دان.

مرن د قى نوسکى فه وه‌ک وان مروئين ئەف نوسکه دروست کرين، يان دووباره‌يه

ژيان، قى جارى ژيانى دى تامه‌کا دى هه‌بت...

ژيان... چار تيين بچويک، واتيه‌کا مه‌زن.

تپا (ژ)... ژيان ژیری وژیار و ژنه. بژی بو ژيانی... ژيان ژ من و ژ ته پیک
دئیت.

تپا (ی)... ب یار بژی، یاریا ب ژيانی نه که، یان جوان بژی یان بهیله یین
دی بژین.

تپا (ئا)... ئازاد بژی، ئارام بژی، ب ئەفینداری بژی.

تپا (ن)... نه هیله نه حهز ژيانا ته نه خوش بکن...

ژيان... ژيان... ژيان... ژيان.

ئەف هەر چار تیپین تژی هەر تشت، دی بنه دوو تیپ...

مر...

گۆریا شه مالکی گازنده کرن.

— شه ری من و تاریی هه تا کهنگی دی یی بهردهوام بت؟

تاریی وهك ئەژدهایان هیرش دکره سهر گۆریا ئاگری شه مالکی چهپ و راست

رادکره سه مایی. شه مالکی ژى خوه دسۆت دا تاریی ژ سنۆرین خوه دویرکەت.

خهوی دل و مهژی و لهشی واستیای داگیر کرن.

دهسته کی بیجامین شین یین خیج خیج ل بهر من بوون. کۆلاقه کی دهزیا یی سپی

د سه ری من بوو.

دهستی من یی راستی یی د دهستی بابی من یی چهپی دا.

ئەو تویرکی پاتهی یی د دهستی من یی چهپی دا، چەند لبین شریناهیان یین

تیدا.

ئەفه مالا ده هییه ئەم جهژنا وان پیروز دکن، دلی من یی بچویک بلهز خوه دقۆتا.

ئەم یی نیژیکی مالا گولی دبن.

— دی چ بیژمی؟

بهري بابي من دهري حهوشي فهكت، هندهك زارويان دهرگهه ژناڤدا پالدا.
ل نيڤا حهوشي ل هيڤيا ميڤانا يا ئاماده بوو، سينييهكا شريناهييان ددهستان دا
بوو.

دهمي ئهه ديتين، تڙي ديمي وي يي سپي گرڙين بوو، گوت:
_ هوون بخير هاتن...

بابي من خوه نرم كر، ماچهك ل نيڤا سهري وي دا و گوت:
_ جهژنا ته پيروژ كچا من...

چاڤين گولي مانه ل دهفي من، دهف بوو بهستي، ئهزمان لال بوو، تني چاقان
سلاف كرن.

ئهو يا مهزن بوو، كچهكا جوان و ليكداي بوو. من ههست ب شهرمي كر.
ئهري بوچي ئهز هيشتا يي بچويكم؟ بوچي من ئهف بيجامه لبر خوه كرينه؟
بهري چهند روژان بابي وي ل نيڤا گوندي دگوت:
_ ليكدان و سهروبهري ته وهكو يي پاريزه رانه.
گولي دهفي خوه نيزيكي گوهي من كر و گوت:
- پيجامين ته گهلهك ژ بهژنا ته دئين...

بهري من كهته بهژنا من چ بيجامه دبر من نه بوون، ئهز يي رويس بووم.
جلفهك ب من كهت، ئهز ژ خه و هشيابووم، گوريا شه مالكي د سهمايه كا
سهرخوش دابوو.

دهري نواسكي فهكر، تڙي سيهين من بابي هوين بوو، روناهيا روژي سهري
پاوانكي گاي يا زهركري، قهبينا كهوان ل خيزگه فزكي تڙي گهلي ژيان كرينه.
دي مهسيني و في تراري دگهل خوه بم، پشتي خوارنا گياي دا هندهك ئاڤي ل
سهر لهشي خوه دا بكم، پيدفي ب بالاقهكا سهر پي مه.
وهك عاشقهكي ئهفيندار بلهز قهستا ژفاني كويسه لهيان كر.

کویسه‌له‌یی پیر هات و هه‌قالی خوه دا دگهل خوه، هه‌ردوویان پیکشه وهك هه‌ر روژ به‌زینه به‌لگین گیای و نیرکین گولا خوارن.

کویسه‌له‌یی نه‌خوش زقری بن که‌قری و هه‌قالی وی دناف گیای دا به‌رزه بوو. وهك نه‌ریته‌کی ئولی من ژی هه‌ر حه‌فت جوړین به‌لگین گیای و نیرکین گولا خارن، ل سهر کانییی هندهك ئاڤا ته‌زی به‌سهردا کر.

ما تو بیژی مام محه‌مه‌دی حه‌کیم ئه‌و قوډیک و کیسک و تویرکین وی خر ئه‌ف گیایه بوون؟ وی خه‌لك ب هه‌یڤا ل مالا خوه ب خودان دکر تنی دا چاره‌سه‌رییا ئیش و ئازارین وان بکه‌ت. خه‌لکی هیڤییه‌کا مه‌زن ب وی هه‌بوو، چیرۆکین وی بین حیبه‌تی د چاره‌سه‌رییی دا خه‌لکی باس ژی دکر. ئه‌و کورئ عه‌مه‌ری حه‌کیم بوو، بابی وی یی ناقدار بوو. رینیشاندهری هیڤییین من ژی کویسه‌له‌یه. تژی مه‌سینی ئاڤ کر و ب سهر له‌شی خوه یی بیه‌یز دا کر، ئاڤا ته‌زی هشین من کوومکرن.

تژی ده‌ستی خوه شامپو کر، له‌شی لاواز پی په‌رخاند، مه‌سینه‌کی تژی ئاڤا ته‌زی به‌سهردا کر، تژی جهی قریژ بوو.

ل سهر وی که‌قری کویسه‌له‌یی نه‌خوش خوه لبن فه‌شارتی روینشتم. هه‌را ئه‌ز بلند کر مه‌ هنداف وی نه‌خوشخانا ئه‌ز لی که‌تیم، هه‌وارین من ئه‌و نه‌خوشین ل دوړین من هیرکرن، ئاگر تژی هه‌ناقین منه، مرنی ب هه‌موو مالی دنیایی دکرم.

ده‌ستین خوه ب له‌شی خوه‌دا ئینا خوار، ئه‌فه راستییه یان خه‌ونه؟ هه‌ست ب چ ئیش و ئازاران ناکم...! تاما ده‌قی من یا تاله لی تالییه‌کا بله‌زه‌ت. ئه‌و له‌شگرانی و خاقبوون نه‌ماینه، بیه‌نا من یافره‌ه دبت، نه دکوخم، نه گیز دیم. ئه‌ی هه‌وار...

ئەزىيەت ساخ دېم... .

يان ئەزىيەت مەرم... ؟ ئەقە نىشانىن مەرنىنە؟

نەنە، ئەقە نىشانىن ساخبوونىنە، ھەست ب چ ئىش و ئازاران ناکم.

ئەقە چار رۆژ بۆرىن، رۆژ بۆ رۆژى لەشى مەن يى سقك دبت، ئەو گىژبوون و

دلرەشى نەمان. تەن ئەو خوينا دگەل دەستاقى دئىت، تى تى دلى مەن ترس دكت.

دا ھندەك ئاقا تەزى دگەل خوە بېم بەرى ئىك مەن ل قارا بېننت.

ل دۆرىن كانىيى ھندەك پىز وپىنگ بۆ تىشتى دگەل خوە بر، دگەل نانئ ھشك و

ئاقا تەزى دانا بەرسىنگى خوە، ھىشتا تى بېلکىن چاقىن مەن خەوہ.

حەفت ھەفیيىن خەش...ئىكا ناھز..

حەفت رۆژ و حەفت شەقین تىرى ھىقى و ئۆمىد دگەل كويسەلايان بۆرىن. ھەر رۆژ ئەز و كويسەلەيى نەخۆش يىن ھەست ب ھىز و بزاقى دكن... .

ژیوارى ئەز تىدا گەلەك يى ئالۆزە، ئەز تىناگەھم ئەقە چىە دئىتە سەرى من؟ نەنە... ئەقە چىيە ئەز دئىنمە سەرى خوە؟

ئەقە خەونە يان ئەز يى مريمە؟

ھەست ب گىژبوون و دلتنەنگىيى ناکم، ژيان يا ل بەر من شرین دبت. قۇلكانا خوينى ماسۆلكىن دلئى من يىن ئىخستىنە كارى، رەنگى من يى خۆش دبت، يېھنا من يا فرەھ دبت، تىر دنقم، تىر دخۆم، تىر دگەرم...

چ نىشانىن نەخۆش يى ل من نەماينە، ئەقە نە تىشتەك ئاسايىە.

دبت ئەقە ھەموو خەون بت؟! ھەكە خەون بت، چەند خەونەكا خۆشە

بلا چ جاران ژى ھىيار نەبم.

ئەقە حەفت رۆژ بۆرىن، دبت ھىشتا كارتىكرنا وى قورچا دەرمانى يا پەرستىارى بەردايە ناف رھا من، ل سەر لەشى من مابت؟

يان دبت ژبەر مژويلبوونا من و قى خوەزايى جوان و خۆش بت؟

يان دبت ژ دویركەتنا من ژ مرؤف و ئارىشىن وان بت؟

دبت... دبت...

ھەر تىشتى ببت بلا ببت، تنى ئەف خۆشى و ئارامىيە بۆ من بمىنت ھەتا دمرم.

ئەقرو دى لەشى خوە شۆم، چەند رۆژ بۆرىن من لەشى خوە نە شوپىشتى. جارا

دى من باش خوە نە شوپىشت بوو، تنى ھندەك ئاف بسەر لەشى خوە دا كىبوو.

من چ ئامانین ئافگەرمکرنی نینن، دى ب ئاڧا تەزى شۆم.
 جلكين ل بەر خوە گوهورم، جارى نا شۆم، هەتا يين پاڧتر خلاس بن.
 هەكە مامە ساخ دى پالاڧى كەم، هەكە مرم بلا ب پيساتى ڧە دگەل ئيشا پيس
 بو خوەزايى بمينن.
 تثرى دەڧى من تاما بەلگين گياى و نيړكىن گولا يە، هەندەك دتير، هەندەك دتال
 و هەندەكين دى د مز بوون.
 ئەزمانى من و پانكا دەڧى من يين گەزاندين.
 خوارنا گياى و دوير كەتن ژ خوارنا گوشتى، مروڧى چەند بەختەوەر دكت.
 مروڧ هەست بخوشى و داديبى دكت، هەست دكت يى بەرهڧانيبى ژ گيانى
 گيانەوەرەكى دكت.
 تثرى هەنڧين مروڧان خوینە، خوینا گيانەوەرین بيگنەه.
 گەر مامە ساخ دى ژ هەموو جوړين خوارنين گوشتى دوير كەڧم.
 هەكە مروڧ باش هزرا خوە بكت چ جارا گوشتى ناخوت.
 ئەو گوشتى مروڧ دخوت يى گياندارەكيبە و مروڧ بەشداريبى د كوشتنا وى
 گياندارى دا دكت.
 گيان هەر گيانە، چ يى مروڧان بت يان يى گيانەوهران.
 هزر بکە گيانەوەرەك يى سەرى زارپويى تە ژيڧە دكت و گوشتى وى پرت پرت
 دكت و ل سەر ئاگرەكى دژوار دكەلینت و ب ئارامى و لەزەت دخون...
 ئەى هەوار... مروڧ چ هۆڧن؟
 ژ ئەڧرۆ پيدا دى بمە هەڧالى خوەزايى... دى بمە هەڧالى گيانەوهران... دى بمە
 گياخور...
 گوٲنين هەڧالەكى تثرى ديڧى من بشكوړين كړ، دگوٲت:

— خوزى ل وهلاتهكى ئورويى هندهك مروقىن رهوشنبير خوه دابانه ئيك ل جههكى
وهك وهلاتهكى سهربخوه بو خوه ئاڧا كربان...

دهولهتهك سهربخوه، ياسا و سستهه بو خوه دانابان، تنى مروقىن گياخور لى ژيا
بان...

ههه تىتنى بو مروڧ و مروڧايهتى و خوهزا و گهردوونى باش ئهه كربان.

ئهڧ هاوهلاتييه دا چهند د ئارام و كهيفخوش و بهختهوهه بن...؟

نزا.. ئەز ب باوهرم ب بۆرينا دههى دا وهك مه خههگين و پر ئاريشه بن، ژبهه
گياندار بى ئاريشه نازين... ژيان ب خوه ئاريشهيه...

وهلاتهك تنى رهوشنبير لى بژين دا بى چهوابت؟

وهلاتهك رهوشنبير ياسا و دادپهروهه و پلانان بو دانن دا بى چهوابت؟

وهلاتهك ههه موه ئهه نامين وي رهوشنبير بن دا بى چهوابت؟

ئەز ب باوهرم وهلات پيئقى مروقىن ساده و نهزان ژى يه.

وهلات ئانكو ههه موه جوړين مروڧان... تنى يا ساخهه پيئقيه رهوشنبير وهلاتى
بريئهه بين.

رهوشنبير ياسا و دستور و داديه دانن.

ل وي دههى مافى مروقىن ساده و نهزان ژى دا بى پاراستى بت...

هندهك برك يين ژ گههيهى من بسهردكهڧن، ههست ب خوشييه كا تايبهت دكم.

ئهڧه ئەز هاتيمه دڧى نوسكىڧه من ههست ب بهرسوژا گههه و ههه رهوونى
نه كريبه.

دا هندك جلكين پاڧر بينمهدهه، ئهڧه شامپو و سابوون، دى ترارى و مههسینی

دگهه خوه بهه، ههه ما دى ب ئاڧا تهزى خوه شووم، نيڧرويهه و دنيا يا گههه دبت
ئاڧ ژى يا گههه بت...

ل وی جهی دایکا من و ژنن گوندی کوچکین بالاڅی لی دروست دکرن.
بهری من کته شینواران، چو ددیار نه بوون، لی ئەز باش دزانم، ئەها ل څیره بوو، ل
نیژیکی کانییی بوو.

هەر چەند مالەکا جهی کوچکی خوه هه بوو. ل پشت قان کیراتان ستارهیهک بو
بالاڅ و سەر شویشتنا ژنان دروست کربوون.

دی ل وی جهی خوه شووم یی دایکا من بالاڅا مه لی دکر. پاڅری و هیڅی
دچاندن.

ئها ئەڤ هه لانه بوو، ئەری... درنداتییا مرۆڤان و دژوارییا خوهزای نهشیاینه
ڤی هه لانی ژ جهی وی ببن.

دیسال سەر وی هه لانی گه لهک جاران ل بچویکاتییا من دایکا من سەری من ل
سەر شویشتی، من خوه رویس کر.

هندهک ئاڤ بهردا سەر لهشی خوهیی لاواز، ههست بخوشییهکا تایبهت کر.
تژی دهستی خوه شامپۆ کر، لهش پی پهرخاند، ئەو زهراتییا بهری چەند روژان
لهشی من داگیرکری نهمایه، لهشی من جارهکا دی یی رهنگی خوه ددت.
گه هین دهست و پیین من یین دشدیین، لهرزک و گیزبوون نه مان.

ئها تلین من یین قرکا مهسینی دخه ندقینن.

ئهو مهسینی تژی ئاڤ بلند کره هنداف لهشی خوه یی تژی سەر شامپۆ و
قریژی گرتی.

بیرا من ل وان گوتنان هات یین دایکا من دگوتن دهما ئاڤ ب سەر لهشی مهدا
دبهردا.

— جوو جوو جووو... ئاڤکا سه هت و قه وهتا بت...

ئیش و ژان دبهر ئاڤکا فاتما نه بیاندا بچنه خوار...

مه وهسا هزر دکر ئەو رهشاتی و قریژا دبن مهدا دچته خوار هه موو ئیش و ژانن.

ئەف لەش شوپشتنە بۆ من گەلەك ژ وى لەش شوپشتنا د سەرشوئا مالا من يا
ل ئەلمانا خۆشتر و ب لەزەتر بوو.

ئەز يى ھەست بئارامى و تەنابوون و بېھنەھەرى و لەزەتا ژيانى دكم.

ئەفە ژ راستىيا نەمانا ئىشا منە، يان ژى داوى رۆژين من يىن ژيانينە...؟!!

نزا...؟! ئەز يى دژيم يان يى بەرھەفيان بۆ مرنى دكم؟

ھەر چەوا بت، ھەستەك زىدە خۆشە، چەندەكى ھۆسا بمين ساخ و دویر ژ ئىش و
ئازاران، ھەردەمى مرن ھات بلال سەر چاقين من بيت.

دەرى ناوسكى گرت، پشتى لەش شوپشتنى خەو دى بتە دەرمان.

بەرى چەند ھەيفان نغستن كيشەيەكا مەزن بوو بۆ من، ترسا من ئەو بوو بنقم و
ھشيار نەبم.

نھو نغستن دەرمانى دەردى منە، دى نغم و دى ھشيار بم و نا مرم.

ئەى مرن، تو رەشەيەكا دادپەرورەرى، ناقى تە تژى دلين رەق و نازك ترس دكت.

ترسەكا مەزن، كەس چ ھزرا بۆ تە ناکت، لى گەر تە سلاف كر، ترس دبتە دوو
چاقين زيق.

مرن خەونە، خەونەكا گران و يى ھشياربوون. نغستن ژى ھەر مرنە، مرنەكا

دەمكىە، ھشياربوون ژ خەوى ژدايكبوونەكا ديبە.

ئەز يى ژ مرنى رەفيم، نھو يى ھزرا ژيانى دكم، ئەفە چەند رۆژ بۆرين.

رۆژ بۆ رۆژى ھەست ب ئارامى و تەنابوونى دكم.

ھەكە خەونين من بوونە راستى، دى ژيانا گەلەك كەسان ئيتە گوھارتن.

دى بمە ئە گەرى بەردەوامىيا ژيانا گەلەك كەسان.

مىژۆ دى ناقى من ب تپين زيرى نغيست...

... ئەو مروقى ژمرنى رەفى و ژيان ديتى...

سوبه روژا هفتیه وان بهلگین گیای و نیرکین گولا بکار د ئینم.
وهکو کویسهلهیان دی هفت روژان وان جوړین گیا و نیرکین گولا بکار ئینم...
روژا هفتی کویسهلهیی نهخوش دگهل ههقالی خوه چۆ و دناف گیای دا
بهرزهبوو.

رۆژەك نوو، بوونەك نوو

حەفت رۆژ... حەفت جۆرین بەلگین گیای و نیرکین گولا یین ژیک جودا...

چ هەفکیشەیه کا سەیره !

دبت ئەقە تنی هەلکەتن بت...؟

یان یاریه که ئەز ب گیانی خوه دکم...؟

خوهقەشارتنه که ژمرنی...!

رهقینه کا ژ ئیکیشیی...!

یان تنی کارهک چقێله و مروقین نهزان و بیدل مهژی ئەنجام ددن...؟

ههکه وهک کویسه لهی ئەو بەلگین گیای و نیرکین گولا چاره سەری بت ئەقە ئەز

جاره کا دی دقێ نوسکی قە ژدایک بووم... یان تنی خهونه که بهری مرنی ئەز

دبینم؟!

خهوی هەر تشت مراند، هزر و لقین، تنی هەناسهیی وهک زیرهقانه کی چاقنه ترس

کاری خوه ئەنجام ددا.

ل سەر وی که قری جارا ئیکی من کویسه لهیی نهخۆش ل بن دیتی، وهک سه بریی

جانێ چیرۆکا میرزا محهمه دی دگۆت، هه می گوندی لی کۆم دبوون.

تژی بهر سینگی من مایکین په یامنیڕین ناقدارین دنیایی بوون.

په یامنیڕا رهنگی نهخۆشان ددان.

دهمی پرس دکرن رۆندکین خوینی ژ چاقین وان دبارین. گریا دایک و خۆشتقیین

وان ببوو سه مفۆنییه کا خه مگین.

تژی رهخ و دۆرین من کهلهخ بوون، هیشتا سهری سوندین بهتلین سیلانی و قورچا کیماوی و ده‌رمانان دزهن‌دین وانرا بوون. هنده‌کا برینین وان خوین ژئ دزا...

دکتۆر دبی دهسته‌للات و هه‌ییری بوون. هه‌وار و قیریین نه‌خۆشان تژی گه‌لی زیما کربوو...

__ بگه‌هه من، دهه روژ ژییی من یین ماین...__

__ هه‌واره، تنی سی روژ یین ماین دی مرم...__

__ بابی من دی مرت...__

__ دایکا من یا دم‌رت...__

__ زارۆیی من یی ل به‌ر مرنی...__

دقیان له‌زی بکم گیانین خۆشتقیین وان رزگار بکم، پرسا ناقین به‌لگین گیای و نی‌رکین گولا دکرن.

__ ته چه‌وا چاره‌سه‌ریا فی ئیسا گران دیت؟__

__ تویی پشتراستی هه‌ر که‌سی فان به‌لگین گیا و نی‌رکین گولا بخوت دی وه‌کو ته چاره‌بت...؟__

__ نه‌و چ جو‌رین گیای و نی‌رکین گولانه‌ دبنه چاره‌سه‌ریا فی ئیسا گران؟__

پرس بوونه گه‌له‌ک، من نه‌دقیا به‌رسقا چ پرسان بدم.

ده‌نگی دایکا من ژوان ویقه‌هات.

__ کوری من له‌زی بکه، گه‌له‌ک که‌س یین ل هیقییا مزگینا ته...__

ژ وی ویقه‌هه‌قزینا من هه‌ر ده‌سته‌کی خوه یی کرییه د ده‌سته‌کی زارۆیه‌کی خوه دا و تژی دیم‌ی وی هیقی بوون.

__ نه‌م یین ل به‌ندا ته، ما تو ژ مه‌ خه‌ریب نه‌بووی؟__

پهيامنيران پرس دانه دويش ئيک، هه موويان دخوازا ناف و جورى به لگين
گياى و نيرکين گولان دکرن...

پهيامنيره کى ب ئنگليزى هندهک پرس کرن ئەز چ تينه گه هشتم.
چاڤين من دناقبه را دايکا من و ههڤژين و زاروڤين من دا وهک هيسکى هاتن و
چوون کرن.

من ويژه کى و شيانين ههلبزارتنى نه بوون؟
دايکا من تلا شههدى دريژکره ههڤژين و زاروڤين من، گوت:
_ ئەو پيتشى تهنه...

من هه ر تشت هيللا و قهستا ههڤژين و زاروڤين خوه کر، بهرى هه رسيان هه مبيژ
بکم.

سهرى من ب ديوارى نوسکى کهت، ئەز ژ خهوا گران هشيرابووم.
گوريا شه مالکى بهرهڤانى ژ مان و نه مانى دکر.
بهرى خوارنا فان به لگين گياى و نيرکين گولا هه ردهمى ئەز ژ خهوا هشيرابام
هه ر وهکو ئەز يى سه رخوش و بريندار.
نهو نه ژ نفستنى تير ديم و نه ژى ژ هشيرابوونى، ههزا من بو ژيانى يا دبته
عه شق.

من دهري نوسکى فه کر، تاريى هه ر تشت يى نخافتى، رهنگى شهڤى ئارامى
ددا گيانى من يى تژى گو مان و ترس.
ئها مرن هوسا يا بيدهنگه، ئها مرن هوسا ژيانى تارى دکت.
کى دييژت پشتى ڤى مرنا ئەم ژى دترسن ژيانه کا دى نينه؟
کى دييژت ئەڤا ئەم دييژنى ژيان، نه تنى مژوولکره که؟

ژیانا پشتی قی ژیانے دی یا چهوابت؟ دبت ئەم یی ژ ژیانە کا دی مرین و
هاتینه قی ژیانے.

ئەف هەموو ستیرە ل ئەسمانی دبی خودان؟ ئەز باوەر ناکم تنی ئەم ل قی
گەردوونی دژین.

نەیا بەرئاقلە هزارەها ستیر دیخودان بن...

کینه ل سەر دژین؟

مرۆفن...؟ ملیاکەتن...؟ رۆبۆتن...؟ ئەجنە نە؟

ل بن دنیایی چ هەیه؟

ئەری ئەو بن دنیایە یان سەردنیایە؟

ئەفا ئەم دیژنی دنیا هەندەکیڤ دی چ دیژنی...؟

بەهشت و دۆزەخ چنە؟ ل کیفەنە...؟

مرن تو چەند تەشتەکی بیمانا و پرمانای...

دی وەرە، ئەز قەبی تە خوازم...

بەری ئەلەمتیریکی دا بنی گەلی، چاڤین گیانەوهران دناف تراشاندا زیق دکرن.

ترس بوو پاشایی دلی من، ئەو قەبی من بو مرنی دخواست ژبیرا من بر، ترس
ژمرنی دژوارترە.

تژی سیهین خوە بایی هوین کر هیشتا گەلەك یا مای ببتە روژ.

__ دا بزقرم هیشتا گورگا ئەز نە خواریم...

دەری نوسکی باش گرت، ل سەر جەبی خوە روینشتم، شەرەك دژوار دناقبەرا

خەوی و حەزا هشیاربوونی دەستپیکر.

__ ئەز نانقم، خەو جوړەکی مرنییه، یی ل هیقییا مرنی بت هەست ب هەر

کیلیکەکا ژیانے دکت.

هشياربوون ئانكو ژيان، ژيان ئانكو هيقي، ئؤميد، خهون و هندهك خه مين دي،
تنى مرن داويا هه ر تشتييه...

هه كه مرم، تهو كه له خى من خه ما كرم و مشكان، هه كه ژيام دى ژبو ژيانى
ژيم.

ئه فه دهمه كى دريژه من ئاگه ژ ئندامى ني راتيا خوه نه مابوو، تنى من بو
ميزكرنى بكار دئينا.

شقيدى ته ز دناقهه را دوو كچين هه رزه كاردا يى روونشتييووم، جه گه له ك يى
تهنگ بوو، زهندي من يى راستى كه تبوو دناقا سينگى وي كچا پؤلونى يا پور
زه دا.

دهستى وي كچا ئلمان يال ره خى من يى راستى يارى بپيسيرا من دكرن.
من ههست ب شهرمى دكر، جه هه ر تهنگ دبوو، تهو كچا پؤلونى نه چار بوو
دكوشا من دا جهى خوه بكت.

شهري رويسكرنى دناقهه را هه ردوو هه رزه كاران دهست پى كر.
بهري جلكين من د بهر من دا بدرينن، وپيسيرا من يا وهرمى ديار بت، ته ز ژخه و
هشياربووم...

ئه فه نيشانين ساخله ميى و ژيانينه، يان تنى داوى ههست و لقينين بهري مرنينه؟
دى مرم، دكتورين ئلمانيا ب ئاشكرايى ئه ف چهنده گوتن.

دهنگى دكتورا من دمه ژيى من دا دهنگ فه ددا...
_ ببوره، مه نه شيا ته رزگار بكن...

ديمين وان رهنگى مرنى گرتن، هيقيا به رهاقيتن، مرن بوو هه فالچيمكى گيانى
من.

_ ته سى هه يف بين ماين...

تەزىلانك ب سەر لەشى من داچۆنەخوار، رەجفكا مرنى نىزىكى دلى من بوو.
 دى مرم، قى دەردى چ دەرمان نىنن، دەرمانى دەردى من تنى مرنە.
 راستە ئەز بى ھەست ب خوشىيا ژيانى دكم، ئەز بى دژىم، رەھ و گەھىن لەشى
 من يىن دىدىن، ترسا من ژ مرنى يا دبتە ھىقى، ھىقى ژبو ژيانى.
 من ھزردكر مرن تنى خەونە، مروقىن ترسنوك دىنن.
 ھىز و جوانى و ئەف وەلاتى ئەز لى دژىم، مرن ژ بىرا من بربوو.
 مرن تنى درەوھەكە ئەم ژى دترسن، ترس خاپاندنەكە ئەم ژى درەفن، ژيان ھەر
 تىشتى دىيە ژ بلى ترس و مرنى...
 دى بلا من پىنوسەك و ھندەك كاغەز ھەبان دا چىرۆكا خوشىين خوە نقىسىم.
 ئەو خوشىين من قان چەند روژان دقى نانسكىقە برىن.
 ئەز بى ژ مرنى رەقىم دا ل جھەكى بى ترس بمرم.
 جارا ئىككىيە ژ مرنى ناترسم، چ ھزرا بو پاشايى مرنى نەكم.
 نەنە، من برىار يا داى چ تىشتان ل پشت خوە نەھىلم، بنھىنى بمرم و بەرزە بىم.
 بلا كەس پشتى مرنا من خەمگىن نەبت...
 دبت من ژى وەكو وى ناما نەخوشى پەنجەشىرى ل پشت خوە ھىلاى نقىسىبا.
 ھوین ئەو كەسىن لەشساخ خوشىيى ب ساخلەميا خوە بىن و سپاسيا ئافرىنەرى
 خوە بكن، بەسە ژ بو تىشتىن بى رامن و جقىل خوە خەمگىن بكن...
 يان دبت من نامەيەك بو زارۆيىن خوە نقىسىبا.
 ل من ببۆرن، من نەقىا ھەو ھەو ھەو بمرنا خوە خەمگىن بكم، ببۆرن ھوین ھەر تىشتى
 منن لەوما من نەشيا ھەو ھەو بئىشىنم.
 دبت من پەيامەك بو ھەموو مروقاھەتییى نقىسىبا.
 تو ئەى مروقى لەشساخ، ھەناسەيەكا كویر ب ھەلكىشە و ب ئارامى بەردە.
 ئھا ل وى كىلىكى دى زانى ژيان چەند يا خوشە.

ئەو ھەناسەيە بەردەواميىي ددته ژيانى. ژيان تنى ھەناسەيەكە. ئەم يىن مروڧ
ھزرىن مەزن ژخوھ دكن.

ئەي مروڧ ھەكە تو گەلەك يى مەزن و خودان ھىزى، وى ھەناسەيا تە ژ
خوھزايى دزى بەرنەدە، دسيھىن خوھدا قەشپە...
تو ئەي مروڧ تنى ھەناسەيەكە گەرمى چەند كىليكان گىروڧ بىت دى بىيە
چننە...

رئىزى ل خوھزاي بگرە، خوھزايى بەردەواميى ددته وى ھەناسەيا تو پى دژى.
ھەست دكم مروڧ پىتقى لغاقەكى، ھەفسارەكبيە، دا ھندەك جارن خودى بەھىز
بكىشت و دەقى مروڧى پى ئاسى بكت دا گونەھان نەكت...
ئەقە من خىرە...؟

پشتى مرنا من تنى ھندەكىن نىزىكى من دى چەند روڧدكەكان بارىنن، ھند ژ
خەما و ھند لوڧمەيىن دنيايى، پاشى ھەر كەس دى زقرت ژيانا خوھ.
دى بو ھندەكا بمە بىرھاتن و ھندەكىن دى ھەر ئەز ل بىرى نامىنم...
بمرە... تەنا بمرە، كەسى بو خوھ نەكە خەم ل سەر خەمىن ئىشا خوھ يا گران...
بمرە، وەكو يىن بەرى تە مرىن و تە ژبىركرىن...
مرن دى ھەر تىشتى بداوى ئىنت...
ئىش و ژان و خوڧشى و قىان...
مرن ئەي كرىترىن تىشتى فەر...
ئەي مرن ما تو نامرى...؟

روڧ و شەقان ئاگەھ ژ ئىش و ژانىن من نىنە، وەك ھەقركيىي شەف يا خوھ
دقەشپىرت و روڧ يا يارىيا ب پىللىن تارىيى دكت.
دەرى ناوسكى قەكر، تژى سىھىن من بايى ھويىن بوو.

تيرۆزكىن رۆژى ل هنداف پوانكى گاي و هژيرا زيرانكى پياما رۆژه كا نوى
دگه هينن.

وهك وان رۆژين بۆرين، ژوردا بهرف كانىيى چۆم. ل شوينوارين كويسه لهيان
گهريام، كويسه لهيى نه خوش نه يى دياره.

هندهك ئاف هافيتته ديمى خوه، وهك نه ريتتهكى ئولى بهزيمه بهلگين گياى و
نيركىن گولا وهك خوارنه كا پيرۆز هافيتته دهقى خوه.

هندهك ئاڤا تهزى ب سهردا كر، ل سهر وى هلانى گونديان نقيژ ل سهر دكرن
روونشتم.

ههر هفت جورين بهلگين گياى و نيركىن گولا من باش بين نشان كرين.

ههر جورهكى من شفكه كا كيراتى يا دهر چكلاندى، ب كاميرا تهله فونا خوه
وينه و فيديو بين بو گرتين.

ههر جورهكى تامه كا تايهت ژى دئيت، باش دزانم كيژان يا تاله و كيژان يا مزه
و كيژ يا ترشه...

ئها نيركا قى گولى د تيز و دژوارن وهكو فلفلا تيزه. بين واهه د شرينوكن...
بهلگين قى جورى گياى مروف ژى تير نابت، بين واهه تاما باهيشان ژى
دئيت.

تشتى سهر و بحنير ئەف هه موو جوره ل نيزيك ئيك شين بووينه.

كويسه لهيى هه كيم و شارهزا ته چ شيان هه نه فان هه موو جوران بنياسى؟
ههست ب خوشييه كا جياواز دكم.

خوارنا بهلگين گياى و نيركىن گولا ئەز يى تير و هه مهركريم.

تير يى نفتستيم. لهش يى تهنايه و هرز دئارامن، دى گهريانهكى بهرهف ئاڤا
هه فير بم.

حەفت جۆر وحەفت رۆژ...

شیوازیڭ قان جهان گەلەك ل پېش چاڭقېن من يېن ھاتىنە گھۆرىن. نزا ھاتىنە گھۆرىن يان ھاتىنە دەستكارىكرن؟

دياره دەستكارى ل ھندەك جهان يا ھاتىەكرن. شيواندنا شىنواران، برىنا داران، دزىنا بەرىن قەسرى. مرؤف دى دنيايى خراب كن.

ناوسكىن بۆش كەتنە دەستى من يى راستى، بەرى چەند رۆژان ئەز ل فى جھى راوہستىام، لەشى من يى تثرى ئىش و ئازار بوو، مەژيىى من يى تثرى ترس و ھزرىن درندە بوون، ئەز ژ مرنى درەڧىم و بەرەف مرنى دچۆم.

ئھا ئەفە پشتى چەند رۆژان جارەكادى ل وى جھى يى راوستىايمە، لەشى من يى تەنايە و مەژى يى ئارامە.

دبت ئەفە خەون بن ئەز دىينم، لى خوشترىن خەونن.

ژ بو دزى و كارىن خراب رىك يا خوش كرىن، ئەفە شكە فتا جانيىە. گەلەك شەڧىن شەر و ترسى گوندى يىن لى بووينە ميقان. ئەفە شىنوارىن قىينە، ھندەك گوندىا دگۆتنى مناسب.

گۆرستانە كا مەزن و لىكدای بوو. وەك دارستانە كا چارگۆشە خەملاندى بوو. ھندەك گۆرىن وى شىرەھ و ئاقاھى بوون. كەسى ژ گوندىان نە دزانين يىن كىنە و كەنگى ژيان ل ڧىرى ھەبوو.

تنى ھەموويان دزانين ئەف گۆرە نەيىن مسلمانانن. گۆرىن وان نە دبەر قىبلە بوون.

گوندىان رىزەكا تايبەت بو وان مريان ھەبوو، كەسى دلخى خوە نە دبەر وان گۆھىشك و باھىف و ھەلھەلۆكىن دناڧا گۆرستانى دا.

شقان و گافانین گوندی نه دهیلان پهز و چیلین وان بکهقنه ناڤا گورستانی. ههردهما گوندیهک نیژیک دبوو چهند کیلیکان دراوهستیا و فاتیحهک ل سهر گیانی. مریان دخواند.

دگوتن، خودی ژهموو مریان رازی بت. کهسی پرسیارا تۆلین وان نه دکرن. پشتا من کهته دهری گهلی، سینگی من کهته ناڤا ههڤیر، لقی چهپی شکهفت هنارکییه، جهی گهریان و یاریین مهبوو. ئهال پشت قی بهتهنی بانیا عهلوئییه. بهری ئهف ری و ریباره گهلهک د ئاسی و دویر بوون. نزا ئهز مهزن بوویمه یان ئهف گرک و چیایه بچویک بووینه.

هیژا من یا دبت دوهه رانه، من واستیان یا ژبیرکری، بیهنا من یا فرهه دبت. دبت دهمی کارتیکرنا قورچا کیماوی و دهرمانان هیشتا مابت، ئهف هیژ و شیانه یین وان بن.

دکتورا من دگوت، دهه روژهکا دی ئییه سهرخوه...

دقیت من باش ئاگهه ژخوه ههبت، چونهمایه شهپی من و ئیشی دی دهستیکت، ههوارین من دی دلج دار و بهران ههلینن و دی کهقمه دناوسکی فه. قی جاری کهس ل هنداف سهپی من نابت، چ دهرمان و دکتور دگهل من نابن. چ پهستارین پورزهر دهستین من ناگرن.

ئهز و ئیش دی د شهپی مان ونهمانی دا بن...

یان ئهز یان ئهو...

یی بهیژتر دی یی دی ژناف بت. مان بو خودانی هیژی یه... مروف چهند یی سهررهق و دفن بلنده، ژ چ رازی نینه، تنی مرن داوییی ب ههر تشتی دئینت و دفنا مروفی دشکینت.

نەخۆشییىن گران و دىنبلىدىا مروۋقان راناۋەستىنت. ل سەر وى داۋيا كرېت، يا ل بەندا من، ل سەر وى شىۋى مرنى يى دېرندە يى ل پىشيا من، ئەز يى بى خەم و دىنبلىندىم.

يى هيڭيا دقەهينىم، خەونا دىينىم، پلانا ژبو پاشەرۋژى ددانىم، تژى دىمى من كەيف و خۆشيبه.

هەر وەكو ئەو ئىشا گران يا ل كەقرى هە...

ئەا ئەقە ئەز گەهشتم ئاڧا هەڧىر.

گەلى لڧىرى تەنگ دبت، سەرى هەردوو چيا رى لبەر هەر تىشتى دگرت.

بەرى چەند سالان سيلاقەك دقى گەلى دا ژوردا دەاتە خوار، گەلەك جۇرىن

ڧىقى لى شين دبوون، دەنگى ئاڧى نائىتە گۆهين من.

ئەا ل ڧىرە مە هژىر ژ چەقېن بلند د دزىن و دكرنە دەستېن يارىن خوە دا...

ئەا ل وىراھە، هەلەلۆك و گۆهيشك بمە دكەنين... دارەنارەكا شرىن ئەا ل ڧىرى

بوو، تژى ڧى بەتەنى مېۋىن ترى بوون...

سيلاقەكا بۆش ژ ڧى لاتى دەاتە خوار، ئاڧەكا تەزى و زەلال ژوردا دقى نەالى

دا بەرزە دبوو.

تنى ھندەك شوينوار يىن ماين، ئەرد يى بەرەڧ ھىكبوونى دچت. مروڧ يىن

ژەھرا دلېن خوە درېژنە سەر ئەردى.

ئەڧ ھەسارە ئىدى نەشىت قان مروڧىن دەبەنگ ھەلبگرت. مروڧ دى

مروۋقان خون...

دەما شەر دژوار دبوو گوندىان نائوسك دەيلان و مالىن خوە درەقاندىنە قان گەلى و

نەالان.

ژیان وه کو فی به ته نییه، ب زه حمت ب سهر دکه فی. بله ز و زوی گریل دبیه بنی نهالی، دکه فییه ناقا فان دری و روپل و کیراتان.

مالا مه ل نهالا هه بوو، بابی مه که پره که مه زن دروست کربوو. دووریا نا کاروانیان بوو، بینقه دانین پیشمه رگی بوو، هه ر کاروانییه ژده شتی هاتبا، و یی ژ گوندین چیا یی زقریبا دا سلاف کته بابی مه. په زی گوندی د ناف فان تراشان دا دهاته فه شارتن، گاران برپوونه گه لیی هه. دا بزقرم هیشتا نه ز نه واستیایم. برس یا شه رگی دژوار د گه دهیی من دا دهلیخت.

ئه فرۆ دی پسکیتا خوم.

هه تا کهنگی دی نانی هسک و بسکیتا خوم؟

دلی من یی دچته ساقاری، ساقار دگهل تراره کی ئاقه ماستی. ژ ئه فرۆ ویقه هه که مامه ساخ نه ز گوشتی ناخوم، دی بمه گیایی، گیاخور. مروقیی بی دل، سه ری گیانداران دبرن، تری بهر پین خوه خوین دکن. گوشتی له شی وی پرت پرت دکن، بکه یف و له زهت ل سهر ئاگره کی دژوار دکه لینن و ددنه بهر له فان.

لی ده ما نینو کا زارویی وان دئیشت، دکنه هه وار و دبنه نه خوشخانه یان.

هزین خوه بکن، زه ندی زارویی وه یی ل سهر په لان...

به ری من که ته ده ری گه لی، پی یی من به ره ف گوندی فه دبن، مه ژی هیشتا ئیخسیری ناسکی بوو.

چه ند پینگا قا بچمه خواری دی گه همه به رده ری مالا برایی خوه، دایکا من ل هه وش ی یا روونشتییه. چاقین وی یی ل ده ری هه وش ی، هه ر پیژنه کا هاته گوها، دیژت نه فه کوری من هات.

دترسم نه ز ببه نه گه ری مرنا وی، باوه رناکم خوه ل بهر بگرت.

هەكە ئىشا من دژوار بوو دى نەچار بىم خوە بگەهينمە گوندى .
هندى ئەز هۆسا يى زيرەك و ل سەر خوە بىم دى ميئانى نوسكى بىم...
كەتمە بەرانبەرى گۆرستانى، يان ژى قى، ل زارۆكىنىيى من گەلەك حەز دكر
دەما دمىر من ل قى گۆرستانى فەشپىرن .
گۆرستانەك لىكداى و ئەندازيارانە هاتىيە دروستكرن . هەر گۆرپەكى دارەك ل بەر
سەرى چاندبوو، هەندەك گۆران شيرەه و كۆلك بۆ هاتبوون دروستكرن .
ل بەر دەرى شكە فتا جانى راوەستيام، گەلەك شەفا گوندى درەقىنە دقى
شكە فتى فە .

نزا ناقى وى بۆچى كرىنە شكە فتا جانى؟
دبت ژبەر وى ژنا ل گوندى بناقى جانى بت؟ پيرەژنەك دلمەزن و خودان تەرش
بوو .

مالا وى ل سەرى گوندى بوو، تنى كچەك هەبوو ئەو ژى دا ئىكى و نەختى
وى حەفت سالىن شقانى و خزمەتكرا وى بوون .
ئەفە چەند دەمژمىرن دگەرم هەست بماندىبوونى ناكم . بەرى چەند رۆژەكا من
شيان نەبوون بچمە دەستئاقى . هەست ب بوون و رۆژەكا نوى دكم .
نوسكىن بۆش، گونديان دگۆتن، ئەف نوسكە كافران يىن دروست كرىن دا وان ژ
ئاقا رەش پيارىژن...
دگۆتن ئاقا رەش دى رابت، ئەم دگەل نوحى ناچنە د سەفینى دا، دى خوە دقان
نوسكان دا پارىژن...
ل سەر كانىيى ئاقا تەزى هافىتتە دىمى خوە، هەندەك مست بەردانە گەوروييا خوە
يا هشك .

ل سەر فەرشی نڤیژا روونشتم، بەری من کەتە وان جوړین گیا و نیرکین گولا یین
کويسه‌له‌ی بو هه‌قالی خوه یی نه‌خۆش دکرنه دەرمان.

ئەقە چ هه‌سته بو من دروست دبت؟ ئەقە چ هیژ و شیان دلەشی من دا پەیدا
دبن...؟

ئەز یی دژیم... یی ساخلەم دبم... یی دبمه مرۆف.

بەری من کەتە شینوارین قەسری، هەندە ک گوندیان دگۆتن ئەقە قەسرا قەبلان
ئاغای بوو.

خودان هیژ و شیان بوو.

ژ قەسری وئقە شوینوارین گرتیخانینە. هەر کەسی ل دژی وی رادوہستیا لقی
گرتیخانێ دەاتە گرتن.

چەند هەژار و بیگونەھ د ناڤ دیوارین تەدا دنالین...

دیوارین وی ژ کەڤرین مەزن و شیوازی ئاڤاکرنی کاری ھوستایەکی خودان شیانە.
ئھا واھە قەسرە و یا برەخقە گرتیخانەییە. هەردو ب مل و دەستین هەژاران یین
ھاتینە ئاڤاکرن.

کی ئاڤا کرن؟ کی هەرڤاندن؟

ئەز ب باوہرم چەوا ب مل و دەستین هەژاران ھاتییە ئاڤاکرن، وەسا بدەستین هەژاران
یین ھاتینە ژناڤبرن.

ھەژار شویرین دوو دەڤن، ھەکە ب دادپەرورەیی سەرەدەری دگەل وان نەئیتە کرن،
دی گەلەك كەلھە ئینە هەرڤاندن و گەلەك سەر ئینە برین...

دا قەستا مالا خوه بکم، ئەز یی ژ ناوسکا خوه خەریب بوویم.

دەری ناوسکی ھیلا قەکری، تژی کون و قۆلاچین وی رۆناھی بوو.

ھەندەك بسکیٹ ژ چانتکی خوه ئینانەدەر و دگەل ئاڤی دانانە بەر خوه.

ئەی ھەوارر... ژیان چەند یا خۆشە؟

مروڤين ساخلم له زهتي ژ ژيانې ببن، نه هيلن چ كيليكن دهمي بي خوشي
ژهوهه بچن. دلين خوه و بين كهسي نه خوش نه كن. هر كيليكه كا تازاران هموو
مال و ملكي دونيايي دئنت.

بژين... ژيان تنې ب له شساخيې ژيانه.

چهپ و راست ل سهر ملين خوه زقرېم، كهس ل ديوانا خوه نه ديت. هزر هاربوون،
كرمي خهريبيې دلي من سوت، تژي چاڤين من روڼدك كرن.

ههتا كهنگي دي دقي رهوشي دا بم...؟

خوهزي من زانيبا حالي ههقرين و زارووين من چيه...؟

حالي دايكام من چيه...؟

نوكه برايې من و مروڤين من ئەف دهقهره سهروبن كرينه.

بين تير تاگه ژ بين برسي نينه، بين له شساخ تاگه ژ بين ئيشه لو نينه.

پشتي بيهنقه دانه كي دي گهريانه كي بو لايي بهري كهر بم، دي چمه هنداف
قه شه فرې.

ئهزي بي گهنج دم، خوين يا د ماسولكين له شي من دا دبتة قولكان، قوتانا دلي
من يا په يامه كا مه ترسي دار دگه هينت.

ئهزي بي ل بهندا مرنې، ئەفه چيه روي ددت؟ كارتېكرنا قورچايه من بهيز دكت؟
دي مرم يان دي ژيم؟

پرسه كا سادهيه، بهرسف گه لهك يا دژواره.

مرن بهرسفه كا ئاساييه، لي ژيان بهرسفه كا شيتانه و موعجزهيه.

خهوي هموو پرس بي بهرسف هيلان.

بهژنا وي يا بلند ژ دوير خويا دكر، ئەفه هاتييه تاخي مه، هش و هزرين

گه له كين وهكو من دگهل پور و له وهنديين خوه خشاندينه

ھەر ئەو كراسى رەشى تەنك ل بەر بوو، لىقا كراسى بلند كربوو دېر دۇخىنى را.
باقىن سى دگەل كراسى وى يى رەش دەھەركىيەكا دژوار دا بوون.
خو چەماند، وەك دوو سقۇرىن شىم، مەمك گرىل بوونە دەرى كراسى. چاقىن من
يىن برسى نىچىرەكا قەچاخ كرن.

تژى دىمى سى بشكۆرىنەكا فىلباز كر. ب تالا شەھندى گۆت:

__ وەرە... دگەل من وەرە...

دل گەنج بوو، ھەست ھار بوون، ھەز گەھشتە پلەيا خو گۆرىكرنى، چاف مى
بوون.

سەرى لەوھندىيا خو ە د دەستى من يى راستى دا و دىسا گۆت:

__ لەوھندىيا من بەرنەدە...

پىلن كراسى وى يى رەش ئەز دگەل خو كىشام. ل پاشىيا ژۆرەكا تارى تلىن وى
يىن زراف بەزىنە بەندۆشكىن كراسى من. ھەر ئەو تل بەزىنە كراسى رەش ل سەر
لەشى سى راکرن. لەشى سى و نازك قەبى نىراتىيا من دخواست.

دەست بوونە رۆبۆت و بەزىنە سنگى شەرکەر، بەرى لەشىن ھار بکەقنە د

شەرەكى دژوار دا، جلفەك ب من كەت و ژ خو ھىياربووم...

رۆژ يىن دېورن، وەكو ئەرك و نەرىتەكى ئولى، ھەر رۆژ سپىدى ھەر ھەفت

جۆرىن بەلگىن گىاي و نىركىن گولا دخوم. رۆژ بو رۆژى ھىز و شىانين من يىن

دزقرن، ئەز يى دىمە مرقەكى دى. ئەقرو رۆژەكا دى و بوونەكا نوويه.

نە ئەو مرقم يى بەرى چەند رۆژان ژ بو مرنى ھاتىيە دقى ناوسكى قە.

ھەست ب چ نىشانين نەخوشىيى ناکم، ئەو ئىشا پىس ل من نەماينە. كارتىكرنا

دەرمان قورچى يا بداوى ھاتى. ئىش و ئازار نەماينە، يى دىمە مرقەكى دى...

بوونەكا نوى يا پەيدا دبىت.

ژبو پشتراستكرنى دى قى وەسفى ل ھندەك كەسىن وەك خو نەخۆش تاقى كم.

دئ ژ ناوسكى دهر كه قم، دئ مزگينىي دمه خيزانا خوه.
نه نه، دا پشتراست بيم پاشى بلا دنيا هم موو ئاگه دار ببت.
باشترين كهس هارى من قى كارى بكت، شو فيري ته كسييى ئه وي ئه ز هه تا
گه لى ئينايم.

ئه و ل بازي پرى يى شاره زايه، نه خو شين قى ئيشا پيس تثرى هه ر جهينه.
سپيده يا روژا هه شتى ژ خوارنا فان به لگين گياي و نيركين گولا، خه و رابووم،
ته له فون و جزدانكا خوه ئينانه دهر، هنده ك جلكين پاقر دگه ل خوه برن، دهرى
ناوسكى گرت.

ل سه ر كانىيى سه رى خوه شو يشت، تثرى بتلى خوه ئا قا ته زى كر.
به رى خوه دا بن كه قرى، كويسه له يى نه خو ش ديار نينه.
باوه رى بو راستى، هه ر جو ره كى به لگين گياي و نيركين گولا هه فت پارچه زى
كرن و دنا ف كيسه كى دا فه شارتن.

ل دهرى گه لى ژوردا به ره ف گوندى چوم. گوند يى به ر فره بووى، تثرى
بيانى نه، كهس من نانياست.

ل به ر دهرى ماله كى گه نجه ك به له فونى فه يى مژويل بوو. پشتى ئه ز نيزيك
بوويم، ديمى وي تثرى بشكورين بوو، گوت:

__ فه رمو برا؟ ته تشته ك دقيا؟

من زى تثرى ديمى خوه بشكورين كر و گوت:

__ سپيده باش، من دقيا ته له فونه كى بكم، من يه كه ل به ر ته له فونى نه مائنه...

دهست دا ته له فونا خوه و كه د دهستى من دا.

ژمارا شو فيري ته كسيى ليدا، پشتى دوو سى زهنگا، دهنگه كى تثرى خه و گوت:

__ ئه لو...؟

قوتانا دلې من تژی دیمی من بشکورین کر، من گوت:

— سپیده باش هه قال...

پشتی چهنده کی بیدهنگ مای، گوت:

— تو کی بی زه حمهت؟

بشکورینا من بوو کهنی، ئەو کهنیا ئەفه چهنده هه یفه ژ دیم و لیقین من دویر
کهنی.

من گوت:

— ئەز ئەو کهم یی ته بهری چهنده روژان گه هاندییه گه لیبی زرکا.

کهیف و کهنیا وی بوو ئاههنگ، ب دهنگه کی بلند گوت:

— ئەی هه واررر، ئەفه چهنده روژه ئەز ل هیقییا قی ته له فونی بووم...

کهنی، من ههست کر روڤندک ژ کهنیا وی بارین، گوت:

— تو ل کیفه ی...؟ ئەفه ئەز هاتم...

ل دهری گه لی، ل جهی ئەز دانایم ل هیقییا هه قالی خوه یی شو فیری ته کسیی ل

سه ر که فره کی روینشتم.

مرۇف كورپۇ وى ژىنگەھىيە يا تىدا دژىت –

مۇپاسان

ھېشتا شىنوارىن كەنى و بشكۆرپىنا سوحبەتا من دگەل ھەقالى من يى شوۋفىرى
تە كسىي ل سەر دىمى من بوون.

ھەر ژ دوپر ھورپىنا تە كسىيا وى ھزرىن من رەقاندن.
وہك مرۇفەكى خوشتقىي وى ژ زىندانەكا درندە رزگار بووى، دەستىن خوە قەكرن
و بەرەف من ھات...

__ بەرىژ... تو يى باشى...؟

ئەز بگەرمى ھەمبىزكرم، بەرى چاڧىن خوە يىن تىرى ھىقى دانە چاڧىن من،
گۆت.

__ ماشاللا... دىمى تە گەلەك يى خوشە.

جارەكا دى ئەز دامە بەر سىنگى خوە.

__ تول ڧىرى چ دكى؟

من دەستى وى گرت، بەرەف تە كسىي بر و گۆت:

__ ئەز پىتقى بەھارىكاريا تەمە.

ئىكسەر گۆت:

__ ھەر تىتى من پىچىبىت دى ب دل خوشى بو تە كم.

مال ھىقىيا داخوازىيا من، بەرى ل ترۆمبىلى سيار بم، من گۆت:

__ دى ھندەك تىشتا بىژمە تە دڧىت دناقبەرا مەدابن ھەتا دگەھمە ئەنجامان.

ترس و گۆمانى دىمى وى زەر كر، من كرە كەنى و گۆتى:

_ نه ترسه، ئەم چ کارین خراب ناکن...
 من ژى ملین وی گرتن دا بهرسینگی خوه و گوت:
 _ نزا تو چند نهینیان دپاریزی؟
 چاف پتر زیق کرن، من نه قیا پتر بترسینم و گوت:
 _ تو هندهك كه سان دنیاسی ئیسا گران ههبن؟
 دهف ژى بهش کر و گوت:
 _ خیره برا؟ ئەفه چ پرسین غه ریبین تو دکی؟
 من قیا ترسا وی بهره قینم، وهك کارهك خیرخوازی دیار بکم، من گوت:
 _ ببوره برا من دقیت هاریکاریا وان بکم.
 دیمى وی زقرى سهر شیوازی بهری، گوت:
 _ ئەها دی وه بیژه برا...
 ئەنیا خوه پهرخاند و گوت:
 _ تژی دهوکی نه خوشین ئیسا گران.
 من قیا لهزی بکم، من گوت:
 _ تو ئیکی نیژیکی خوه دنیاسی؟
 ئیکسه ر گوت:
 _ بهلی، گه نهك ل نیژیکی مالین مه بهری چند روژان بو مرنی یی هنارتینه
 مال.
 من گوت:
 _ ئەها ئەم دی ژ وی دهست پی کن.
 ئیکسه ر گوت:
 _ ببوره برا، حالی وان گه لهك یی باشه، پیتقی بهاریکارییی نینن.
 نه چار بووم بیژم.

— هاریکارییا من دئ برهنگه کی دی بت، تنی من بگههینه مالا وی یا دی
خه ما من.

من دهری ترؤمبیللی قه کر و سواربووم، ئەو ژی نه چار بوو ل جهی خوه سوار بت.
بهری وی هند ل ری نه بوو هندی ل دیمی من، چاقین وی هزار و ئیک پرس
دکرن.

ل دهری مالا گهنجی نه خوش راوهستییا، بهری ئەز پهیا بيم، ملی من گرت و
گۆت:

— برا... چ بیژمه خودانین مالی؟

من تژی دیمی خوه بشکورین کر و گۆت:

— بیژئ هه قالئ من دقیت سلاقه کی بکته نه خوشی هه وه...

دهقی وی ما بهش، نه چاربوو ل دویش من پهیا بت.

ل بهر دهری ئافاهیییه کی جوان و بهاگران، گهنجهك كه ته بهر سینگی مه، من
گۆت:

— سلاف بهریژ...

دیمی وی یی خه موکی بهرسفه کا سار دا و گۆت:

— سلاف، که ره مبکن؟

ئیکسه ر من گۆت:

— ببوره من دقیت برایی ته یی نه خوش بینم.

دیمی وی بو گوره پانا پرسان. گۆت.

— خیره...؟ ته چ ژ برایی من دقیت؟

دیمی من یی تژی هیقی و بشکورین ترسا وی کره مهنده هوشی، من گۆت:

— من دقیت هاریکارییا وی بکم.

بهري پرسا شیوی هاریکاری بکت، دهنگی ژنه کا دانعه مر پرسا وی د
گه ورووی دا خه ندقاند و گوت:

— وهره ژور کورپی من، تو بخیر هاتی...

بیی بزانت چ شیوی هاریکارییییه، ئەز دامه بهری خوه و بهرهف ژورا نه خوش لی
دریژ کری برم.

گه نجه کی سیه سالی، دیم پیتی دناف جهه کی دا، دوو چاقین زهر یین ل بهندا
مرنی.

من سلاف کر، هیژ نه بوو سلافا من فه گیرت، چاقین زیق بهرسف دان.
من بهری خوه دا وان و گوت:

— هوین دی من و برایی من هیلنه بتنی...؟

برایی وی ب تورهیی فه گوت:

— نه خیر... ته چ ژ برایی من دقیت؟

نه چار بووم بیژم.

— کا روینن، دا راستی بو هه وه بیژم.

دایک برهخ کورپی خوه یی نه خوش فه روینشت، برایی وی ل بهرانبهری من بو
هر تشته کی ژنشکه کیفه رویدت ما ژبیا فه.

هه قالی من یی شو فیژی ته کسیی ب دیمه کی حیبه تی نه چار بوو برهخ منقه
روینت.

وهک پابیرهک چیروکا بو نه قیین خوه دقه گیرت من گوت:

— بهری چهند روژان، فی برادهری ئەز گه هاندمه جهه کی.

بهری هه موویان که ته دیمی شو فیژی. من ژی بهری خوه دا هه قالی خوه و
گوت:

— من دقیا ل وی جهی بمرم.

چاڤين هه موويان زڤرينه دهڤي من. من تڙي ديمى خوه بشكوپرين كر و گوت:
_ من نه دڤيا كهس بو مرنا من خه مگين بت.

دهڤين ههر چاران بهش بوون. من بهري خوه دا گه نجى نه خوش و گوت:

_ من ڙي وهكو ته ئيشا گران هه بوو، دكتورا تنى سى هه يڤ دا بوونه من.

من ههست كر ههر چار يين مائنه بى گيان. دهنگى خوه نرم كر و گوت:

_ ئەف نهينيا ئەز ديبڙم دڤيت بيته پاراستن هه تا ئەم بگه هه نه ئەنجامين باش.

دايكي خوه لقاند و گوت:

_ نهينيا چ لاوى من؟

من ئەو توركى تڙي بهلگين گياى و نيڙكين گولان ژبهرويكا خوه دا ئينادهر و

گوت:

_ ئەفه هندهك گيا و نيڙكين گولانه، من وهك دهرمان مفا يى ڙي ديتى. هيفى

دكم تو ڙي بكار بينه دبت بته دهرمانى دهردي ته ڙي...

دايكي دهستى خوه ل سنگى خوه دا، ديمى وي گهش بوو، گوت:

_ دى... يا خودى تو بكيه شفا...

چاڤين زيڤ يى گه نجى نه خوش ته ييسين، گوت:

_ من تنى دو هه يڤ يين مائين، كا بينه بلا بهري ڤي ده مى پى بمرم و تهنا

بم.

براى وي گوت:

_ برا... تو خوه ل بهر چ تاقيرنا ناگرى...

گه نجى نه خوش گوت:

_ ههر مرنه، هندی زويتره كيم نازارتره...

دايكي گوت:

— مه چ دکتۆر و شیخ و مهلا نه هیلاینه، بلا قان ژى تاقى بکت. خودی دهر داینه و دهرمان ژى داینه...

وهکو کویسه له یی پیر، من پرتین وان جوړین به لگین گیای و نیرکین گولا بهردانه دهقی گهنجی نه خوش و هندهك ئاف بسهردا بهردا و گوت:
— هفت روژان دی قان دهرمانا بکارئینن و دی چافه ری بن...
دایکی گوت:

— تو قان هفت روژان میقانی مهیی...

هه قالی من یی شو فیڕ گوت:

— ئەو میقانی منه و...

دایکی نه هیلا ئاخفتنا خوه بداوی بینت، گوت:

— میقانی مهیه، دا چاقی وی ل کورئ من بت.

من شو فیڕ دا ری، هندهك پاره کرنه د دهستی دا و گوتی:

— ههتا هفت روژین دی بو من ل هندهك نه خوشین دی پهیدا بکه، مه گهلهك کار یی هه ی...

گهنجی نه خوش نفست و ئەز و برایی وی دایکا وی کهتنه سوحبه تی.

هه ر تشتی من دیتی و بسه ری من هاتی من بو وان گوت...

چاقین هه موو دایکان هه لگرین خه م و پرسانه، دلین هه موو دایکان وهلاتن، په نا گه هین ته نانه.

لاقه و هیقییین هه موو دایکان ئارامکهرن، ئەز نه چارکرم سوحبه تا خوه هه مووی بو وان بیژم.

هه موو دایک وهکو دایکا منن، هیقی و لاقه یین وی شەف و روژ کرنه ئیک، ئەم دخه و برن.

دایکی گازندهیه ک برهنگی ئامۆشگاریی کر، گوت:

— كورئ من تهله فو نا دايكا خوه و ههقژين و برايئ خوه بكه. دا ژته پشتراست
بن...

سپيدئ زوى ئەز ل دهنگئ گهنجئ نهخوش هشير بووم، گوټ:

— سپيده باش برا، ته ئەو دهرمان هيشتا ههنه؟

من زانى دهرمانين من تاما دهقئ وئ يا خوش كرى، ديسا هفت جورين بهلگا
و نيركين گولا كره د دهقئ دا و هندهك ئاف ب سهردا بهردا.

چاڤين وئ پهياما هيقيين گهش دگهاندين، خوين د ماسولكين لهشئ وئ دا
گهريا.

هفت روژ وهكو خهونئ دهربازبوون. روژ بو روژئ ديمئ گهنجئ نهخوش
گهشتر دبوو، گههين دهست و پين وئ دشديان.

ل روژا ههشتئ رابوو سهر خوه، كره ههوار، كهنى و گرى تيكهل كرن.

— ئەز نامرم، ئەز يئ ساخ دبم، ئەز دئ ژيم...

چاڤين دايكا دل كول تژى گرى و هيقي بوون، برايئ دل مهزن ئەز كرمه دناف
سينگئ خوه دا.

ههقالئ من يئ شوڤير هات و ئەم بهرهف نهخوشهكى دئ چوون.

ههر هفت روژا ئەز دبوومه ميڤانئ مالهكئ، ل هنداف سهرئ نهخوشهكى ل
بهر مرنئ...

ههقالئ من يئ شوڤير ههر چهندهكى ئەز ددانامه دهرئ گهليئ زرکا و سپيدئ

دهات ئەز دبرمه مالا نهخوشهكى. من ههست كر محهمه دئ عهمه ر ديسا ب

چانتك و تويرك و دهرمانكين خوه فه يئ چارهسهرىيا نهخوشا دكت و وهكو جاران
ل بهر دهرگههئ مالا وئ نهخوش لاقهيان بو دكن.

پشتی هه‌یقه‌کی دووا، تژی باژی‌ری دهۆکی ده‌نگوباسین مه‌ بوون. جهین
په‌یوه‌ندی‌دار ل مه‌ گه‌ریان.

ل به‌رانبه‌ری چا‌ق‌ک‌ین کامیره‌یین په‌یامنی‌رین نا‌ق‌خ‌وی‌ی و یین جیهانی.
من ده‌نگی‌ خو‌ه‌ بلند کر و‌گ‌وت:

— مرو‌ف ژ‌ زین‌گه‌هی‌ه و زفرین بو‌ هه‌می‌زا وی، کریاره‌کا سروشتیا فی‌ ژیانیه
په‌یوه‌ندیا مرو‌قان ب‌ ژین‌گه‌هی‌ه فه‌ وه‌کو په‌یوه‌ندیا دایک و زارو‌کایه،
له‌وا ژین‌گه‌ه‌ وه‌کو دایکه‌کی فی‌ت‌ پا‌ق‌تر به‌یته‌ را‌گ‌رتن و ریز لی‌ به‌یته‌ گ‌رتن.
گه‌له‌کا ده‌ست بو‌ من قوتان. من هه‌ست به‌رکه‌تنی‌ کر.

— مرو‌ف تنی‌ نه‌ندامه‌کی ب‌چیکه‌ دژین‌گه‌هی‌ه دا وه‌کو هه‌ر تشته‌کی دی ل
سه‌ر نه‌ردی...

تلین خو‌ه‌ هه‌ژمارتن.

— ئاخ و ئاف و با و دار و به‌ر. چا‌وا پشکه‌ک گ‌رنگن وسا مرو‌ف ژ‌ی
پشکه‌که ژ‌ زین‌گه‌هی‌ه فی‌جا شینا کارتی‌ک‌رنه‌کا خراب لسه‌ر بکه‌ت بلا ئا‌فا بکه‌ت
و بو‌ ژین‌گه‌هی‌ه ببیته‌ هه‌قال...

جه‌ بی‌ده‌نگ بوو، هه‌موو ل هی‌قی‌ا بریار و هلکه‌تنا من بوون...

من سوز دا نه‌ز فی‌ چاره‌سه‌ری‌یی‌ ئاشکرا نه‌کم هه‌تا حوکمه‌ت و س‌ازی‌ین
ته‌ندروستی‌یا جیهانی سوزی‌ بدن، نه‌ف ده‌رمانه‌ بو‌ هه‌موو مرو‌قان ل سه‌رانسه‌ری
جیهانی‌ یی‌ به‌رده‌ست و بی‌ به‌رانبه‌ر بت.

ئی‌قاره‌کا دره‌نگ پشتی‌ نه‌ز گه‌هشتیم ئارمانجین گه‌له‌ک باش و من هه‌ست ب
سه‌رکه‌تن و ئارامی‌ی‌ کری، سه‌ری‌ من ل سه‌ر رانی‌ دایکا من بوو، من ته‌له‌فونا
هه‌قژینا خو‌ه‌ کر.

— نه‌لو...

— نه‌لو، نه‌زم، دی‌ قان روژان زقرم...